



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Ex Bibl. Suteri.





HERMANNI SCHLICHTHORST

BREMENSIS

INSTITVTI REGII HISTORICI GOTTINGENSIS

ASSESSORIS

GEOGRAPHIA
A F R I C A E
HERODOTEAE



Nisi vtile est, quod facimus, stulta est gloria.

GOTTINGAE
SVMTIBVS VANDENHOECKIANIS ET RVPRECHTII

1788.

PRAEFATIO

• C H R. G. H E Y N I I.

Mirum videri potest, me potissimum ad commendandam hanc commentationem prodire, cum ipse inter iudices sederim, qui alii commentationi super quaestione proposita primas detulerunt. Quod quidem nolim quemquam ita interpretari, ut in me transferre velit notum illud, quasi victrix causa diis placuerit, victa Catoni. Immo vero sententiam tuli cum aliis, non secundum alios. Verum in certamine iudicium faciendum est secundum ea, quae in quaestione proposita sunt; contra in scriptione aliqua esse possunt multa, quae probes ac commendes, etsi illud, de quo quaerebatur, expeditum sit ab aliis diligentius. Argumentum quidem, quod commentationis huius auctor, litterarum graecarum et latinarum copiis praeclare instructus, tractauit, ita est comparatum, ut, quo plures in eo versati fuerint, et quo plus operae in illud collatum fuerit, eo magis illustratum et enucleatum

tum illud esse necesse sit. Ea enim rerum prae-
 cae memoriae est natura et indoles, cum eae
 aut e multis diuersorum scriptorum locis, inter-
 dum ex obscuris vestigiis, aut ex vno vel altero
 scriptore, qui suis popularibus, non nobis illa
 scribebat, sint eruendae, vt, vbi plures ad per-
 spiciendam et inuestigandam rem propositam ac-
 cesserint, non facile sit aliquis, qui non aut
 comparando diuersa aut disiungendo similia ex-
 piscetur aliquid, quod ceteros eidem rei inten-
 tos fugerit. Idem euenisse videbit lector in com-
 mentationibus super quaestione proposita scrip-
 tis; habebitque vtilitatem earum comparatio,
 siue ad iuniorum studia, si quidem eandem rem
 a diuersis diuersimode traditam et explicatam
 cognouerint, et in causas, cur altera alteri
 praelata fuerit commentatio, inquirendo iudi-
 cium suum acuerint, siue inter doctiores, dum
 ipsi comparationem inter scripta illa faciendo
 arbitrium Ferent, et iudicium publice factum ipsi
 ad suum iudicium exigent.

Equidem officio meo satisfacere volui hacte-
 nus, vt iuuenem ingenuae et erectae indolis, et
 cum aliarum, tum antiquarum litterarum sci-
 entia bene imbutum, earumque tradendarum
 studio incensum, nuncque hac Musarum sede
 relicta ex umbra in palaestram studia sua effe-
 rentem, iis commendem, quorum interesse po-
 test, vt iudicio suo, quod ipsi facturi sunt, prae-
 iudicium iam ab alio factum ante oculos posi-
 tum habeant.

LECTVRIS

SALVTEM ET OFFICIA

HERMANNVS SCHLICHTHORST.

Geographia Africae Herodotea, h. e. notitia Africae geographica ex Herodoto constituta, ita ut populi ac regiones ab eo commemoratae probabiliter geographico more finiantur ac describantur; adiunctis ex aliis scriptoribus non nisi iis, quae ad illustrationem facere possunt; Aegypti summatim tantum ratione habita.,,

Ita quidem qu aestio ordinaria *) ab *Illustri Philosophorum Ordine* civibus de praemio Regis augustissimi munificentia constituto certaturis in annum LXXXVII. proposita. Me quidem, cum ad conscribendam *Geographiam Africae Herodoteam* accedere apud animum constituissem, minime latebant difficultates, hunc qualemcunque libellum scripturo obuias, quae tantae sunt, ut non nisi ab iis prospere possint superari, qui in soluendis omnis generis nodis, in *Geographiae*

a. 4

nime

*) Proposita erat ab eodem Ordine in eundem annum alia *extraordinaria* de *fabulosa Argonautarum Geographia*.

tum illud esse necesse sit. Ea enim rerum prae-
 cae memoriae est natura et indoles, cum eae
 aut e multis diuersorum scriptorum locis, inter-
 dum ex obscuris vestigiis, aut ex vno vel altero
 scriptore, qui suis popularibus, non nobis illa
 scribebat, sint eruendae, vt, vbi plures ad per-
 spiciendam et inuestigandam rem propositam ac-
 cesserint, non facile sit aliquis, qui non aut
 comparando diuersa aut disiungendo similia ex-
 piscetur aliquid, quod ceteros eidem rei inten-
 tos fugerit. Idem euenisse videbit lector in com-
 mentationibus super quaestione proposita scrip-
 tis; habebitque vtilitatem earum comparatio,
 siue ad iuniorum studia, si quidem eandem rem
 a diuersis diuersimode traditam et explicatam
 cognouerint, et in causas, cur altera alteri
 praelata fuerit commentatio, inquirendo iudi-
 cium suum acuerint, siue inter doctiores, dum
 ipsi comparationem inter scripta illa faciendo
 arbitrium ferent, et iudicium publice factum ipsi
 ad suum iudicium exigent.

Equidem officio meo satisfacere volui hacte-
 nus, vt iuuenem ingenuae et erectae indolis, et
 cum aliarum, tum antiquarum litterarum sci-
 entia bene imbutum, earumque tradendarum
 studio incensum, nuncque hac Musarum sede
 relicta ex umbra in palaestram studia sua effe-
 rentem, iis commendem, quorum interesse po-
 test, vt iudicio suo, quod ipsi facturi sunt, prae-
 iudicium iam ab alio factum ante oculos posi-
 tum habeant.

LECTVRIS

SALVTEM ET OFFICIA

HERMANNVS SCHLICHTHORST.

Geographia Africae Herodotea, h. e. notitia Africae geographica ex Herodoto constituta, ita ut populi ac regiones ab eo commemoratae probabiliter geographico more finiantur ac describantur; adiunctis ex aliis scriptoribus non nisi iis, quae ad illustrationem facere possunt; Aegypti summatim tantum ratione habita.,

Ita quidem qu aestio ordinaria *) ab Illustri Philosophorum Ordine civibus de praemio Regis augustissimi munificentia constituto certaturis in annum LXXXVIII. proposita. Me quidem, cum ad conscribendam *Geographiam Africae Herodoteam* accedere apud animum constituiissem, minime latebant difficultates, hunc qualemunque libellum scripturo obuias, quae tantae sunt, ut non nisi ab iis prospere possint superari, qui in soluendis omnis generis nodis, in Geographiae

a 4

nime

*) Proposita erat ab eodem Ordine in eundem annum alia extraordinaria de fabulosa Argonautarum Geographia.

PRAEFATIO AVCTORIS.

antiquae purgandae studio occurrentibus, diu multrumque sudarunt. Attamen hunc in me suicepi laborem, cum proposita esset quaestio nobis literarum studiosis, a quibus *Bonos omnes in primis Illustrrem Academiae nostrae Philosophorum Ordinem* non id exspectaturum persuasum mihi habeo, quod virium nostrarum modulum superat, nec nisi a viris doctrina et eruditione longe celeberrimis praestari potest. Et licet virium mearum imbecillitatis probe memor essem, cum ad hanc *notitiam Africae Geographicam ex Herodoto constituendam* animum appellerem, mearum tamen partium duxi, ut pro virium tenuitate Regis Optimi institutum tuerer, quo omnes, quotquot in Academia sua literarum causa versantur, ad praeclara quaevis audenda ante aliquod annos prouocare coepit. Praeterea cum Bibliotheca Academica, et quorundam Virorum doctorum humanitas libros mihi suppeditarent subsidiarios, cumque horis subserviis aliqua reseruanda esset occupatio, denique cum laudis studium Optimum quemque trahat, nec vlla difficultas tanta sit, quae non aliqua ex parte superari possit: consilium de conscribendo hoc qualicumque libello mutare dubitavi.

Habetis hic, Lectores, causas rationesque, quibus ad conscribendum, quem quibusdam in locis emendatum Vestro iudicio nunc submitto, libellum adduci me passus sum.

Iam vero ante omnia necesse est, ut causas afferam, quae me impulerunt, ad eum ordinem, quem in rebus tractandis seruavi, maxime probandum. Ordinem enim Geographis probatum,

tum, qui ab Occidente in Orientem tendunt, me laessisse perspicitur, ita, vt inuerso ordine ab Oriente sumto initio Libyam permearem. Illud autem reliqui, hunc sequutus sum ordinem ab ipso *Herodoto* ductus, qui in loco classico, Lib. IV. cap. 168. seqq. in quo Libyae faciem declarat, descriptionem suam ita instituit, vt a finibus Aegypti initio facto Africam permearet. Praeterea, qui in depingendam *Geographiam Africae Herodoteae*, neglecto ordine Geographis probato, ab Oriente iter faciendum incipit, a minus obscuris ad obscuriora lectores deducit. Libyae enim oram maritimam, mari mediterraneo obuersam, quae Auctori nostro potissimum innotuit, ab Aegypti finibus vsque ad Carthaginem diligenter depingit *Herodotus*; de reliqua eius parte vsque ad columnas autem non nisi locum anonyum, et promontorium *Soloenta*, quod false adeo terminum Libyae occidentalem credit, ipsi commemoratum esse deprehendimus. Cum igitur duae rationes, a aeque haud contemnendae, memet impellerent, vt ab Oriente in Occidentem Africam permearem, non potui, quin in fronte libri mei Aegypti descriptionem ponerem. Ab Aegypto igitur initio facto ad Libyam progressus sum depingendam eo ordine, quo vsus est ipse *Herodotus* lib. IV. cap. 168. seqq. In fine commentationis Aethiopiam subieci, omnemque libellum in duas ditissi sectiones, quarum priori Aegyptus describitur, posteriori Libya reliqua. Accurationem earum conspectum ipsis singulis sectionibus praefixi.

Cum vero expressis verbis iusserit *Illustris Philosophorum Ordo*, in primis longe celeberrimus

PRAEFATIO AVCTORIS

mus argumenti Auctor, HEYNIVS, de regio praemio certaturis *Aegypti summam tantum habendam esse rationem*, huic clausulae, ut potui, satisfacere studii. Rationes, quibus ad istam clausulam quaestioni subiiciendam induci se passus sit *Illustris Ordo* hic nihil attinet inuestigare. Quod vero obitur dictum sit, in causa esse videtur Aegypti descriptionum multitudo, quarum oneri officinae nostrae librariae paene succumbunt. Ad illum igitur finem, quem spectabat quaestionis Auctor, obtinendum! quaecunque de Aegypti nomine, finibus, magnitudine, flumine, paludibus, diuisione, populis, montibus, urbibus oppidisque ab *Herodoto* commemorata sunt, diligenter, et, ut ego quidem existimo, plene collegi, instituta tantum cum *Diodoro Siculo* comparatione, et adiunctis ex scriptoribus aliis, in primis ex *Itinerariis recentioris aevi*, et ex *descriptione Aegypti d'Anvilleana* non nisi iis, quae scitu maxime necessaria sunt ei, qui hodiernam Aegypti faciem cum ea, qualis fuit *Herodoti* aetate, comparare animum induxit. Hoc modo librum hunc meum existimanti, non alienam ab hac *Aegypti Herodoteae* descriptione esse apparebit nominum recensio- nem, quae praesertim urbibus oppidisque recentiori maxime aetate imposita sunt. Hebraica quarundam urbium nomina, quae *Herodoteis* respondent, sane non adiecissem, nisi persuasum mihi haberem, illam comparationem non omni utilitate esse destitutam; duces etiam hac in re habeo omnes, quotquot Aegypti Geographiam attigerunt. Recentiora nomina, eaque arabica, latinis literis expressi, et ne forte in scribendo

hoc

PRAEFATIO AVCTORIS

hoc vel illo nomine a verâ scriptura aberrarem; et, ne alieno loco eruditionem iactaturus viderer. Breuitati tamen in *depingenda Aegypto Herodotea* vbique studui, salua tamen perspicuitate et congruentia quoad ea, quae ne nudam nominum recensionem exhiberem, ex ipso *Herodoto*, interdum et ex *Diodoro* aliisque adiicienda esse iudicaui. Prolixius quaecunque de *Geographia Aegypti* in *Herodoto* occurrunt, exposuerunt d' *Anville* *) et *Larcherius* **), Viri celeberrimi. In videndis autem et emendandis erroribus, qui in scriptis doctissimorum horum Virorum passim occurrunt, in primis in opere d' *Anvillii*, alia atque alia secundum opinionis alicuius commentum (nos hypothesein appellamus) existimantis, saepius dux mihi fuit Vir longe celeberrimus, GATTERERVS, praeceptor meus pie deuenerandus, in critica libri illius d' *Anvilliani* recensione, quae legitur in libro, inscripto: *Allgemeine historische Bibliothek von Mitgliedern des Königlichen Instituts der historischen Wissenschaften zu Goettingen*, Tom. XI. pag. 27 - 130.

Omnem materiam, quam ad constituendam
ex *Herodoto* notitiam *Aegypti geographicam* con-
gessi, ita disposui, vt tantum non penitus ordi-
nem

*) *Memoires sur l'Egypte aucienne et moderne*. Paris 1766. 4.

**) *Histoire d'Herodote, traduite du Grec, avec des remarques historiques est critiques, un Essai sur la Chronologie d'Herodote et une Table Geographique*. Paris 1786. Tom. I- VII. De *Aegypto* agitur in primis Tom. II. et in indice *Geographico*, seu Tom. VII.

nem, *d'Anvillio* probatum, sequutus sim. Quod quidem necesse erat, cum in positione quarumdam urbium ab erudito hoc scriptore recedendum mihi esset. Urbium autem oppidorumque recensum, ut verbo dicam ita institui, ut a locis maritimis ad mediterranea, a septentrione ad meridiem pergerem, id quod *d'Anvillium* in Aegypti inferioris descriptione neglexisse apparet; certum enim ordinem, quem in enumerandis Aegypti inferioris locis sequatur, non habet. Denique in recensendis urbibus et oppidis, Aegypti in nomos diuisionem, quam nonnulli scriptores sequuti sunt, respui, quippe quae nimis incerta est. Ut enim taceam, alium nomorum numerum commemorari a *Diodoro*, (lib. I. pag. 50. s. pag. 35. A.) et *Strabone*, (lib. XVII. pag. 787. c.) alium a *Plinio*, (Hist. Nat. lib. XXXVI. cap. 13.) alium a *Ptolemaeo*, (lib. IV. cap. 5.) alium denique ab ipso *Herodoto*: (lib. II. cap. 165. 166.) ista diuisio hac quoque de causa fugienda erat, quoniam *Herodotus*, cuius *Aegypti Geographia* mihi conscribenda erat, nonnullos nomos commemorat, quorum incerta est positio, et vero omnes omnino Heptanomidis et Thebaidis, vno verbo, Aegypti superioris nomos silentio praetermisit.

Quae de aeris temperie in Aegypto, de bonis Aegyptiacae terrae, et de praecipuis quibusdam Aegyptiorum moribus atque institutis in *HERODOTO* occurrunt, ea de causa strictim attigi et ipsi *Aegypti Herodoteae descriptioni* subieci, quoniam ea omnia e variis Auctoris nostri locis colligenda erant. Cum vero *Herodotus* Libyum mores ipsis singulis in locis exponat, in
qui-

quibus singularium Libyae gentium descriptionem dedit, adeoque noscendi cupidus eos facili negotio addiscere possit, hac ipsa ratione inductus, ne praeter rem longus essem, Libyum mores et id genus alia, quae ad Libyes pertinent, omnino fere praeteriui. Horum vero nonnulla in ipso libelli sectione altera occurrunt, alia Opusculi huius delineationi inserui.

Ad conscribendam autem hanc *Africae Herodoteae Geographiam* his potissimum libris subsidiariis usus sum:

HERODOTI HALICARNASSENSIS *Opera ex recensione et cum notis Petri Wesselingii aliorumque. Amsterd. 1763. Fol.*

Histoire d'Herodote traduite du Grec avec des remarques historiques et critiques, un Essai sur la Chronologie d'Herodote et une Table Geographique par Mr. Larcher. Paris 1786. I - VII. 8.

Diodori Siculi *Bibliotheca historica ex editione Laurentii Rhodomanni. Hannov. 1604. Fol.*

Caii Sallustii Crispi *opera omnia, quae exstant, interpretatione et notis illustravit Daniel Crispinus. Lond. 1776. 8.*

Strabonis *Geographiae libri XVII. ex recensione Casauboni. Lutet. Paris. 1620. Fol.*

Claudii Ptolemaei *de Geographia libri VIII. Basileae, 1533. 4.*

Antonini *Itinerarium ex Edit. Wesselingii. Amst. 1760. 4.*

Pomponius Mela *de situ Orbis cum observationibus Isaacii Vossii. Hagae - Comitum 1658. 4.*

Plinii *Historia Naturalis. Biponti. 1784. 5. Voll. 8.*

Quosdam alios veteres auctores, quos cursim tantum inspexi taceo.

Scriptorum recentiorum, quae excussi, praecipua haec sunt: Christophori Cellarii *Notitia Orbis Antiqui. Lips. 1701. et 1760. II. Tom. 4.*

Abulfedae *descriptio Aegypti, arabice et latine, e Codice Parisiensi edidit, latine vertit, notas adiecit I. D. Michaelis. Goettingae 1776. 4.*

Memoires sur l'Egypte ancienne et moderne par Mr. d'Anville, Paris. 1766. 4.

Geo-

omnibus, quibus eam inuestigare et explorare forte placeat.

Superest, ut duo errores Geographicos, ex minus iecta quorundam *Herodoti* locorum interpretatione oriundos, strictim attingam.

Alter horum errorum e falsa *Laurentii Vallae* interpretatione profectus est, quippe qui secundum *Herodoti* verba: ἐπὶ μὲν νῦν Βάττω τε τοῦ οἰκίσου τῆς Ζοῆς, quae libr. IV. cap. 159. exstant, Battum nobis dedit, qui condidit Zoam. Vallam sequutus *Abrahamus Ortelius* in thesauro suo geographico Zoam Cyrenaicae urbem, commemorat. Ita autem constituto verborum ordine: ἐπὶ μὲν νῦν τῆς Ζοῆς Βάττω τε τοῦ οἰκίσου, sensus huius loci hic est: dum viveret Battus conditor (scilicet Cyrenes. *Herodotus* enim secundum dialectum lonnicam Ζοῆς scripsit pro Ζωῆς. Conditoris epitheton Batto et ab aliis scriptoribus tribuitur. Vid. *Pindar.* Pyth. IV. 10. *Callim.* Hymn. in Apoll. 67. Mirum sane est, absurdum hunc errorem, quem iam detexit *Paulus Leopardus* Seculi XVI. scriptor, (Emendat. lib. III. cap. XI. pag. 55.) non ante *Valkenarii* et *Wesselingii* tempora ex *Herodoto* extrusum esse; eum ne vidit quidem *Gronovius*, Vir clarissimus. Obseruatus tamen est hic error et emendatus a *Bouhierio* in libro, cui titulus: *Recherches et Dissertations sur Herodote, Chap. XII. pag. 130.* Post *Wesselingium* demum hunc errorem notarunt *Bellangerius*, teste *Larcherio*, merito ei adstipulante Tom. III. not. 246. pag. 469. aliique.

Alter error notandus apud *Bochartum* et quosdam alios occurrit. Fuerunt enim nonnulli, v. c. *Bochartus* (Phaleg lib. IV. cap. 27. pag. 313. E,

PRAEFATIO AVCTORIS

Geographie ancienne abrege par Mr. d'Anville. Ibid.
1768. Tom. III. 8.

Geographia sacra auctore Samuele Bocharto. Cadomi
1651. Fol.

Recherches et Dissertations sur Herodote par Mr. le Pre-
sident Bouhier. A Dijon 1746. 4.

Relation uniuerselle de l'Afrique ancienne et moderne -
par le Sr. de la Croix. Lion 1688. 4 Voll. 8.

Umbstaendliche und eigentliche Beschreibung von Africa
durch O. Dapper. Amsterd. 1670. Fol.

Allgemeine historische Bibliothek von Mitgliedern des
Königlichen Instituts der historischen Wissenschaften
zu Göttingen. Herausgegeben von Joh. Christoph.
Gatterer. Halae.

Hausi nonnulla e Tom. II. XI. XIV. XVI. Posterioribus
continentur excerpta e Bryanti Observations and In-
quiries cet.

Ioa. Bapt. Gramaye Africa illustrata. Tom. Nerv. 1621. 4.
Bibliothèque Orientale - par Mr. d'Herbélot. Paris,
1697. Fol.

Nachrichten von Marockos und Fes im Lande selbst ge-
samlet in den Jahren 1760 - 1768. von Georg Hoesf.
Aus dem Daenischen uebersetzt. Kopenhg. 1781. 4.

Ioannis Leonis Africani Africae descriptio. Lugd. Bat.
1630. 16.

Iobi Ludolfi Historia Aethiopica. Francof. ad. Moen.
1681. Fol.

Eiusdem Commentarius ad suam Historiam Aethiopicam
antehac editam. Ibid 1691. Fol.

L'Afrique de Marmol de la traduction de Nicol. Perrot.
Paris 1667. 4.

Lettres sur l'Egypte - par Mr. Savary. Ibid. 1785. 8.

Voyages de Mr. Shaw. dans plusieurs provinces de la
Barbarie et du Levant - traduites de l'Anglois. A la
Haye 1743. 2 Voll. 4.

Adscripsi titulos horum librorum, e quibus
omnis commentationis meae fides pendet, et
editionum, quae mihi in conscribendo hoc li-
bello ad manus fuerunt, subieci indicem, non
vt magna lectione superbirem, sed vt quanta
diligentia in laudandis aliis versatus sim appareat
omni-

E. et pag. 314. A.) et *Bouhierius* (l. c. pag. 73.) qui affirmarent, *Magdolum*, Aegypti urbem, quae pene in ingressu Aegypti ad milliarem XII. a Pelusio fuit, ut in *Itinerario Antonini* habetur, *Herodoto* commemorari. At ex Auctoris nostri lib. II. cap. 159. coll. lib. III. cap. 5. satis apparet, *Magdolum*, cuius ille meminit, urbem Phoeniciae maritimam fuisse. Error haud dubie inde ortus, quod ille locus, quem *Herodotus* *Magdolum* appellat, ab aliis scriptoribus non nisi *Maggeddo*, s. *Megiddo* vocatur. Quibus si addideris, quod proelium *Herodoto* lib. II. cap. 159. memoratum, non diuersum haberi potest ab eo, cuius 2 Paralipom. XXXV. 19 - 24. mentio exstat, *Magdolum* Aegypti in *Herodoto* occurrere, nemo amplius erit, qui affirmauerit.

Scripsi hanc praefationem animo moestissimo. Scilicet his ipsis diebus, quibus typis exscribendum curavi libellum huncce, vale mihi dicendum est almae Georgiae Augustae, suauissimo Musarum commercio, cui quid debeam grata mente ubique praedicabo. Vale mihi dicendum est ut lectissimae omnium ordinum amicorum coronae, sic maxime praeceptoribus meis academicis, viris optime de me meritis, quorum singularia animi in me propensi documenta nullum unquam tempus, dum viuam, mea ex memoria deleturum esse sanctissime polliceor. Praestet saluos et incolumes Numen supremum Viros hos optimos, quorum nomina ut nostra aetate sunt celeberrima, sic mirabunda colat discendi cupida posteritas.

• Scrib. Gottingae d. XXIV. Sept. 1788.

• PRO-

GEOGRAPHIA AFRICAE
HERODOTEAE.

A

DELINEATIO OPVSCVLI.

PROLEGOMENA. Praemissis in vniuersum nonnullis de totius terrarum orbis, Veteribus noti, diuisione, §. I. speciatim vero de Libya seu Africa, tertia orbis antiqui parte: §. II. quot modis accipiat ab HERODOTO Libyae nomen, §. III. indicatur. Agitur deinde de termino inter Asiam et Africam constituendo, §. IV. de Libyae finibus vniuerse, speciatim vero de Isthmo Aegyptiaco, §. V. et de maribus, quibus circumdata est Africa. §. VI.

SECTIO I. in qua *Aegyptus* describitur. --
Cap. I. in quo de eius nomine, finibus, magnitudine, flumine, paludibus et diuisione agitur. --
Aegypti nomen §. VII. et fines. §. VIII. -- Aegyptus trium dierum iter vltra Moeridis lacum coeno aggesta. §. IX. -- Aegypti magnitudo, §. X - XIV. et quidem 1. eius longitudo iuxta mare, §. X. XI. -- 2. Latitudo Aegypti inferioris et superioris. §. XII. 3. Inferioris Aegypti longitudo a Pelusiaco ostio vsque ad Heliopolin seu verticem Deltae. §. XIII. -- 4. Aegypti superioris

A 2

ris longitudo. §. XIV. -- De Nilo, vnico Aegypti fluuio, agitur §. XV-XXIII. et quidem 1. de Nili nominis origine; §. XV. 2. de fontibus eius; §. XVI. 3. de eiusdem et regionis vltra Elephantinam natura. §. XVII. -- 4. Nilus quousque cognitus. §. XVIII. -- 5. Eiuscursus in Aegypto et ostia. §. XIX. -- 6. Nilus quam regionem inundet. §. XX. -- 7. Quousque crescat et decrescat. §. XXI. -- 8. Varias de incremento Nili sententias. §. XXII. -- 9. Incrementum Nili maximum. §. XXIII. -- In fine huius capituli exponitur de paludibus §. XXIV. et diuisione Aegypti, §. XXV. -- *Cap. II. Singularum gentium, regionum, urbium oppidorumque Aegypti descriptionem complectens.* -- Praemisso recensu exterarum gentium, quae Aegypti loca quaedam inhabitasse dicuntur HERODOTO, §. XXVI. sequitur *I. Aegypti inferioris descriptio*, §. XXVII-XXXI. et quidem 1. partis Aegypti inferioris occidentalis vsque ad Deltam; §. XXVII. 2. Deltae magnae, et, praemissis paucis de origine nominis Deltae, eiusque ambitu, §. XXVIII. α) quidem eius partis, quae est inter ostium Canopicum et Phatniticum, §. XXIX. tum β) regionis, inter Phatniticum ostium et Pelusiacum sitae, quae vulgo Deltae paruae nomine venit; §. XXX. 3. Aegypti inferioris partis orientalis, quae est extra Deltam §. XXXI. -- *II. Descriptio Aegypti superioris*, 1. Heptanomidis §. XXXII. et 2. Thebaidis. §. XXXIII.

Ad finem perducta Aegypti descriptione subiiciuntur *Epimetra IV.* Horum autem 1) exponitur de urbium, oppidorum et incolarum Aegypti

gypti numero; 2) de Phoenicum circumuectione Libyae; 3) de mensuris Geographicis, HERODOTO memoratis; 4) denique ea, quae de aëris temperie, de bonis Aegyptiacae terrae, de Aegyptiorum diuisione et de praecipuis eorum moribus et institutis ab HERODOTO narrata accepimus, adduntur.

SECTIO II. *Libyae descriptionem complectens.*

(Contextus loci classici apud *Herodotum* Lib. IV. cap. 168. sqq. in quo Libya describitur. — Inferuntur suis locis reliqua, quae ad Geographiam Libyae pertinent, passim in *Herodoto* obuia, ita, ut haec contextus loci illius explicatio pro conspectu *posterioris Geographiae Africae Herodoteae sectionis* haberi possit.)

CAP. I.

Descriptio eius Libyae partis quae ab HERODOTO Lib. IV. depingitur.

Libyae oram maritimam Libyaeque partem supra hanc sitam, quae HERODOTO potissimum innotuit, ipse Auctor noster in *duas partes* diuidit, *orientalem* et *occidentalem*, (HERODOT. lib. IV. cap. 191. coll. cap. 160) a qua diuisione in declaratione Libyae faciei, qualis depingitur ab HERODOTO, recedere animus non est.

I. *Partem Libyae orientalem*, quae ab Aegypto vsque ad Tritonem fluium et Tritonidem paludem porrigitur, (HERODOT. lib. IV. cap. 191. coll. 187.) in tres partes minores diuidit HERODOTVS. Exponit enim

1) eas gentes, quae mare accolunt, (cap. 168-180) §. XXXIV-LI. et quidem

a) *Adyrmachidas*, §. XXXIV.

β) *Giligammas*, §. XXXV.

Quae sequuntur Libyae gentes, cum Cyrenaicam inhabitarent, iis inferuntur, quae de *Cyrenaica* in HERODOTO occurrunt. Agitur itaque

a) De Cyrenaicae regionis et incolarum nominibus, nec non de finibus Cyrenaicae; §. XXXVI.

b) De Cyrenaicae natura; §. XXXVII.

c) De Cyrenaeorum in tribus diuisione; §. XXXVIII.

d) De fontibus Cyrenaicae §. XXXIX.

Tunc subiiciuntur gentes Cyrenaicae, quas post Giligammas exponit HERODOTVS:

γ) *Asbystae*; §. XL.

δ) *Auschisae*; §. XLI.

ε) *Cabales*; §. XLII.

ς) *Nasamones*; §. XLIII.

ζ) *Psylki*; gens HERODOTI aeuo iam extincta §. XLIV;

has vero excipit vrbium oppidorumque Cyrenaicae descriptio, quae nulli illius genti HERODOTVS adscripsit. §. XLV. Tum vero agitur de reliquis gentibus, quae oram Libyae maritimam vsque ad Tritonem fluuium et Tritoni-

tonidem paludem habitare HERODOTO dicuntur. Sunt autem hae:

η) *Garamantes* septemtrionales; §. XLVI.

θ) *Macae*; §. XLVII.

ι) *Gindanes*; §. XLVIII.

ια) *Lotophagi*; §. XLIX.

ιβ) *Machlyes*; §. L. et

ιγ) *Aufenses* §. LI.

Qui maritimum hunc tractum frequentant et inhabitant Libyes nomadicam vitam agunt omnes, (HERODOT. lib. IV. cap. 181. princ.) eosque Auctor noster appellare solet τους ἐπι θαλασσαν κατηκοντας et παραθαλασσιους lib. IV. cap. 171. 181. lib. II. cap. 32. a).

A 4

2) Su-

a) Probe teneamus, Libyae gentes, quas maritimas dicit HERODOTVS lib. IV. cap. 168-180 coll. cap. 181. princ. non omnes fuisse vere maritimas. *Asbylās* enim mare accollere diserte negat ipse Auctor noster capite 170., item *Garamantes* (septemtrionales) cap. 174. et *Gindanes* cap. 176. At, licet timidius verbis inhaerendum non esse nemo non facile intelligat, mirum tamen omnino primo intuitu videri unicuique debet, quod *Garamantes* in earum gentium numerum retulit HERODOTVS loc. cit. quae mare accolunt, cum tamen ipse alio loco affirmet, eos tractum belluosum (qui est supra tractum maritimum, HERODOT. lib. II. cap. 32. lib. IV. cap. 181.) lib. IV. cap. 174. adeoque tractum Libyae fabulosum lib. IV. cap. 183. (qui supra belluosum adeoque hoc remotior a mari est, HERODOT. lib. II. cap. 32. lib. IV. cap. 181.) inhabitare. Hic vero teneamus 1) probe distinguendum esse inter *Garamantes* septemtrionales (§. XLVI.) et australes: (§. LVI.)
tum

2) Supra maritimum tractum belluosus tractus est, siue Libya *θηριωδης*, quam HERODOTVS τα ὑπερ θαλασσης τε και των ἐπι θαλασσαν κατηκοντων ἀνδρωπων dicit lib. II. cap. 32. et lib. IV. cap. 181. Hic tractus desertus omnino est, excepta exigua quadam parte a Garamantibus inhabitata. HERODOT. lib. IV. cap. 174. §. LII.

3) Supra tractum belluosum est tractus tumultuosus et fabulosus adeoque vehementer aridus et omnino vastus, pluviaeque expers. HERODOT. lib. IV. cap. 181. 185. coll. lib. II. cap. 32. Supercilium hoc fabulosum a Thebis Aegyptiis vsque ad columnas Herculis (HERODOT. lib. IV. cap. 181.) adeoque extra illas (cap. 185.) porrigitur. Sunt autem in hoc supercilio, quamquam arido et vasto, ferme decem dierum itinere frustra salis, fere grumi grandes in collibus, quorum singulorum vertices e medio sale aquam gelidam et dulcem eiaculantur, circa quam homines habitant, vltimi versus solitudinem (HERODOT lib. IV. cap. 185. vid. et infra I. 4. pag. 10.) et supra regionem feris abundantem (HERODOT. lib. IV. cap. 181.) §. LIII.

α) Primi quidem *Ammonii*, cap. 181. §. LIV.

β) In secundo colle *Augilae*, (*Nasamones* §. XLIII.) cap. 182. §. LV.

γ) In

tum 2) rationem reddi posse satis idoneam, qua induci se passus sit HERODOTVS, vt *Garamantes* (septemtrionales) inter maritimas Libyae gentes referret, quam rationem videtis infra §. XLVI.

- γ) In tertio *Garamantes*, cap. 183. §. LVI.
- δ) In quarto *Atrantes*, cap. 184. §. LVII.
- ε) In quinto denique *Atlantes*, cap. 184. §. LVIII.

Atlantes versus occidentem non ultimi sunt eorum, qui supercilium fabulosum incolunt: qui vero post eos illud inhabitant, HERODOTO non innotuerunt. HERODOT. lib. IV. cap. 185.

Totus hic Libyae Tractus arenosus pluviae expers est, ideoque homines eum incolentes ex grumis salinis (tuti) struunt domicilia. HERODOT. loc. cit.

Qui ab Aegypto ad Tritonidem vsque paludem, hoc est, qui orientalem Libyae partem habitare dicuntur HERODOTO, b) vitam agunt nomadicam, carnes edunt et lac potant; carne tamen vaccina prorsus abstinent, quoniam Aegyptii ea non vescuntur: item suilla. HERODOT. lib. IV. cap. 186 et 191. Mores autem et instituta Afrorum Nomadum recensere hic nihil attinet. Exponuntur ab Auctore nostro

A 5

firo

- δ) Vtrum ea, quae HERODOTVS de Libybus orientalibus in vniuersum affirmat, non nisi de gentibus maritimis accipienda sint, an etiam de iis, qui supercilium fabulosum tenebant, non omnino liquet. Posterius tamen potiori loco habendum esse nobis quidem videtur, cum vniuersalis partia Libyae orientalis descriptio (HERODOT. lib. IV. cap. 191) in supercilium quoque fabulosum quadret, cumque haud dubie, qui illud inhabitabant, nomades essent omnes. De *Garamantibus* hoc certe constat. POMPON. MELA. lib. I. cap. 8.

stro lib. IV. cap. 187-190 c). Ipsa autem haec Libyae pars non ita abundat feris, quam occidentalis; depressa etiam est et arenosa. HERODOT. lib. IV. cap. 191.

- 4) Quae supra supercilium illud sabulosum sita est versus Notum et mediterranea Libyae loca, regio deserta est, et aqua, feris, imbribus, ligno, humore adeo omni caret. HERODOT. lib. IV. cap. 185. §. LIX.

Breuem narrationem de animalibus apud Nomades Libyes degentibus d) inseruit HERODOTVS lib. IV. cap. 192.

II. *Pars Libyae maritimae occidentalis.* A Tritone fluuio et Tritonide lacu versus occidentem non sunt

- c) Africae plerosque incolas ab Aegypto vsque ad Tritonidem paludem Aegyptiis moribus vti affirmat HERODOTVS lib. IV. cap. 186. Ratio forte inde petenda est, quoniam hi Afri cum Aegyptiis communiter אֲפִרְיָיִם genus ducebant. BOCHART. Phaleg lib. IV. cap. 33. pag. 333. E.

- d) Ceruum in Libya degere negat; alii eum sequuntur, alii contrarium affirmant, quos singulos nominat WESSELIING. ad HEROD. l. c. HERODOTI aeuo cerui et apri Libyae si defuerint, dicendum erit, aliunde postea huc denenisse: nam conspici istic et venatu intercipi, docuit THOMAS GATAKERVVS Miscellan. lib. II. cap. 8. et SHAW Voyages. Tom. I. pag. 323. De singulis animalibus fusius exponere, quorum mentionem iniecit HERODOTVS l. c. ab hoc libello alienum esse iudicamus. Quid? quod nudam eorum recensitionem plane silentio transmittimus, cum non nisi laudato loco animalium in Libyis nomadum regione degentium meminerit Auctor noster.

sunt Libyes nomades, sed ii Libyes, qui aratores sunt et domos possidere in usu habent. HERODOT. lib. IV. cap. 191. coll. cap. 187. princ. Haec Libyae pars multo magis feris abundat et filiis, quam orientalis, maiorem quoque in modum montana est. HERODOT. lib. IV. cap. 191. Aratores Libyes commemorantur HERODOTO

- 1) *Maxyes*; lib. IV. cap. 191. §. LX.
- 2) *Zaueces*; cap. 193. §. LXI. et
- 3) *Byzantes* (*Gyzantes*) cap. 194. iuxta quos sita est insula nomine *Cyraunis*. Ibid. §. LXII.

Breuem narrationem de animalibus apud Libyes aratores degentibus e) inseruit HERODOTVS lib. IV. cap. 191.

His subiiciuntur in commentatione nostra nonnulla

- 1) De *Carthagine*, quae in Africa proprie sic dicta sita erat; §. LXIII.

2) De

- e) In horum animalium numero ab Auctore nostro l. c. recensentur etiam vrsi; ad quem locum haec a WESSELINGIO obseruata transcribere nobis liceat: "In Africa vrsus non gigni confidenter PLINIVS hist. nat. lib. VIII. cap. 36. Sequitur LIPSIVS Elect. lib. II. cap. 4. *pelle Libyftidos vrsae* Leoninam interpretatus, similemque in modum alia. — Contra vtrumque venit SALMASIVS ad *Solin.* pag. 220. — Salmasiana mihi non displicent stabilita testimonio doctissimi SHAW *Voyages* tom. I. p. 323." — Add. LARCHERII *Hist. d'Hérodote* tom. III. pag. 488. 489. 490. Reliqua animalium apud Libyes aratores degentium nomina non transcribimus. Locum enim habet etiam hic, quod obseruationi d) subiecimus.

- 2) De *Columnis Herculis*; §. LXIV.
 - 3) De *loco anonymo* extra columnas sito; §. LXV.
 - 4) De *promontorio Soloente*; §. LXVI. Additur
 - 5) Brevis relatio de partis Libyae hucusque descriptae hodierna diuisione §. LXVII. --
- Iam ne ordo geographicus interrumpatur

CAPITE II.

inferuntur ea, quae passim de Libya interiore, in HERODOTO occurrunt. Agitur itaque

1. De populo, Nigrum accolente. §. LXVIII.
- 2) De Aethiopia supra Aegyptum, §. LXIX-LXXIV. et quidem
 - a) De variis incolarum Aethiopiae supra Aegyptum nominibus, in HERODOTO obviis, item de Troglodytis Aethiopibus. §. LXIX.
 - b) De finibus Aethiopiae supra Aegyptum. §. LXX.
 - γ) De vrbe Nyfa. §. LXXI.
 - δ) De insula Tachompsa. §. LXXII.
 - ε) De vrbe Meroe. §. LXXIII.
 - ς) De Automolis. §. LXXIV.
3. De Aethiopibus Macrobiis. §. LXXV.

Denique subiiciuntur ea, quae HERODOTVS sub finem libri IV.

- 1) De vniuersali descriptione incolarum Libyae cap. 197. §. LXXVI. et
2. De vniuersali descriptione naturalis soli Libyae conditionis cap. 198. §. LXXVII. memoriae prodidit.

Epimetricum exponit de populo incertae sedis. §. LXXVIII.

PRO-

PROLEGOMENA.

§. I.

Vniuersi terrarum orbis veteribus noti diuifio.

Vniuersi terrarum orbis veteribus noti, tres partes a Geographis cum antiquioribus, tum recentioribus vulgo constitui, *Europam*, *Asiam*, *Africam*, satis constat. Fuisse quidem inter illos quosdam, qui eius duas tantum partes esse vellent, *Europam* et *Asiam*, ex ISOCRATE a), LVCA-NO b), aliisque compertum habemus; verum non nisi paucos id voluisse SALLVSTIVS CRISPVS c) testatum reliquit. Horum vero alii Africam sub Europa comprehendisse d), Asiae eam alii annumerasse e) perhibentur. Vulgarem diuisionem sequitur HERODOTVS noster lib. IV. cap. 42. ideoque lib. II. cap. 17. *Aegyptum* non a Libya seiungere et quasi *quartam* orbis antiqui partem constituere dicendus est. Nam licet haec HERODOTI verba, quae posteriori loco leguntur: οὐρισμα δε' Ἀσιῇ καὶ Λιβυῇ οἶδαμεν οὐδέν ἐόν ὁρθῶ λόγῳ, εἰ μὴ τοὺς Αἰγυπτίων εὐρους ita explicari posse haud diffiteamur, vt aliquis inde

a) Panegy. cap. 48.

b) Pharsal. IX. 411. sqq.

c) Bello Iugurthino pag. 75.

d) SALLVST. l. c.

e) SIL. ITAL. l. 193. sqq. Conf. LANCHER. Tom. II. pag. 191. Rationem, cur non tertia orbis terrae pars olim credita sit Africa, lege apud GRAMAYE in Africa illustrata p. 2.

inde statuendum esse iudicaret, HERODOTVM Aegyptum quartam orbis antiqui partem pronunciasse: haec tamen interpretatio, vt sibi ipsi constet Auctor noster, plane admitti nequit.

§. II.

Libya seu Africa, tertia orbis antiqui pars.

Missis vero iis, quae de variis orbis antiqui diuisionibus tribus verbis attingenda esse iudicauimus, in sola *Libya* seu *Africa* subsistamus, tertia orbis antiqui parte. Ea autem HERODOTO aequae ac plerisque scriptoribus graecis *a)*, qui quidem eius mentionem faciunt, *Λιβυη* dicitur, cuius nominis originem inuestigare hic nihil attinet *b)*; Romani autem scriptores, e quibus SALLVSTIVM *c)* et PLINIVM *d)* laudasse sufficiat, *Africae* nomine eam

a) IOSEPHO Ant. Iud. I. cap. 15. 'Αφρικη dicitur. Titulos singulis sectionibus libri IV. PTOLEMAEI praefixos, 'Αφρικης πιναξ α', β', γ', cet. non ab ipso PTOLEMAEO profectos esse, confecta res est; PTOLEMAEVS numquam non in ipso opere *Λιβυης* nomine vtitur. — Varia huius terrarum orbis partis nomina, in primis a celebrioribus prouinciis variis temporibus ipsi indita, e STEPHANO, tamquam ex fonte, hauserunt CELLARIVS Tom. II. P. III. p. 2. 3. DAPPERUS pag. 2. BOCHARTVS Phaleg pag. 336. aliiue.

b) Vid. HERODOT. lib. IV. cap. 45. Conf. SERVIVS ad *Virgil. Aen. I. 22.*

c) l. c.

d) Hist. Nat. lib. V. prooem.

eam insigniunt. Arabes Africam, excepta tamen Aegypto, *Magreb* appellare, h. e. Occidentem, nota res est e).

§. III.

Variae Libyae nominis significationes apud Herodotum.

Iam Libyae nomen, cum haud vno modo ab HERODOTO accipiatur, necesse est, ut teneamus, eo nomine Auctorem nostrum significare 1) omnem Africam eo sensu, quo vulgo adhibetur a); tum 2) Africam excepta omni Aegypto b); denique 3) septemtrionalem Libyae partem, hoc est, omnem Africam, quae HERODOTI aevo maxime innotuit. Nam lib. IV. cap. 197. Libyes oppositi sunt Aethiopibus; Aethiopia autem antiquissimis temporibus vocabatur tota interior Libya, eaque minus cognita c).

§. IV.

De termino inter Asiam et Africam constituendo a).

Accedendum nunc foret ad indicandos Africae fines, nisi antea de termino inter Asiam et Africam

e) Vid D'HERBELOT. pag. 66. a, voce *Afrikiah* et p. 529. voce *Magreb*.

a) HERODOT. lib. IV. cap. 42.

b) lib. II. cap. 17. 18. IV. 167. aliisque in locis.

c) STRABO lib. I. p. 34. C.

a) Prisci non iisdem terminis partes orbis praecipuas, ac nos, circumscripserunt; — *Aegyptus* modo ad *Africam*, modo ad *Asiam* pertinere visa fuit; quidam Nilum *Africam* ab *Asia* determinare putauerunt. Verba sunt IOBI LYDOLFI Hist. Aethiop. lib. II. cap. 3. §. 16. 17.

eam dicendum nobis esset, in quo constituendo veterum auctorum mire discrepant sententiae. Re-
 cissime HERODOTVS Asiae et Africae terminum
 esse Isthmum Aegyptiacum et sinum Arabicum pro-
 nuntiat lib. IV. cap. 42. cui loco non repugnant ea,
 quae lib. II. cap. 17. et lib. IV. cap. 45. exstant, in
 quibus Nilus terminus inter Asiam et Africam con-
 stituendus dicitur; siquidem in his non suam, sed
 aliorum sententiam, tamquam falsam, HERODO-
 TVM commemorare, manifestum est. (Conf. §. I.
 fine) SALLVSTIYS *b*), cum quo consentit POMP.
 MELA *c*), has orbis antiqui partes Catabathmo
 discernit, adeoque non omnem modo Aegyptum,
 verum etiam Marmaricae partem ad Asiam reuocat.
 Missis vero TIMOSTHENE, ARTEMIDORO,
 ISIDORO *d*), PLINIO *e*), HIRTIO *f*) ceteris-
 que scriptoribus antiquis, Nilo et aliis terminis
 Asiam ab Africa discescentibus, obseruemus po-
 tius, iam STRABONEM *g*) referre, τοὺς χερσέσσους
 τῶν διαίρωντων τὴν Ἀσίαν ἀπὸ τῆς Λιβύης sinum Ara-
 bicum pro confinio commodiore vtriusque partis
 habuisse, quam Nilum. Atque hanc determina-
 tionem, ipsi rerum naturae aptissimam, sequuti
 sunt veterum Geographorum plerique, STRA-
 BONE iuniores, et omnis fere recentioris aevi Geo-
 graphorum turba. Sunt enim et in his nonnulli,
 qui terminum Africae orientalem non Isthmum Ae-
 gyptiacum et sinum Arabicum, sed Nilum consti-
 tuant, v. c. LEO AFRICANVS pag. 4; quo factum
 est, vt Aegyptum et magnam Africae orientalis
 partem ad Asiam reuocarent.

§. V.

- b*) l. c. *c*) lib. I. pag. 8. 9. *d*) apud PLI-
 NIVM H. N. V. 9. princ. *e*) H. N. lib. III. prooem.
f) de bello Alex. cap. 14. *g*) lib. I. pag. 34. C.

§. V.

De Libyae finibus uniuersae; speciatim de Isthmo Aegyptiaco.

Iam, si quis discere cupiat, quae de *Libyae finibus* in uniuersum ab HERODOTO commemorata sint, idem locus (videat. lib. IV. cap. 42.) in censum venit, in quo terminum inter Asiam et Africam recte ab Auctore nostro constitutum esse diximus. Eo nimirum Libyam undique Oceano circumdatam esse affirmat, praeterquam qua parte Asiae contermina sit. Verum in hoc minime acquiescit HERODOTVS, ut Libyae fines in uniuersum sic indicet, sed Isthmi Aegyptiaci, quem recentiori aetate ab vrbe *Sues* denominarunt, descriptionem, et varia maris, quo circumdata est Libya, nomina subiicit. Ac Isthmi quidem limites recte indicat, nimirum Asiae partem, mare mediterraneum, Aegypti partem et mare rubrum, h. e. sinum Arabicum; ipsum vero *Isthmum* non ultra 100,000 orgyias, = 1000 stad. latum esse, eoque solo Africam cum Asia cohaerere contendit a).

§. VI.

M a r i a.

Supereſt, ut de mari interiori et exteriori, quo cingitur Libya et de singulis eius partibus videamus. Commemoratur autem ab HERODOTO.

- I. *Mare mediterraneum* siue interiorius, quod ille quidem την βορρην θάλασσαν a) appellat, habita eorum ratione, qui Africam incolunt, vel sim-

a) HERODOT. lib. IV. cap. 41. coll. lib. II. cap. 158.

a) Lib. II. cap. 11. 158. 159. IV. 42.

simpliciter την θαλασσαν *b*), aliorum marium respectu habito. Idem et verborum ambage *mare, quod Graeci navigant c*), eius autem pars, quae Aegyptum alluit, *Aegyptium mare, το Αἰγυπτιον πελαγος d*), vocatur. Incipere mare internum HERODOTO dicitur a columnis Herculis *e*).

II. *Oceanus Atlanticus*, ἡ ἐξω σηλεων θαλασσα, ἡ Ἀτλαντις καλομενη *f*). Innuit eundem Oceanum HERODOTVS lib. IV. cap. 42. fine.

III. *Oceanus Australis*, HERODOTO ἡ Ἐρυθρη θαλασσα *g*) dicitur; interdum ἡ Νοτιη θαλασσα *h*). Nomen ἡ Εὐρη θαλασσα *i*), cum oppositum sit angusto sinui Arabico, minus recte huc trahitur.

IV. *Sinus Arabicus*, ὁ Ἀραβιος κόλπος *k*), qui, cum pars esset maris Erythraei, ipse quibusdam in locis της Ἐρυθρης θαλασσης nomine venit *l*). Eundem vno saltem loco *m*) νοτιην dicit, et verborum ambage κόλπον θαλασσης ἐσέχοντα ἐκ της Ἐρυθρης καλομενης θαλασσης *n*). — *Sinus* noster iter quadraginta dierum in longitudinem porrigitur, in latitudinem, ubi maxima est, non nisi ad dimidia diei partis iter nauigio susceptum referente HERODOTO lib. II. cap. 11.

b) Lib. I. cap. 1. IV. 41.

d) Lib. II. cap. 113.

f) Lib. I. cap. 202.

11. 102. 158. 159. IV. 37. 39. 40.

cap. 11. 158. IV. 37. 42.

k) Lib. II. cap. 102. 158. 159. IV. 39. 42. 43.

l) Lib. II. cap. 8. 158. IV. 41. 42.

cap. 158.

n) Lib. II. cap. 11.

c) Lib. I. cap. 202.

e) Lib. IV. cap. 42.

g) Lib. I. cap. 202. 11.

h) Lib. II.

i) Lib. II. cap. 11.

m) Lib. II.

GEOGRAPHIAE AFRICAE HERODOTEAE

SECT. I.

IN QVA AEGYPTVS DESCRIBITVR.

CAP. I.

IN QVO DE NOMINE, FINIBVS, MAGNITVDINE, FLVMINE, PALVDIBVS ET
DIVISIONE AEGYPTI AGITVR.

§. VII.

Aegypti nomen.

Quae ab antiquissimis inde temporibus ad hanc usque memoriam apud varias nationes populosque obtinuerunt illius Africae partis nomina, quam duce HERODOTO hac prima libelli nostri sectione describere nunc aggredimur: ea hic enumerare, eorumque inuestigare origines, animus non est. Scilicet cum non sit vniuersalis, sed mere *Herodotea* ea *Aegypti Geographia*, ad quam conscribendam accedimus, si ab iis recesseris, quae ad illustrationem faciunt, partim ex veterum, partim ex recentiorum scriptis adiunctis: sufficit, vt teneamus, illam Africae partem apud HERODOTVM non nisi *Aegypti*, *Αιγυπτου*, nomine venire; quod
B 2 apud

apud Graecos et Romanos olim receptum, in hunc usque diem duravit. Quicumque enim Aegypti incolarum nostra adhuc aetate a priscis Aegyptiis genus ducunt, terrae, quam inhabitant, nomen *Kibth* seu *Kypt* constanter imponunt, quod ex *Αἴγυπτος* corruptum esse facile perspicitur a). Sic et nomen *Mesr*, quo Aegyptus hodieque arabica dialecto nuncupatur, ex hebraico *מצרים* corruptum est b). Ad Aegypti nominis originem quod attinet, tantum monemus, alios illud ab Aegypto quodam deducere, qui Memphi ex filia nepos fuisse perhibetur c), alios ab Aegypto, antiquo Nili nomine d), hanc Africae partem appellatam esse fabulari. Nolumus enim descendere in reliquas, quae multae sunt, Aegypti nominis rationes et origines, quippe quae maxima ex parte ingeniose magis quam vere excogitatae videntur.

§. VIII.

Aegypti fines.

Quibus tamen terminis contineatur Aegyptus antiqua, inter veteres non conuenit. Nos, ne iusto

a) D'HERBELOT. p. 580. b. voce *Mesri*; p. 953. a. vocc. *Kebth* et *Kebthi*; p. 1003. b. voce *Kibth*. D'ANVILLE Geogr. Anc. Abr. Tom. III. p. 5. 6. Recentiora alia quaedam nomina Aegypti recenset BOCHARTVS in Phaleg lib. I. cap. I. pag. 5. 6. 8. a.

b) D'HERBELOT pag. 579. voce *Mesr*. Hebraice Aegyptus dualiter *מצרים* haud dubie dicta ob divisionem in orientalem et occidentalem.

c) DIODOR. SICVL. lib. I. pag. 47. (p. 33. B.)

d) Vid. *idem* l. c. pag. 17. (p. 11. D.) Lege et *Geograph. Homeri* §. CXLI.

iusto longiores sinus, neglectis Aegypti limitibus a prisca Geographorum turba vario modo constitutis, in iis acquiescere volumus, quae his de finibus ex ipsis HERODOTI scriptis innotescunt *a*). Illo autem teste *Iones* non nisi eam regionem, quae a Persei specula *b*) vsque ad Tarichaeas Pelusiacas pertinet, et hinc meridiem versus vsque ad Cercasorum urbem porrigitur, ne multa, non nisi Deltam magnam Aegypti nomine venire affirmabant; reliquam omnem terram, quam vulgo Aegyptum appellarent, partim ad Libyam, partim ad Arabiam referendam esse. Cui tamen *Ionum* de Aegypti terminis sententiae subiicit HERODOTVS, ex ea inferatur necesse esse, nullam olim Aegyptiis fuisse terram, siquidem Delta, referentibus Aegyptiis, quorum sententiae subscribere nullus dubitavit Auctor noster, sit *καταβύτος* et recentiori demum aetate limo, a Nilo ex Aethiopia delato, aggesta *c*). (Conf. §. IX. ibique not. a.). Omnem potius regionem, ab Aegyptiis habitatam, appellandam esse Aegyptum lib. II. cap. 17. affirmat, et mox cap. 18. Aegyptum patere ait, qua Nilus effundatur, prouocans ad Ammonis definitionem, quae sit Aegyptus, loco laudato occurrentem.

B 3

Dé

- a*) Reliquorum Auctorum de termino Aegypti sententias recenset CELLARIUS lib. IV. cap. I. pag. 3. seqq.
- b*) Minus accurate hic HERODOTVS. Haud dubie omnem regionem innuit, quae est inter Canopicum ostium et Pelusiacum. At Persei specula non Canopico Nili ostio adiacet, sed Bolbitino, quod est inter Canopicum et Sebennyiticum,
- c*) HERODOT. lib. II. cap. 15.

De ipsis Aegypti finibus in vniuersum ne vllō quidem loco exponit HERODOTVS. Collectis autem variis locis, in quibus hunc et illum terminum ab Auctore nostro commemoratum deprehendimus, eos haud parum accurate ex hoc ipso antiquo scriptore constituere possumus. Iam enim HERODOTVM referre intelligimus, vtrumque Aegypti latus (orientale et occidentale) inde ab Heliopoli, vrbe in ipso Deltae vertice sita, (Vid. infra) montibus cinctum esse, alterum Arabicis *d*), alterum Libycis *e*); tum, conterminam ei esse (versus orientem) Syriam *f*), mare mediterraneum *g*) (versus septentrionem), et (meridiem versus) catadupa siue Cataracten minorem *h*), denique versus meridiem Elephantinam urbem in finibus Aegypti sitam esse *i*). Quibus adde, quod Aegyptum HERODOTVS lib. II. cap. 34. e regione montanae Ciliciae iacere pronunciat. Antiquiorum Geographorum nonnulli orientalem Aegypti partem vsque ad Deltam ad Arabiam reuocabant, quam nostro adhuc aeuo Arabes incolere et peruagari certum est. Vnde nec est, quod miremur, hanc Aegypti partem omnino fere incultam esse ac desertam *k*).

§. IX.

d) HERODOT. lib. II. cap. 8. Montem hunc ad Sinum Arabicum a septentrione in meridiem porrigi monere haud oblitus est HERODOTVS l. c.

e) HERODOT. lib. II. cap. 8. Vid. et II. 65. et IV. 167. 168.

f) Lib. II. cap. 116.

g) Lib. II. c. 158.

h) Lib. II. cap. 17.

i) l. c.

k) Vid. D'HERBELOT. pag. 579. voce Mesr.

S. IX.

Aegyptus ad trium dierum iter ultra Moeridis lacum coeno aggesta.

Affirmat porro HERODOTVS, *Aegyptum ad trium dierum iter ultra Moeridis lacum esse ἐπικτήτων γην και δωρον ποταμου a)*, *acquisitam terram et donum fluvii*; prisco enim aevo Aegyptum *πλην του Θηβαικου νομου b)*, *excepto Thebaico nomo h. e. Thebaide*, paludem fuisse testatur *c)*. Sententiam

B 4

vero

- a) HERODOT lib. II. cap. 5. (Vid. et cap. 4. 10-12. 15.) Locum hunc diligenter quidem, at prolixius, quam par erat, commentatus est LARCHERIUS Tom. II. pag. 158-166. Nobis quidem vehementer arridet eorum sententia, qui HERODOTVM sequuti Deltam Nili donum esse affirmarunt. In tutelam recipunt HERODOTI sententiam ex antiquioribus DIODORVS SICVLVS lib. I. p. 30. (p. 21. B.) et lib. III. p. 144. (p. 101. A.) ARISTOTELES Meteorol. lib. I. cap. 14. et STRABO, qui saltem Aegyptum inferiorem Nili donum habendam esse lib. I. pag. 30. B. iudicat; (cui loco iungenda sunt ea, quae lib. I. p. 36. A. et XII. 536. B. exstant) ceteros vt taceamus; ex recentioribus MARMOL. Tom. III. p. 245. de la CROIX T. I. p. 51. SHAW T. II. p. 183. et DAPPER. p. 45. b. coll. p. 50. a. Reiecit autem hanc opinionem recentiori maxime aetate FRERETUS (Hist. de l'Acad. des Inscript. Tom. XVI. p. 333. et Tom. XVIII. p. 188. multique alii, quorum rationes vide apud BOCHARVM in Phaleg I. IV. c. 24. p. 295. E. FRERETO adstipulari videtur WESSLINGIVS ad HEROD. II. 5. quamquam idem non negat, eam ex earum numero esse, quae post accuratum examen laudantur ab his, culpantur ab illis.

b) Vox *πομος* h. l. omnem Thebaidem indicat.

c) HERODOT. lib. II. cap. 4. coll. cap. 10. Add. PLINII Hist. Nat. I. II. cap. 85. et WESSLING. ad HERODOT. lib. II. cap. 10.

verò suam de Aegypto annuis Nili exundationibus, ex Aethiopia limum deferentis, sensim aggesta HERODOTVS in primis lib. II. cap. 12. e soli Aegyptiaci natura, a natura finitimarum regionum diuersa, et cap. 13. e varia inundationis per Nilum altitudine confirmare et communire studet. Et ne villo modo asserti huius veritatem in dubium aliquis vocaret, experientiae auctoritatem subiungit, quae vnumquemque doceret, Aegyptum singulis annis limi accumulatione nouum capere accrementum. Ab eodem limo haud dubie *nigra* soli Aegyptiaci facies repetenda est d).

§. X.

Aegypti magnitudo.

I. Eius longitudo quae iuxta mare porrigitur.

Omnis Aegypti longitudo iuxta mare a Plinthinete sinu vsque ad lacum Serbonidem porrigitur, ad quem mons Casius pertingit, teste HERODOTO lib. II. cap. 6. cum quo consentit DIODORVS SICVLVS a). At enim uero minus accurate definitam esse ab HERODOTO loco laudato Aegypti latitudinem maximam seu longitudinem iuxta mare et ex DIODORO SICVLO, et ex alio ipsius Auctoris nostri loco satis apparet. Etenim si Casius mons finis Aegypti versus orientem perhibetur, duas illas vrbes, quae magis versus orientem spectant

d) HERODOT. lib. II. cap. 12. Conf. VIRGIL. Georgic. IV. 191.

e) Lib. I. pag. 27. (p. 19. B.).

stant, quam Casius mons, Ostracinem *b)* dico et Rhinococuram *c)*, HERODOTO tamen non memoratas, ex Aegypto extrudi perspicitur, quas tamen ad eam reuocandas esse DIODORVS *d)* docet, dum Rhinococuram Aegyptiacam ciuitatem appellat. Sed ne quis nobis obiiciat, forte non eosdem fuisse terminos HERODOTI aetate, quam tempore DIODORI, ideoque isto DIODORI testimonio antiquissimum Aegypti Geographum refutari non posse; ipse in arenam prodeat HERODOTVS, in cuius opere alius exstat locus, e quo satis evinci potest, utramque urbem eius aetate ad Aegyptum pertinuisse. Auctor enim noster lib. III. cap. 5. eam quoque regionem ad Aegyptum pertinere memorat, quae est a Jenyso, Syriae vrbe, vsque ad Serbonidem lacum. Addit, ut tractus huius longitudinem lectores ferme doceat, regionem istam, quae a Jenyso vrbe ad Serbonidem lacum vsque porrigitur, non exiguam esse, eamque tridui iter aqua destitutam esse. Jam vero si HERODOTI aetate a Jenyso Aegyptus incepit, Ostracinem et Rhinococuram Aegyptias tum temporis fuisse ciuitates, non est quod vlli dubitemus.

B 5

§. XI.

b) Urbem hancce iam in Asia censerī debere male iudicat CELLARIUS lib. IV. cap. I. p. 40. PLINIVS Hist. Natur. lib. V. cap. 12. eam ad Aegyptum reuocat.

c) Ita DIODORVS. *Straboni* lib. XVI. pag. 759. D. et pag. 781. B. *Πινυκολούρα* dicitur, et ab eadem Phoeniciae urbibus annumeratur.

d) Lib. I. p. 55. (p. 38. D.).

§. XI.

Continuatio.

Illa autem *Aegypti iuxta mare longitudo* a Plinthinete sinu vsque ad Serbonidem lacum, summam sexaginta schoenorum conficit, cumque vnus Aegyptiorum schoenus sexaginta stadia contineat, (vid. Epimetr. III.) omnem Aegypti *longitudinem iuxta mare*, habita tamen curui litoris ratione, 3600 stadiorum esse videmus, (quae conueniunt cum 240 milliariis Romanis) *a*). Haec quidem ipse HERODOTVS lib. II. cap. 6. Neque aliter Siculus Scriptor *b*), dictam longitudinem summam 2000 stadiorum conficere affirmans. Stadia enim Olympiaca apud scriptorem huncce intelligenda sunt, quorum *duo et triginta* aequalia sunt schoeno Aegyptiaco, teste PLINIO Histor. Natur. lib. XII. cap. 14. *c*). Eodem testante (Histor. Natur. lib. II.

a) Aegypti *iuxta mare longitudem* a Plinthinete sinu vsque ad Serbonidem lacum conficit 246 miliaria romana secundum d'ANVALLIVM; (Memoires sur l'Egypte pag. 11.)

b) Lib. I. p. 27. (p. 19. B.).

c) De stadiis Olympiacis in DIODORI loco intelligendis non cogitavit CASAVBONVS ad STRABONEM lib. XVII. pag. 786. D. ideoque nec periculum fecit, possintne tres illi scriptores, HERODOTVS, DIODORVS et STRABO conciliari. Ex ERATOSTHENE enim STRABO, vt hoc praemittamus, Aegypti longitudinem iuxta mare non quidem a Plinthinete sinu vsque ad Serbonidem lacum, sed a Pelusiaco ostio vsque ad Canopicum 3300 stadia esse affirmat. Ad hunc vero STRABONIS locum ita CASAVBONVS: HERODOTVS *addit trecentos*; (HERODOTUM de alia

II. cap. 23.) stadium Olympiacum comuenit cum 125 passibus Romanis, 1000 autem passus Romani siue 8. stadia Olympiaca conueniunt cum vno milliaro Romano. Hinc apparet, illa 2000 DIODORI stadia aequalia esse 250 milliariis Romanis, ita, vt summa sit rationis ab vtroque scriptore institutae consensus, detractis modo 10 milliariis Romanis, h. e. 2 Germanicis.

§. XII.

2. *Latitudo Aegypti inferioris et superioris.*

Aegyptus, quae a mari vsque a Heliopolin, urbem mediterraneam, sita est, magis in latitudinem porrigitur, quam reliqua Aegyptus, eadem est depressa, arida quidem, at limosa tamen a); inde vero ab Heliopoli meridiem versus ad quatuor dierum nauigationem angustior deprehenditur, siquidem vtrumque Aegypti latus inde ab hac vrbe
mon-

alia eaque maiori longitudine loqui non vidit CA-
SAVBONVS) DIODORVS vero ait, *Aegyptum habere δισχιλιων σαδιων την παρα-
θαλαττιον πλευραν.* (Observe, DIODORVM Olympiaca stadia intelligere.) *Infra legi-
tur* (STRABO lib. XVII. p. 791. B.) *inter Pe-
lusiacum et Canobicum ostia, quae sit Aegypti ha-
sis, esse 1300 stadia,* (legendum hic omnino 3300 vt supra.) — *vt difficile sit in tanta varie-
tate de vera lectione ubique statuere.* (Iam fere nulla locum habet in his locis varietas.) Di-
versas veterum computationes conciliare studet
etiam LARCHERVS Tom. II. not. 13. pag.
169-171.

a) Videat, HERODOT, lib. II, cap. 7.

montibus cinctum sit, alterum Arabicis alterum Libycis. Regionem inter vtrumque montem, vbi angustissima sit, porrigi tamen in latitudinem 200 stadia Aegyptiaca (h. e. $13\frac{1}{2}$ milliaria Romana sive $2\frac{2}{3}$ milliaria germanica) praecise affirmat HERODOTVS. Sed eum errasse satis constat. Quibusdam enim in locis valles inter commemoratos montes non latior rem esse ipso Nilo nunc quidem dubio caret *b*). Subiicit denique HERODOTVS, a finibus illorum montium latior rem rursus fieri Aegyptum *c*). Ceterum vallem illam olim maris sinum fuisse instar eorum locorum, quae sunt prope Ilium, Teuthraniam atque Ephesum, idem iudicat *d*).

§. XIII.

3. *Inferioris Aegypti longitudo a Pelusiaco ostio usque ad Heliopolin.*

Refert porro HERODOTVS *a*), Heliopolin, h. e. finem Deltae versus meridiem, 1500 stadiis Aegyptiacis (h. e. 100 milliariis Romanis) a mari *b*) abesse. Idem testatur DIODORVS SICVLVS *c*), aggeri

b) Vid. Ill. 1. D. MICHAELIS ad *Abulfedae* Aegypti descriptionem not. 42.

c) Vid. HERODOT. lib. II. cap. 8. Cf. DIODOR. SICVL. lib. I. p. 28. (p. 19. D.).

d) HERODOT. lib. II. cap. 10.

e) HERODOT. lib. II. cap. 7.

f) Intelligendum est ostium Sebennyticum.

g) lib. I. p. 52. (p. 36. D.).

aggeri inter Pelusium et Heliopolin *d*), Sesostris operi, eandem longitudinem tribuens *e*).

§. XIV.

Aegypti superioris longitudo.

Quod attinet ad longitudinem Heptanomidis et Thebaidis, quas alii vno Aegypti superioris nomine comprehendunt, diuersa scriptores antiqui tradunt. Nos iam in iis subsistamus, quae HERODOTVS de Aegypti superioris longitudine lib. II. cap. 9. memoriae prodidit. Eo autem teste distantia

a mari vsque ad Thebas efficit	-	6120 stadia
a Thebis vsque ad Elephantinem.		820 stadia

Ergo

d) Praeter Heliopolin, celeberrimam Aegypti urbem, aliam adhuc Heliopolin, exiguam tamen, et parum cognitam in Arabia e regione Babylonis fuisse, primus omnium, quantum quidem scimus, vidit BRYANTVS, Vir doctissimus. Vid. III. GATTERERI Allgemeine historische Bibliothek, Tom. XIV. p. 43-47. Quem nuper sequutus LARCHERVS, (Tom. II. not. 17. p. 173 et Tom. VII. pag. 171.) praecise negat, Heliopolin DIODORO lib. I. p. 52. (p. 36. D.) memoratam, eandem esse, cuius meminit HERODOTVS. Hanc sententiam nouam et hactenus inauditam peculiari dissertatione se probaturum pollicitus est LARCHERVS l. c.

e) Alio tamen loco, nimirum lib. I. pag. 30. (p. 21. A.) DIODORVS utrumque Deltae latus non nisi 750 stadia eaque Olympiaca, h. e. 93½ miliaria Romana, continere affirmat.

Ergo omnis Aegypti longitudo a septemtrione ^{a)} vsque ad meridiem (Elephantine enim vltima fere est Aegypti vrbs versus meridiem) conficit

6940 stadia
quae aequalia sunt 462 $\frac{2}{3}$ milliariis Ro-

manis. Aufer ab hoc numero distantiam

a mari vsque ad Heliopolin, et qui-

dem

1500 stadia

teste HERODOTO lib. II. cap. 7. (§.

XIII.) vt intelligas, quanam sit Aegy-

pti longitudo inde ab Heliopoli vs-

que ad Elephantinem, h. e. longitudo

Aegypti superioris. Haec igitur est 5440 stadia

quae conveniunt cum 362 $\frac{2}{3}$ milliariis

Romanis.

Cum vero HERODOTVS lib. II.

cap. 9. affirmat

Heliopolin abesse ab Thebis - 4860 stadiis

et mox

Thebas abesse ab Elephantine 820 stadiis

ita, vt longitudo totius Aegypti superio-

ris non sit 5440 stadia, vti ante di-

xerat, sed

5680 stadia

hoc teneamus necesse est, priorem il-

lam computationem intelligendam esse de

itinere terrestri, posteriorem vero, eamque longio-

rem distantiam de itinere Nilo per Aegyptum susce-

pto, ob tortuosum fluuii cursum longiore ^{b)}.

§. XV.

a) Observes, HERODOTVM non dicere, a quonam loco, sed simpliciter a septemtrione.

b) STRABONIS de Aegypti superioris longitudine relationes lib. XVII. p. 780. A. cum HERODOTEIS conciliari plane nequeunt.

§. XV.

*De Nilo, Aegypti fluuio a).*1. *Nominis origo.*

Nilus, ὁ Νεῖλος, vnicus quidem Aegypti fluuius, omnium tamen maxime memorabilis. De cuius nominis origine varia otiosorum hominum commenta quid referre attinet? Si cui placeat, ea penitus cognoscere, adeat, qui instar omnium est, IOBI LVDOLFI *Commentarium ad historiam suam Aethiopicam*. Nec magis varia eius, quae diuersis temporibus obtinuerunt, nomina (nam inter fluuios *πολυωνυμους* referendum esse Nilum, quis nesciat?) hic attinet recensere *b)*. Nobis tamen temperare nequimus, quin eorum duo commemoremus, alterum minus notum, נִיְלוֹשׁ, quo a nigredine aquae suae Nilus Ies. XXIII. 3. vocatur, alterum *Abawi c)*, quo ab Abeffiniis insignitur; nec immerito. Omnium enim fluuiorum Nilum esse maximum consentitur, teste Gellio *d)* id quod sibi vult nomen *Abawi*; significat nimirum *patrem fluminum*. Quartum tamen locum post Gangem, Indum et Istrum Nilo assignant alii, v. c. STRABO lib. XV. pag. 702. B.

§. XVI.

- a)* De Nilo prolixa commentatio exstat IOBI LVDOLFI in *Comment. ad hist. suam Aethiop.* pag. 113. seqq.
- b)* Vid. DIODOR Sic. lib. I. p. 17. (p. 11. D.). PLINII *Hist. Natur.* lib. V. cap. 9. JOB. LVDOLFVS l. c. pag. 118. seqq.
- c)* Mire corruptum est hoc nomen. Vid. LVDOLFVS l. c.
- d)* Vid. A. GELLII *Noct. Att.* lib. X. cap. 7.

§. XVI.

2. *Nili fontes.*

De *Nili fontibus a)* licet neminem eorum, quos ipse quidem de iis percontatus sit, quidquam exploratum habuisse tradat HERODOTVS : fuerunt tamen iam inter ipsos veteres nonnulli, qui eos se adiisse affirmarent, nimirum Saita quidam *ισρογραμμχτες b)*, et Iuba Rex, in cuius sententiam PLINIVS *c)* iurare videtur. Ac horum quidem ille inter Syenem et Elephantinam e medio montium Crophii et Mophii Nili fontes oriri contendit; (§. XXXIII.) hic vero haud longe ab Aethiopia Maurorum lacum esse refert, ex quo Nilus erumpat. Et licet recentiori aetate non desint, qui Nili fontes in Lunae montibus tandem inuentos esse affirmant: tamen etiam nunc de harum relationum fide ambigitur *d)*. Nec sane est, quod mireris, de Nili fontibus nec veteres, nec nostrae aetatis peregrinatores quidquam certi habere, quod referrent. Libya enim interior propter feruorem immensum adiri nequit. Nihilo tamen secius Nilum ad quatuor

a) De his multa congeffit LVDOLFFVS l. c. pag. 122. sqq.

b) HERODOT., lib. II. cap. 28. Conf. DIODOR lib. I. pag. 28. (p. 19. C.) p. 34. (p. 24. A.).

c) Histor. Nat. lib. V. cap. 9.

d) Vid. d'ANVILLE Memoires sur l'Egypte pag. 18. Memoires de l'Acad. des Inscript. Tom. XXVI. p. 46. de la BARRE apud LARCHER. Tom. II. p. 215. seqq.

tuor mensium iter ultra Elephantinam cognitum fuisse veteribus, iam ex HERODOTO constat e). Vid. §. XVII. XVIII.

§. XVII.

3. Nili et regionis ultra Elephantinam natura a).

De regionis et Nili natura ultra Elephantinam
HERODOTVS lib. II. cap. 29. refert haec: ab hac vrbe ad superiora proficiscentem in regionem venire accliuem. Ibi necesse esse, nauigio vtrinque alligato, tamquam boue, pergere, et, si dirumpantur funes, nauim abire, raptam fluctus impetu. Per hanc regionem esse iter quatuor dierum, ibique Nilum esse tortuosum, sicut Maeandrum, et hunc in modum duodecim schoenos conficiendos esse; tunc vero peruenire proficiscentem in campum planum et ad insulam, nomine Tachompho. (§. XXXIII. LXXII.) — Insulae huic finitimum esse ingentem lacum, nauigandoque traiciendum cum in Nili alueum venire, coniunctum cum isto lacu. Deinde itinere pedestri quadraginta dierum iter facientem pergere oportere propter

e) Ceterum Nilus μέσην ταμνών Λιβύην, *mediam permeare Libyam*, dicitur. Quod si ad mathematicam rationem reuocaueris, falsum est. Quare BOVHIERVS (Recherches et Dissert. sur Hérodote Chap. 18. p. 190.) hoc HERODOTI loco Nili et fluminis, qui Nigef appellatur, confusionem citra ius inuenit.

a) Facile veniam me impetraturum spero, quod ea hic transtuli, quae de Nilo in Aethiopiae supra Aegyptum descriptione dicenda essent.

pter flumen, quoniam in Nilo scopuli et saxa multa deprehenderentur. Peragrata autem quadraginta dierum itinere pedestri ea regione, nauigio rursus duodecim dies pergendum esse proficiscenti, eumque, hoc itinere confecto, ad magnam demum urbem venire, nomine Meroen., Pergit HERODOTVS cap. 30., proficiscentem ab hac vrbe per alterum tantum temporis, quo ad eam ex Elephantine venerat, ad Automolos venire nauigando b). Conf. §. XVIII. not.

§. XVIII.

4. Nilus quousque cognitus.

Haecenus de Nili cursu ultra Elephantinem dicta colligenti apparebit, ad quatuor mensium partim nauigationem, partim pedestre iter Nilum cognosci extra Aegyptum. HERODOT. lib. II. cap. 31. a) Addit HERODOTVS, flumen
ab

b) In mensium numero, quos ab Elephantine Meroen versus et Automolos proficiscentes contexunt, dissentit ARISTIDES Orat. Aegypt. pag. 346. Cuius discordiae causa, quod ambo ex aliorum narrationibus, saepe numero ambiguus, acceperunt. Verba sunt WESSELINGII ad HERODOT. lib. II. cap. 31.

a) Haec vide:

Ab Elephantine vsque ad insulam Tachompso peruenire licet nauigatione dierum	4.
Ab insula Tachompso vsque ad urbem Meroen itinere pedestri dierum	40.
et nauigatione dierum	12.
	Ab

ab occidente fluere, ultra quid sit, neminem compertum habere, siquidem regio ultra Elephantinam prae nimio feruore sit deserta. Iam subiungit Etearchi, Ammoniorum regis, narrationem de expeditione audaculorum quorundam iuuenum Nasamonum, per deserta Libyae facta, quam tamen narrationem, cum ea longior sit, paucisque comprehendere nequeat, transcribere animus non est. At quae in fine huius narrationis leguntur, strictim attingenda sunt, nimirum Nasamones illos perfecto per deserta multorum dierum itinere homines vidisse pusillos, et ab his per maximas paludes ductos, hasque transgressos in urbem peruenisse, magno flumini, ab occidente in ortum fluenti, in quo conspicerentur Crocodili, adiacentem. Flumen hocce Ammoniorum Rex, referente HERODOTO cap. 33. Nilum esse iudicauit, cui sententiae subscripsit Auctor noster l. c. At vero non de Nilo cogitandum esse h. l., sed de Nigro flumine suo loco docebimus. Vid. §. LXVIII.

§. XIX.

5. *Cursus Nili in Aegypto. Ostia Nili.*

Sequitur, ut de cursu Nili in Aegypto, HERODOTO duce, exponamus. Sed hic quaedam sunt praefulcienda, quae ad Nili alueos pertinent.

C 2

Ho-

Ab hac vrbe per alterum tantum temporis, quo Elephantine Meroen peruenisti, adire licet Automolos, nimirum navigatione dierum

36.

Ab Elephantine igitur ad Automolos iter dierum est, siue 4. mensium. HERODOT. l. II. c. 29 30.

112.

Horum quidem naturam nostra aetate non eandem esse, qualis fuit HERODOTI tempore, sponte largimur. Eorum enim alios, nimirum *Canopicum* et *Pelusiaceum*, HERODOTI aeuo grandes, hodie omnino fere limo obductos esse, ita, ut eorum vestigia vix conspiciantur, alios vero, exiguos olim, v. c. *Bolbitinum*, nunc aquae copia abundare, recentissimi peregrinatores vno quasi ore affirmant. Concedimus quoque, *Phatniticum* a) fluvium, STRABONIS aetate magnitudine tertium fuisse post *Canopicum* et *Pelusiaceum*, b) licet HERODOTVS c) haud obscure id *Sebennytico* tribuat. Contra vero grauitur et praecise affirmamus, 1) *saltem inde ab HERODOTI aetate usque ad tempora DIODORI, et STRABONIS, addere non dubitamus, PLINII et PTOLEMAEI, hoc est annorum circiter 450. aut 550. decursu, ipsum brachiorum Nilicursum uniuersae a natura non mutatum esse, et 2) illos scriptores*
ad

a) *Φατνιτικον*. Sic omnino legendum videtur, ut *Κανωβικον*, *Βουκολικον*, cet. licet in vno PLINIO ita scriptum reperiatur. In STRABONE legitur *Φατνικον*, apud DIODORVM lib. I. pag. 29. (pag. 20. D.) *Φατμικον*, apud PTOLEMAEVM *Παθμητικον*, et apud MALAM lib. I. cap. 9. *PHATMETICUM*. *Φαθνικον*, quod sane reliquis omnibus praeferendum, e compendio scribendi ortum videtur, quod optime intellexisse PLINIVS dicendus est. Saltem perperam scribitur *Phatmeticum*, *Φατμικον* et *Παθμηδικον*, quoniam HERODOTVS, ut infra docebimus, fluvium hunc eiusque ostium appellat *Βουκολικον*, quae vox idem fere significat, ac *Φατνιτικον*.

b) STRABO lib. XVII. pag. 801. C.

c) HERODOT; lib. II. cap. 17.

ad unum omnes, HERODOTVM dico, DIODORVM, STRABONEM, PLINIVM et PTOLEMAEVVM, iisdem nominibus; quibus singula Nili brachia eorumque ostia insigniunt, eadem brachia, eadem ostia innuere. Ita profecto nos oportet ratiocinari, donec iustis argumentis euincatur contrarium. Et, si quae, his positae, in HERODOTO occurrant, quae cum sequiorum, quos nominauimus, scriptorum de Nili brachiis eorumque ostiis relationibus pugnare videntur, periculum faciendum est, possintne aliqua ratione, modo commoda et facili, conciliari.

Quibus ita constitutis, de fluuio ostioque *Canopico*, *Bolbitino*, *Sebennytico*, *Mendesio* atque *Pelusiaco* res iam expedita est; (horum enim mentionem faciunt omnes, quicunque Nili ostia attigerunt) quamquam de *Sebennytico* et *Mendesio*, item de *Saitico*, quem statim commemorabimus, seorsim quaedam probe tenenda sunt. Quaeritur autem, quinam sint duo illi fluuii, quorum alterum *Bucolici*, alterum *Saitici* nomine insigniuit HERODOTVS; neutrum enim occurrit in scriptoribus supra commemoratis, si a STRABONE d) recesseris, cuius locum, huc pertinentem, infra suo loco transcribemus. Eorum loci hi meminerunt fluuii ostii-que *Phatnitici* e) et *Tanitici*, quos ignorat HERODOTVS. Verum singula iam aggrediamur suis locis enucleanda, explicanda, defendenda. Quod ut rite a nobis perficatur, ante omnia necesse est, ut ipsum HERODOTVM audiamus. Ita autem ille f):

C 3

O

d) lib. XVII. pag. 802. D.

e) Conf. Not. a).

f) lib. II. cap. 17.

Ὁ Νεῖλος (ex Libya per medios Aethiopes fluens in Aegyptum euadit, HERODOT. lib. II. cap. 22. et) ἄρξαμενος ἐκ τῶν Καταδουκῶν, ῥέει, μεσσην. Αἰγυπτου σχιζων, ἐς θάλασσαν. Μεχρι μὲν νυν Κερκασωρου πόλιος ῥέει εἰς ἑὼν ὁ Νεῖλος. (vno alueo conclusus) το δὲ ἀπο ταυτης της πόλιος, σχιζεται, τριφασιας ὁδους. (tripartito, seu in tira brachia) καὶ ἡ μὲν πρὸς ἡὼν τρέπεται, το καλεσται Πηλουσιὸν στομα. ἡ δὲ ἕτερη τῶν ὁδῶν πρὸς ἐσπερην ἔχει. τοῦτο δὲ Κανωβικὸν στομα καλεται. Ἡ δὲ δὴ ἰδεα τῶν ὁδῶν τῷ Νεῖλῳ ἐστὶ ἡδὲ ἀνωθεν φερομενος. ἐς τὸ ὄξυ του Δελτα ἀπικνεσται. το δὲ ἀπο τουτου, σχιζων μεσον το Δελτα, ἐς θάλασσαν ἐξίει, οὔτε ἐλαχιστην μοιρην του ὕδατος παρεχομενος ταυτην, οὔτε ἡκιστα οὐνομασθη· το καλεσται Σεβεννυτικὸν ποταμο. Hactenus omnia expedita sunt. Iam pergit HERODOTUS hunc in modum: ἐστὶ δὲ καὶ ἕτερα διφασια ποταμοὶ ἀπο του Σεβεννυτικου (scribendum Βουκολικου, id quod ex sequentibus apparebit) ἀποσχισθεντα, φεροντα ἐς θάλασσαν. Τοισι οὐνοματα κεσται ταδε· τῷ μὲν Σαῖτικον αὐτῶν, τῷ δὲ Μενδησιον.

Videtur igitur ab HERODOTO, e *Sebennytico* fluuio *Saiticum* (*Taniticum*; vide infra) et *Mendesium* deducente, *Sebennytici* fluuii, et *Phatnitici* (*Bucolici* HERODOTI; de quo mox) facta esse confusio. Sed rem non ita se habere, collatio cum iis, quæ de *Ruto* vrbe eiusque situ memoriae prodidit HERODOTUS lib. II. cap. 155. (§. XXIX.) facta, vnumquæmque satis docet. Cum verò quicumque veterum Nili ostia commemorant, ea ab occidente orientem versus ita se excipere vno quasi ore affirmant: *Canopicum*, *Bolbitinum*, *Sebennyticum*, *Phatniticum*, *Mendesium*, *Taniticum* et *Pelusiaticum*, adeoque

que *Mendesium* et *Taniticum* e *Sebennytico* omnino deduci non posse appareat: vt saluus stet *canon uterque supra constitutus*, statuamus necesse est, loco vocis Σεβεννυτικου in HERODOTO legendum esse Βουκολικου. Qui error vtrum ab ipso HERODOTO profectus sit, an ab alicuius librarii festinatione definiri non posse fatemur.

Subiicit HERODOTUS I. c. το δε Βολβιτινον ποταμος και το Βουκολικον ουκ ιθαγενεα ποταμα εστι, αλλ' ορυκτα. *Bolbitinus* fluius quis sit, satis constat; est enim ille, qui *Canopicum* excipit. Quaeritur autem quis sit ille *Bucolicus*? Nonnulli *Heracleoticum* intelligunt, prouocantes ad haec STEPHANI BYZANTINI: 'Ηρακλεοβουκοι 'Αιγυπτιακη συνοικια, *Heracleobucoli Aegyptiaca cohabitatio*. At vero *Heracleoticum* fluium eundem esse ac *Canopicum*, docent nos DIODORVS g) aliiue. *Bucolici* fluminis mentionem faciunt non nisi HERODOTVS et EVSTATHIVS h). Iam cum prope eius ostium fuisse videantur τα βουκολικα, famosa latronum domicilia i), cumque aliunde cognitum sit, inter *Sebennyticum* et *Phatniticum* fluium fuisse 'Ελεαρχιαν k), h. e. palustrem ac depressam regionem, mari vicinam, (HERODOTO dicitur *Elbo insula*; §. XXIX.) denique cum alueorum

C 4

Nili

g) Lib. I, pag. 29. (p. 20. D.)

h) ad Dionys. Perieg. v. 226.

i) Haec Βουκολικα eleganter descripta sunt ab HELIODORO lib. I. p. 10. et ACHILLE TATIO lib. IV. pag. 250. seqq. tamquam loca palustria ad struendas insidias et ad praedae receptacula commodissime posita.

k) Vid. Hieroclis Synecdem. pag. 726. ibique WESSELING.

Nili nullus nisi Phatniticus relinquatur, quin Phatniticum et Bucolicum flumen vnum idemque sit, non est, quod vlli dubitemus. Adde, quod ea non discrepare, ipsum nomen docet.

Hactenus dictis de singulis fluviis nonnulla subiungemus; incipiamus autem ab occidente.

1. *Canobicus fluuius*, το Κανωβικον ποταμος, l) ab oppido, quod eius ostio adiacet, *Canobo*, dictus m), a nonnullis n) *Heracleoticus*, το Ηρακλεωτικον ποταμος, ab *Herculis Aegyptii fano*, iuxta eius ostium posito o), vocatur; interdum etiam *Naucraticus* p), a Naucratis vrbe, quae sita est ad hunc fluuium. Canopici, HERODOTI aetate alueorum Nili

l) Sic constanter apud scriptores Graecos fluuii huius nomen scriptum reperitur. Romani scribunt *Canopicum*. Vid. TACIT. Ann. lib. II. cap. 60. PLINII Hist. Nat. lib. V. cap. 10. POMP. MELA lib. I. cap. 9. — Ceterum hunc alueum, aggere, meridiem versus congesto, alio deduxit Mènes, primus Aegypti rex. HERODOT. lib. II. cap. 99.

m) Nolumus recedere a CELLARII sententia, prisca ac probata, (Conf. PLIN. l. c.) qui Nili alueos ab oppidis ipsis alueis aut eorum ostiis adiacentibus appellatos esse contendit. Nec omnino eam reiicit BRYANTVS, quamquam alia de alueorum nominum origine sententia, quam ipse quidem excogitauit, magis, vt solet fieri, ipsi arridet. Ea legitur in GATTERERI Allg. hist. Bibl. Tom. XIV, p. 48. 49.

n) DIODOR. lib. I, pag. 29. (p. 20. D.) PROLEM. lib. IV. cap. 5.

o) HERODOT. lib. II. cap. 113.

p) Vid. PLINII Hist. Nat. lib. V. cap. 10. Male tamen PLINIUS Heracleoticum fluuium et Naucraticum a Canopico distinguit.

Nili forte maximi, vestigia tantum supersunt in fossa, quae *Maadie* h. e. *Traiectus*, nuncupatur, quoniam hunc traiciunt ii, qui Alexandria urbem *Raschid*, seu *Rosette* proficiscuntur q).

2. *Bolbitinus* fl. το Βολβιτινον ποταμος, SCYLACE et STRABONI r) Βολβιτικον dictus, hominum arte et industria effossus est. Nomen accepit a vicino oppido *Bolbitine*, quod tamen HERODOTO non memoratur. Ipsum ostium, nunc cum ab adiacente vrbe *Raschid* s. *Rosette* nuncupatur s), tum *Bahire* nomine venit. t).

3. *Sebennyticus* fl. το Σεβαννυτικον ποταμος, ab oppido *Sebennyto* dictus. A Sebennytico ostio in ortum proficiscenti sunt *Pseudostomata* duo secundum PTOLEMAEVM, *Pineptimi* et *Diolcus*, quae excipit

4. *Phatniticus* fl., το Φατνιτικον ποταμος, etiam *Phatmeticus* dictus, (Conf. not. a) quem non male cum *Bucolico* HERODOTI componi supra probauimus u).

C 5

Men-

q) D'ANVILLE Memoires p. 49. Geogr. Anc. Abreg. Tom. III. p. II.

r) Lib. XVII. p. 801. C.

s) D'ANVILLE Memoires pag. 76. ПОРОЧКЕ Tom. I. pag. 23. 24.

t) D'ANVILLE Geogr. Anc. Abr. Tom. III, p. 12.

u) Bucolicum Nili ostium cum Sebennytico confundit D'ANVILLIUS Memoires sur l'Egypte pag. 48.

5. *Mendesius fl.*, το Μενδησιον ποταμος, vocatus ab oppido, cui *Mendes* v) nomen. Ostium eius recentiori aetate *Dibe* w) appellari coepit.

6. *Saiticus fl.*, το Σαϊτικον ποταμος. Hunc fluuium non diuersum esse ab eo, qui *Taniticus* dicitur ab vrbe ei adiacente, quae *Tanis* appellatur, STRABONIS x) auctoritate affirmamus, licet libere profiteamur, nos non intelligere, vnde *Saiticus* potuerit appellari, cum *Saites* nomus et vrbs *Sais* longehinc distent. Susplicamur autem, nec forsitan immerito, vetustissimum nomen ex HERODOTO nondum sublatum esse, et pro Σαϊτικον, (HERODOT. lib. II. cap. 17. fine) scribendum esse Τανιτικον. Quam si probaueris coniecturam et res expedita est, et vero intelliges, cur dixerit STRABO y) quosdam *Taniticum* ostium appellare *Saiticum*. Fluuii *Tanitici* ostium hodie *Eumme-faregge* z) dicitur.

7. *Pelusiacus fl.*, το Πηλουσιακον seu Πηλουσιον ποταμος, a Pelusio oppido nomen accepit.

Septem Nili ostia hodieque numerantur a); singulorum vero natura tot annorum seculorumque de-

v) STRABO lib. XVII. pag. 802. D.

w) D'ANVILLE l. c. p. 46. et Geogr. Abr. Tom. III. p. 16.

x) l. c.

y) l. c.

z) D'ANVILLE Memoires pag. 46. Geogr. Anc. Abr. l. c. p. 17.

a) Audiendi plane non sunt recentiores illi peregrinatores, quorum alius quatuor tantum Nili ostia esse affirmat, alius tria recenset, alii non nisi duo esse docent. Singulos laudat ION. LVDOLPHVS in Comment. ad Hist. suam Aethiop. pag. 115.

decurfu sic mutata est, vt nunc quidem ea longe alia fit. Canopicus fluuius et Sebennyticus non ea aquae copia abundant nostra aetate, qua prisco aeuo, maximeque HERODOTI tempore abundabant. *b)* Mendefii vestigia vix superesse, Pelusiaci plane nulla, nuper narratum accepimus. *c)* Aquae maxima vis nunc quidem per Phatniticum (Bucolicum HERODOTI) ostium et per Bolbitinum *d)* mari infertur.

Ceterum vt in multis aliis, quae ad Aegypti Geographiam pertinent, a d'ANVILLIO recedit BRYANTVS, ita etiam in constituendo alueorum Nili cursu, id quod ex comparatione tabularum Aegypti geographicarum, ab utroque exhibitarum, videre est.

§. XX.

6. Nilus, quam regionem inundet.

Nilus, ubi plurimus est, praeter Deltam interdum etiam partem Libyae et Arabiae duorum dierum iter et amplius adhuc minusue inundat *a)*. Sed vt exigua quoque aqua omnis Delta beneficio inundationis frueretur, Sesostris, Aegyptiorum rex, per omnem Deltam fossas duci curauit, eisque effecit, ut tenues etiam

b) Vid. SHAW Tom. II, pag. 20. Add. Pococke Beschreibung des Morgenlandes Tom. I, pag. 29. seqq. et pag. 433. seqq. vers. vern. D'ANVILLE Geogr. Anc. Abr. Tom. III. pag. 15.

c) SAVARY Tom. I. pag. 335. Conf. eius mappam Geogr.

d) SHAW l. c. SAVARY l. c. pag. 340.

a) HERODOT. lib. II. cap. 19.

etiam diluuiis omnem Aegyptum inundarent. *b)* Exundante autem Nilo urbes infulis, reliqua omnis Aegyptus mari similis est *c)*. Nostra aetate Delta a Nilo non amplius inundatur, si fides habenda est recentissimo peregrinatori *d)*.

§. XXI.

7. Quousque crescat et decrescat Nilus.

Ab aestiuo solstitio incipiens centum dies intumescit Nilus et totidem fere dies decrescit, estque exiguus per totam hyemem ad aestiuum rursus solstitium *a)*. Exsiccatis agris, seminibusque in eos coniectis, sues ad conculcandum inducunt Aegyptii, ita, ut nec arent nec occent. Agricultura autem sic sine magnis impensis, molestiis et laboribus administrata fruges colligunt uberrimas *b)*. Causas incrementi Nili HERODOTVS percipere potuit nullas, licet se nihil prius aut antiquius habuisse profiteatur, quam ut eas cognosceret. Nec exquirere potuit, quamquam maiorem in modum id noscendi cupidus, cur omnium fluminum solus Nilus efflantes auras praeberet nullas *c)*. Sententiam suam hac de re aperit alio

b) *Idem.* lib. II. cap. 108.

c) *Idem.* lib. II. cap. 97. conf. DIODOR. lib. I. p. 33. (p. 23. B.) STRABO lib. XVII. p. 788. D.

d) Vid. Lettres sur l'Egypte - par M. SAVARY, p. 14.

a) HERODOT. lib. II. cap. 17. Conf. DIODOR SICULVS lib. I. p. 32. 33. (p. 22. D. sqq.)

b) HERODOT. lib. II. cap. 14. conf. DIODOR. lib. I. pag. 32. (p. 22. D.)

c) HERODOT. lib. II. c. 19.

alio loco *d*). Sed inanem appellat veterum opinionem, qui affirmarunt, Nilum nullos emittere vapores, IOBVS LVDOLFFVS *e*), caussamque, qua ad id statuendum se adduci passi sint multi, inde repetendam esse iudicat, quoniam nulli vapores conspicerentur *f*). Cuius rei caussam hanc dicit, quoniam vapores in Aegypto frigore non constringerentur, ut oculis videri possent.

§. XXII.

8. *Variae de incremento Nili sententiae.*

Varias autem de incremento Nili opiniones in medium profert HERODOTVS lib. II. cap. 20. seqq. *a*) et quidem primum cap. 20. sententiam *Thaletis Milejii b*), tum cap. 21. aliam opinionem sacerdotibus Aegyptiis a DIODORO SICVLO tribu-

d) l. c. cap. 27. DIODOR. lib. I. pag. 35. 36. (p. 25.) A. B.)

e) Commentar. ad Histor. Aethiop. pag. 117.

f) l. c. pag. 118.

a) Conf. DIODOR. lib. I. p. 33. seqq. (p. 23. C. seqq.)

b) Conf. DIODOR. l. c. p. 35. (p. 24. D.) *Thales* Etessiarum flatus ostiis Nili aduersos obstare affirmabat, ne fluctus suos in mare effundat. Quae contra hanc sententiam monenda sunt, habes apud HERODOTVM et DIODORVM II. cc. Non defuerunt tamen, qui affirmarent, Etessiae eorumque in Nili aestate exundantis ostia vehementem impetum inter caussas incrementis Nili referendum esse. Etessiae autem οὐδεν τι μαλλον ἀπὸ τῆς ἀρκίτου ἢ περ τῆς ἐσπερας, non magis e septentrione, quam occidente spirant. ARISTOTEL. Meteorol. lib. II. cap. 6. Conf. WESSELING. ad HERODOT. pag. 113.

butam, c) denique *Anaxagorae* sententiam d), quam tribus argumentis refellit cap. 22. Suam autem ipsius de Nili incremento sententiam, quam cap. 24. 25. proponit refutatam habes apud *Diodorum*, e) qui multas alias veterum Philosophorum de incremento Nili opiniones *Euripidis*, *Democriti*, *Ephori*, *Philosophorum Aegyptiorum*, *Oenopidae* et *Agatharchidis*, cum lectoribus suis communicavit.

Quod reliquum est, loca de incremento Nili eiusque caussis, quas Physicis Geographia indagandas relinquit, e diuersis auctoribus, *Plutarcho*, *incerto Auctore*, *Theophylacto*, *Diodoro Siculo*, *Aristide*, *Strabone*, *Dione*, *Heliodoro* et *Theodoro* collecta habes in editione *Herodoti Wesselingiana* pag. 787-802. Haud dubie, ut verbo dicamus, imbres aestiui, qui in Aethiopia supra Aegyptum cadunt, causa intumescens Nili habendi sunt. f) Recentiorum hac de re relationes suppeditabit *LARCHERIVS* Tom. II. pag. 158-169

§. XXIII.

9. Incrementum Nili maximum.

Moeride Aegypti rege imperium tenente Nilus octo cubitos auctus Aegyptum inferiorem satis inundabat; *HERODOTI* autem aetate, praeterlapsis fere 900. annis, ex quo *Moeris* in viuis esse

c) lib. I. p. 34. (p. 24. B.)

d) Confer, *Diodor.* l. c. p. 35. (p. 24. D.)

e) l. c. p. 36. (p. 25. B.)

f) Vid. et *DAPPERVS* pag. 58.

esse defierat, iustum Nili incrementum XV. aut XVI. cubitorum erat; a) minores aquae non omnem Aegyptum inundabant b). Pheronis, Sesostris filii, tempore Nilus non sine magno eorum, qui Deltam incolebant, detrimento, decimum octavum cubitum implevit. c) Quibus egregie confirmatur eorum sententia, qui Aegyptum Nili donum esse credunt.

§. XXIV.

Paludes.

Atque haec quidem de Nilo dicta sufficiant. Sequitur, ut de *paludibus* Aegypti, HERODOTO duce, exponamus.

1. *Moeris*, ἡ Μοιρῖς, lacus, quibusdam v. c. DIODORO ἡ Μυρῖς, *Myris*, dictus, a Moeride siue Myride, Aegyptiorum rege, eoque ipsius lacus au-

a) Cubitos XV. aut XVI. Nilum adscendisse et arua inundasse olim *argumento est Nili figura XVI. liberis circa ludentibus, per quos totidem cubita summi incrementi argenti se amnis intelliguntur* in PLINII Hist. Nat. lib. XXXVI. cap. 7. vbi vid. *Harduin.* cui iungendus SHAW Voyages T. II. p. 181. quantum aquis seriore tempore terra ea increuerit, ex Arabibus docens.

b) HERODOT. lib. II. cap. 13.

c) HERODOT. lib. II. cap. III. Confer. STRABO lib. XVII. p. 788. Aquae Niloticae dulcedo et salubritas omnis aevi scriptoribus valde laudatur. Vid. IOBI LVDOLFI commentar. ad hist. Aethiop. p. 115. seqq.

auctore *a)* appellatus est *b)*. De cuius lacus situ et ambitu cum nostra aetate res expedita videatur, hic nudam fere eorum recensitionem dabimus, quae relatu dignissima de eo ab Auctore nostro commemorata sunt. Memorat autem HERODOTVS, Moeridem lacum paullo infra Crocodilorum urbem et Labyrinthum situm esse *c)*, et a meridie versus septemtrionem pertinere; porro ambitum eius 3600 stadiorum, siue 60 schoenorum, qui conueniunt cum 240 milliariis Romanis, completi, eius autem altitudinem, ubi maxima, 50 Orgyiarum esse; denique fossam e Nilo in lacum huncce ductam ad recipiendum aquas fluminis redundantes, et ad reddendum eas, si forte minus, quam expediret, Nilus restagnaret *d)*. Arte humana factam esse paludem hanc, docent nos duae illae Pyramides in medio lacu exstructae *e)*. HERODOTVM nullum alium lacum significare, nisi quem nos Moeridis nomine vulgo appellamus, contra d'ANVILLEVM, qui duas eiusdem nominis Aegypti paludes fuisse putat, (Mém. pag. 149 - 162.) asseruit
DIT-

a) Aegyptii nostri temporis maxima fere et vtilissima Iosepho, cuius vnus ex summa antiquitate apud illos remansit memoria, tribuere soliti, Nilum quoque in Moeridis lacum deduxisse ferunt, ideoque canalis ille magnus in finibus Aegypti superioris ex Nilo per Libyae montis vallem in Moeridis lacum ductus, qui *Bachr Iusef* h. e. *mare Iosephi*, interdum etiam *canalis Iosephi* dicitur. Videat Ill. MICHAELIS ad Abulfedam not. 114. pag. 54.

b) HERODOT. lib. II. cap. 101. Conf. DIODOR. lib. I. p. 48. (p. 34. A.)

c) HERODOT. l. cit. c. 148.

d) l. c. cap. 149.

e) l. c.

DITMAR. (Beschreibung des alten Aegypten p. 72. seqq. cui iungendus LARCHER. II. 478 - 483.) —
Ipsius lacus hodiernum nomen est *Birket il kerun*.
De reditu ex piscibus huius lacus egit HERODOTVS lib. II. cap. 149. conf. DIODORVS lib. I. p. 48. (p. 34. A.)

Prope Sain urbem *lacus exiguus* memoratur
HERODOTO lib. II. cap. 170. cuius tamen nomen
Auctor noster non profitetur.

Buticus lacus, ἡ Βουτική λίμνη, tantum non
diserte ab HERODOTO commemoratur. Lacus
magnus et profundus, cui Buto urbs adiacet f) quis
alius est, nisi lacus notissimus qui hoc ipso nomine
insignitur? Effunditur in hanc paludem Nili alueus,
qui PTOLEMAEO Thermutiacus amnis audit et
per ostium Sebennyticum in mare effluit g). *Buti-*
cus lacus hodie appellatur *Berelos h)*.

Serbonis, ἡ Σερβωνίς, lacus, Casio monti vici-
nus i). Quem lacum licet HERODOTVS lib. II.
cap. 6. finem constituat inter Aegyptum et Palae-
stinam, hanc tamen sententiam lib. III. cap. 5.
ipse tollit, regionem, quae est a Ienysso, vrbe
Syriae, ad lacum Serbonidem vsque ad Aegyptum
remocandam esse, disertis verbis pronuncians. (vid.
§. XI.) Latitudine, referente DIODORO, per-
quam

f) l. c. cap. 156.

g) Videat. STRABO lib. XVII. pag. 802. A.

h) D'ANVILLE Mémoires pag. 43. 78.

i) HERODOT. lib. III. cap. 5. Lacus meminit HE-
RODOTVS etiam lib. II. cap. 6.

quam angustus est lacus noster *k*); sed profunditatis admirandae; longitudine 200 fere stadiorum. Videat. DIODOR. lib. I. pag. 26. (p. 18. C.) Narrat ibidem scriptor Siculus, perpetuum austri flatum magnam vim arenae lacui ingerere. Αὐτὴ δὲ, ita pergit, το μὲν ὕδωρ κατὰ τὴν ἐπιφανεῖαν ἀσσημον ποιεῖ, τὸν δὲ τῆς λίμνης τοπὸν συμφοῇ τῇ χερσὶ καὶ κατὰ πολὺ ἀδιαγνώστον. Διο καὶ πολλοὶ τῶν ἀγνοούντων τὴν ἰδιότητα τοῦ τοποῦ μετὰ στρατευμάτων ὅλων ἡφανίσθησαν τῆς ὑποκειμένης ὁδοῦ διαμαρτύντες h. e. haec enim aquae superficiem obscurat, paludisque adspēctum terrae ita assimilat, ut omnino discerni nequeat. Ideo multi natura loci non praecognita cum totis exercitibus ibi absorpti periere, cum a vero itinere aberrassent. Sed reliquus etiam locus DIODORI de exitiosa hac palude dignus est, qui legatur. PLINIUS Hist. Nat. lib. V. cap. 13. de Serbonide lacu ita loquitur: Idumaea incipit et Palaestina ab emerfu Serbonidis lacus *l*), quem quidam 15000 passuum circuitu tradidere. HERODOTUS Casio monti applicuit. Nunc est palus modica: Olim per ἐκρηγμα tantum cum mari cohaeruit *m*), nostra vero aetate sinus maris potius, quam lacus vocandus est *n*). Appellatur hodie Sebaket Bardoil sive lacus de Baudouin *o*).

§. XXVI.

k) Maximam eius latitudinem 50 stadiorum esse affirmat STRABO lib. XVI. pag. 760. A.

l) HERODOTI aëno a Ienysō, Syriae vrbe, inceptit Aegyptus. Vide quae supra monuimus §. XI.

m) STRABO lib. XVI. pag. 760. A.

n) ПОРЧКЕ Beschreibung des Morgenlandes Tom. I. pag. 29.

o) Vid. SHAW Voyages Tom. II. pag. 18. D'ANVILLE Geogr. Anc. Abr. Tom. II. pag. 18. et LARCHER Histoire d'Hérodote Tom. II. not. 15, pag. 172.

§. XXV.

Aegypti diuisio.

Restant nonnulla de *Aegypti diuisione* dicenda. Eam autem alii in *tres partes* diuidunt, *Deltam*, *Heptanomidem* et *Thebaidem*, alii in *duas*, *inferiorem* et *superiorem* a). Praeterea omnis Aegyptus diuidebatur in *νομοις*, *nomos*, h. e. praefecturas, interprete PLINIO b), *diuiditur* (Aegyptus) *in praefecturas oppidorum*, quas *nomos* c) vocant. In definiendo autem eorum numero tantam veterum Auctorum DIODORI d), PLINII e), PTOLEMAEI f), dissensionem esse intelligimus, ut aliis temporibus alium fuisse nomorum numerum haud forsan immerito affirmaueris. DIODORVS cum quo consentit STRABO g), Sesostrum memorat totam Aegyptum in XXXVI *νομοις* diuisisse, singulisque Nomarchas praefecisse, qui regionum redituum curam gererent. HERODOTVS vero

D 2 omnem

a) Aegypti diuisio, Graecis probata, in *την κάτω*, *την άνω* et *την άνατολήν χωραν* iure reprehenditur.

b) Hist. Natur. lib. V. cap. 9.

c) De nomis multa congeffit BOCHARTVS Phaleg. lib. IV. c. 24. p. 294. C. seqq.

d) lib. I. pag. 50. (p. 35. A.)

e) Hist. Natur. lib. XXXVI. cap. 13.

f) lib. IV. cap. 5.

g) lib. XVII. pag. 787. C. Addit STRABO l. c. *nomos* rursus diuisos fuisse in *toparchias*, *toparchias* rursus in *portiones* alias, quarum *minimae* arua erant, adeoque rationem tam subtilis et diligentis diuisionis subiungit. Sed hoc monuisse sufficiat.

omnem Aegyptum in nomos diuisam esse pronuncians *h*), recensionem XVIII nomorum subiicit. At vero Aegyptum HERODOTI aetate in plures nomos fuisse diuisam haud difficili negotio euinci poterit. Nam horum nomorum ii, quorum nomina etiam in tabula Aegypti d'Anuilliana leguntur omnes, item *Papremites*, *Onuphites* et *Myecphorites*, haud dubie et reliqui, *Chemmites*, *Ναῖους dimidia pars*, *Aphthites*, *Anysus* et *Thebais* nomi fuerunt Aegypti inferioris. Vnde apparet, *Heptanomidis* et *Thebaidis* ne vllum quidem nomum HERODOTO commemorari. Porro nomi, qui *Ναῖος* appellatur, non nisi dimidiam partem commemorat. Denique locis laudatis eorum nomorum instituit recensionem, quos milites Aegyptii, *Hermotybies* et *Calasirii* dicti, tenebant, nec verisimile est, vnumquemque Aegypti nomum militum horum partem inhabitasse. Sunt autem nomi, quos nominauit, hi: *Busfrites*, (XVI. i) *Saites*, (IX.) *Chemmites*, *Papremites*, *Insula Prosopitis*, (XII.) *Ναῖους dimidia pars* *h*), *Thebais* *), *Bubastites*, (XXV.) *Aphthites*, *Tanites*, (XX.) *Mendefius*, (XVIII.) *Sebennytes*, (XIII. XIV.) *Athribites*, (XXIV.)

h) lib. II. cap. 164-166.

2) Numeri vncinis inclusi indicant, quotus sit vnusquisque nomus in tabula Aegypti antiquae d'ANVILLIANA. Quibus vero nomorum nominibus nulli adiecti sunt numeri, vncinis inclusi, ii nomi in tabula ista non leguntur.

3) Vide §. XXX. princip.

4) *Θηβαίος νομός*. Non confundi debet hic nomus cum *Thebaico*, quo nomine omnis etiam Aegyptus olim insigniebatur. HERODOT. lib. II. cap. 4. 91.

(XXIV.) *Pharbacethites*, (XXVI.) *Thmuites*, (XVIII.) *Onuphites*, *Anysius*, et *Myecphorites*, qui est in insula iuxta Bubastin urbem sita.

Aegyptus sensu strictiori, (sensu enim latiori ad Aegyptum superiorem pertinet etiam Heptanomis) quae et Thebais dicitur, hodie appellatur *Said* ^{l)}, quae vox apud Arabes regionem editam denotat. Male haec Aegypti pars vsque ad urbem Cairo extenditur a D'HERBELOTIO pag. 579., quoniam hac ratione omnem quoque Heptanomidem eo nomine complectitur. — Heptanomis nostra aetate *Voslani* appellatur, quo nomine regio intermedia significatur. Ita autem appellari Heptanomidem, habita Aegypti superioris et inferioris ratione, nemo non videt ^{m)}. — Aegyptus inferior hodie *Babri*, alias *Rif*, vocatur, h. e. regio maritima; posterius tamen nomen oram maritimam magis, quam omnem Deltam significat ⁿ⁾.

l) D'HERBELOT. p. 579. b. p. 735. b. D'ANVILLE Geogr. Anc. Abr. Tom. III. pag. 7.

m) D'ANVILLE Geogr. Anc. Abr. Tom. III. p. 7. *Voslani* interdum *Said* nomine comprehenditur, v. c. ab *Abulfeda*. Vid. D'ANVILLE Mémoir. sur l'Egypte. p. 36. 39.

n) D'ANVILLE Geogr. Anc. Abrégée. Tom. III. pag. 6.

CAPVT II.

SINGVLARVM REGIONVM; GENTIVM, VRBI-
VM, OPPIDORVMQVE DESCRIPTIONEM,
COMPLECTENS.

§. XXVI.

*Rècensio exterarum gentium, quae Aegypti loca
habitasse Herodoto dicuntur.*

Expositis nunc iis, quae de *Aegypti nomine, finibus, magnitudine, fluuio, paludibus, et diuisione* commemoranda erant, ad *singularum regionum, gentium, urbium, oppidorumque Aegypti* descriptionem accedimus eo ordine exhibendam, quem supra constituimus. Incipiamus igitur a *re- censione exterarum gentium, quae Aegypti loca ha- bitasse HERODOTO dicuntur.*

Sub imperio Psammetichi, Aegyptiorum re-
gis, *Iones et Cares*, piraticam facientes, ad Aegy-
ptum applicabant, ibique praedabantur. Psamme-
tichus pro rerum suarum conditione, quae tunc
erat, aduenas non modo non repulit, sed potius
amicum sese iis exhibuit et precibus multaque pol-
licitus ab iis impetravit ut ipsi contra undecim illos
reges, regnum affectantes, auxilium ferrent. Mox
Psammetichus horum aduenarum auxilio regno po-
titus, (HERODOT. lib. II. cap. 152.) ut tanti
beneficii memorem se ostenderet, fidemque exsol-
veret, *Ionibus et Caribus* loca habitanda dedit,
quae

quae *Στρατονίδα* dicuntur. Sitā erant haec loca paullo infra Bubastin urbem ad vtramque Pelusiaci fluvii ripam, eorumque rudera HERODOTI aetate adhuc cernebantur. (§. XXXI.) Postea Amasis rex aduenas hos inde summos Memphin transtulit. (HERODOT. lib. II. cap. 154.) Conf. §. XXXII. Regnante Aprie 30000 *Ionum* et *Carum* in Aegypto numerata sunt. (HERODOT. lib. II. cap. 163.)

Ante Plammetichum nulla existerunt in Aegypto graeci sermonis vestigia. Cum vero, hoc rege, *Iones* et *Cares* ad Aegyptum appellerent, his rex pueros Aegyptios commisit graeca lingua imbuendos, a quibus linguam graecam edoctis oriundi, qui HERODOTI aetate in Aegypto erant interpretes. (HERODOT. lib. II. c. 154.) Sed haec obiter. Redimus ad recensendas exteras gentes, quae HERODOTI aetate Aegypti quaedam loca inhabitabant. Amasis rex haud minus ac Plammetichus Graecis amicum sese exhibuit. Scilicet iis, qui rerum suarum sedem in Aegypto collocare animum induxerant, *Naucratin* urbem habitandam dedit, (§. XXIX.) quae urbs antiqua aetate vnicum Aegypti emporium fuit, teste HERODOTO lib. II. cap. 179. Aliis, qui non nisi mercaturae exercendae causa Aegyptum adibant, permisit, ut templa et sacraria exstruerent. Quo factum est, ut ex *IONIBVS Chii, Tei, Phocenses* et *Clazomenei*, ex *DORIBVS Rhodii, Cnidii, Halicarnassenses* et *Phaselitae*, denique ex *AEOLIBVS Mitylenaei* maximum illud et longe celeberrimum sacrarium, *Hellenium*, exstruerent. Praeterea *Aeginetae* aedificarunt templum in honorem Io-

vis, *Samii* aliud, Iunoni sacrum, et in Apollinis honorem templum exstruxerunt *Milefi*. (HERODOT. lib. II. cap. 178.)

Supereſt, vt commemoremus *Samios ex Aeſchrionea tribu*, qui Oaſin magnam habitabant, (HERODOT. lib. III. cap. 26. §. XXXII.) et *Phoenices ex Tyro*, regionem prope Memphin, forte in ipſa Memphi incolentes, quae *Tyriorum caſtra* appellatur. (HERODOT. lib. II. cap. 112. §. XXXII.)

AEGYPTI INFERIORIS DESCRIPTIO.

§. XXVII.

1. *Descriptio partis Aegypti inferioris occidentalis, quae eſt extra Deltam.*

Vrbes; Oppida. Sinus Plinthinetes.

In huius inferioris Aegypti partis deſcriptione primo loco commemorandus nobis venit

Sinus Plinthinetes, ὁ Πλινθινητης κολπος, aliis Πλινθινητης dictus, quem Aegypti terminum (verſus Libyam, adeoque occidentalem) conſtituit HERODOTVS lib. II. cap. 6. Nomen haud dubie ſortitus eſt a *Plinthina* (ἡ Πλινθινη ſ. Πλινθυνη), vrbe Aegypti maritima inter Tapoſirin et Nicii pagum a), cuius tamen in HERODOTO ne nomen quidem occurrit. Noſtra aetate appellari coepit *Sinus Arabum* b).

Loca

a) Vid. STRABO lib. XVII. pag. 799. C. STEPHAN. BYZ. h. v.

b) D'ANVILLE Memoires ſur l'Egypte pag. 63.

Loca maritima:

Canobus, ὁ Κανωβοῦς), oppidum, quod Canopico Nili fluuio ostioque nomen dedit. *Condidere id* (oppidum) *Spartani*, inquit TACITVS *d)*, *ob sepultum illic rectorem nauis, Canopum, qua tempestate Menelaus, Graeciam repetens, diuersum ad mare terramque Libyam deiectus est.* At quamquam eadem narrata accepimus a STRABONE *e)*, repetita vero habemus a SERVIO *f)*, aliisque, recens etiam a d'ANVILLIO: (Memoires pag. 67.) falso tamen veteres ad Menelai gubernatorem Canopum urbem nostram retulisse certum est *g)*. Distat Canopus, referente STRABONE *h)*, 120 stadiis = 12. mill. Rom. *i)* terrestri itinere. Ciues libidine et lasciuia, quibus STRABONIS et SENECAE aeuo indulgebant, vrbi suae infamiae notam inusserunt *k)*. Ceterum Canopum exiguum fuisse locum ex muri

D §

par-

c) HERODOT. lib. II. cap. 15. STRABONI lib. XVII. pag. 800. C. D. et STEPHANO B., vti HERODOTO, oppidum hocce *Canobus* dicitur; aliis *Canopus*, v. c. TACITO Annal. lib. II. cap. 60. PLINIO Hist. N. lib. V. cap. 11. MELAE lib. I. cap. 9. et LVVENALI Satyr. VI. 84. XV. 46. Conf. SERVIVS ad Virgil. Aen. XI. 263

d) Annal. lib. II. cap. 60.

e) lib. XVII. pag. 801. A.

f) ad Virgil. Georgic. IV. 28.

g) Vid. Celeberr. HEYNI Opuscul. Tom. 1. pag. 397.

h) lib. XVII. pag. 801. A.

i) AMMIAN. MARCELL. lib. XXII. cap. 16.

k) Vid. STRABO l. c. et SENECA Epistol. 51. Add. AMM. MARC. l. c.

parte, quae superest, haud immerito colligitur *l*). Ruinae *Abukir* s. *Bekiere* appellantur *m*).

Ad ipsum Canopicum ostium positum erat

Herculis Fanum, το 'Ηρακλεος ιερον, a quo insequuto tempore vrbs *Heraclium*, το 'Ηρακλειον, nuncupata est *n*). Haec autem vrbs eadem esse nobis videtur, quae HERODOTO

Tarichaeae, ατ Ταριχαιαι (scil. Κανωβικαι.) dicitur lib. II. cap. 113. Hodie *Medea* vocatur *o*). Conf. §. XXXI. voce: *Tarichaeae Pelusiacae*.

Loca ad lacum Mareotidem:

Marea, η Μαρη. Vrbs haecce et *Apis*, de qua statim exponemus, extra Deltam sitae, eiusque ciues Aegypti fines versus Libyam incolere HERODOTO dicuntur. Qui cum ipsi non se Aegyptios sed Libyes esse putarent, Ammon iis paucis respondisse memoratur, Aegyptias esse vrbes, quaecumque Nilo irrigarentur, eosque Aegyptios, qui ex Nilo biberent *p*). Ad Aegyptum igitur reuocanda est vtraque vrbs ob vtramque causam. Et enim non Nilo solum singulis annis irrigatur, sed etiam ex Nilo bibere dicendi sunt ciues *Mareae* et *Apidis*,

l) MARMOL. Tom. III. pag. 277. SHAW Tom. II pag. 19. 20.

m) MARMOL. l. c. SHAW. l. c. D'ANVILLE Geogr. Anc Abreg. Tom. III. pag. 11. Conf. D'HERBELOT. pag. 671. b.

n) HERODOT. lib. II. cap. 113. STRABO lib. XVII. pag. 801. B. Add. STEPHAN. BYZ.

o) SHAW. l. c. pag. 19. *p*) HERODOT. lib. II. cap. 18.

Apidis, quoniam fossa ex eo Nili brachio, quod Canopico ostio mari infertur, in paludem *Mareotidem* q) ducta erat r). Non diuersa videtur *Marea* nostra a Παλαιμαρια κωμη, *Palaemaria* (veteri *Marea*) oppido, quod a PTOLEMAEO prope Mareotidem lacum ponitur. Nam CELLARIVM male ea de causa *Palaemariam* distinguere a *Marea*, quoniam posterior Nilo irrigari, eiusque ciues e Nilo bibere perhibeantur, ex supra dictis fatis apparet. Ad stabiliendam enim sententiam suam subiungens rationem, Παλαιμαριαν PTOLEMAEI longius a Nilo remotam esse non sibi in mentem venisse declarat, fossam e fluuio Canopico in lacum Mareotidem ductam fuisse, et hac de causa *Mareae* ciues e Nilo bibere dici s). *Maream* olim quidem magnam urbem fuisse, sua autem aetate pagi speciem vix referre, memoriae prodidit ATHENAEVS t). Hodie *Mariout* dicitur u). Haud longe a *Mateâ* Rex Apries ab Amasi victus et viuus in Aegyptiorum manus venit, et laqueo vitam finiuit, si modo habenda est fides DIODORO v). HERODOTO enim teste w) prope Memphin x) Aprii id

q) Lacus *Mareotis* nostra aetate *Birk Mariout* vocatur. D' Anville Memoires pag. 64. et Geogr. Anc. Abr. Tom. III. p. 11.

r) PLIN. Hist. Natur. lib. V. cap. 10.

s) Vid. CELLARII Notit. Orb. Ant. lib. IV. cap. 1, pag. 10.

t) Deipnosoph. lib. I. cap. 25. pag. 33. D.

u) D' ANVILLE Memoires pag. 65. v) lib. I. pag. 62. (p. 43. D.) w) Lib. II. cap. 169.

x) Legendum est Μωμεφι cum hoc loco, tunc cap. 163. non Μωμφι, quam lectionem vulgares editio-

id euenisse compertum habemus. Ceterum notissimae sunt *uites Mareotides albae* VIRGILII (Georgic. II. 91.) cui iungendi STRABO (lib. XVII. pag. 799. D.) et HORATIVS (Od. I. 37, 14.) quorum ille maximam esse prope hunc lacum huius vini copiam, idque in longum tempus feruari subiicit.

Apis, ἡ Ἀπὶς γ). Distingui debet ab Apide, quae STRABONI Κωμη, et a Paraetorio, Marmaricae oppido, centum stadiis, (conf. PLIN. Hist. Nat. lib. V. cap. 6.) ab Ammone quinque dierum iter distare dicitur. Apidem nostram nonnulli minus recte primam Marmaricae urbem faciunt z). De situ *Apidis* conf. *Marea*.

Vrbium, quae in mediterraneis eius, quam describimus, Aegypti inferioris partis sitae erant, ab HERODOTO commemorantur hae:

Anthylla, ἡ Ἀνθύλλα, λογίμη, πόλις α). Aegypti reges, ex quo Persae Aegyptiis imperare coeperunt, reditus ex hac vrbe vxoribus suis ad mundum muliebrem comparandum (εἰς ὑποδημάτα b), tradidisse perhibentur. Eadem est quae et *Gynaecopolis* ἡ Γυναικῶν πόλις, appellatur c). Quod ad situm

tiones agnoscunt. Conf. WESSELING. Confudit has vrbes ROLLINIVS Histoire Anc Tom. I. pag. 94. Vid. et LARCHER. Tom. II. pag. 494.

γ) HERODOT. lib. II. cap. 118.

z) CELLAR. lib. IV. cap. 2. p. 101.

α) HERODOT. lib. II. cap. 97. 98.

β) εἰς ζῶνας dicit ATHENAEVS Deipnos. lib. I. cap. 25.

ε) Nomen hocce occurrit apud STRABONEM l. c. pag. 803. B. et apud STEPHAN. BYZ.

situm huius urbis attinet, probe tenendum est, eam minus accurate ad ipsum Canopicum fluvium poni a D' ANVILLIO. Anthyllam potius ab eo aliquantum remotam fuisse haud immerito colligitur ex HERODOTI lib. II. cap. 97. Hod. *Selamun d*).

Archandropolis, η Ἀρχανδρου πολις, paullo infra *Anthyllam* et in eadem planitie sita erat, in qua haec. De cuius situ idem monendum est contra D' ANVILLIUM, quod in constituendo *Anthyllae* situ contra eum intulimus e). Postea appellata est *Andropolis*, η Ἀνδρων πολις, nunc vero *Shabur* dicitur f).

Momemphis, η Μωμεμφις g). CELLARIO, HERODOTVM perlustranti, urbis huius nomen non licuit inuenire h), cuius rei causam afferre possumus satis idoneam. Vulgo enim in HERODOTO lib. II. cap. 163. 169. Μεμφι legitur, non, ut legendum est, Μωμεμφι. (Conf. not. x). *Momemphim* in oppido *Memf* seu *Menusf*, quod Maereotidi paludi imminet, hodieque existare, D' ANVILLIVS, SICARDVM secutus, coniicit i). At licet ex laudatis HERODOTI locis *Momemphis* situm

d) D'ANVILLE Memoires pag. 71. et Geogr. Anc. Abr. Tom. III. p. 12.

e) HERODOT. lib. II. cap. 97.

f) Vid. D'ANVILLE locis cit.

g) HERODOT. lib. II. cap. 163. 169.

h) lib. IV. cap. 1. pag. 171.

i) D'ANVILLE Memoires pag. 73. et III. I. D. MICHAELIS ad APULIADAE Aegypti descript. pag. 43.

fitum constitui plâne non posse sponte iis largiamur, vtrumque tamen in eo definiendo longius a vero aberrasse, STRABO *k)* doceat. Is enim cum referat, a *Sehedia* ad *Momemphim* *l)*, sursum naviganti ad dextram esse pagos multos vsque ad lacum Maream, tum, ad flumen esse *Hermopolin*, deinde *Gynaecopolim*, (quam HERODOTVS *Anthyllam* appellat) et Gynaecopolitanam praefecturam, denique, paucis interiectis, ultra Momemphim esse nitri fodinas duas, quae nitrum plurimum ferant, indeque appellatum esse Nitrioticum nomum: quis non videat, *Momemphim* sitam fuisse inter hunc nomum et *Gynaecopolin* s. *Anthyllam*?

Cercasorus, ἡ Κερκασωρος *m)*. Urbem hanc STRABO *n)*, cui ἡ Κερκασουρα dicitur, in Libya sitam esse affirmat; quod quomodo intelligendum sit ex his ipsius verbis optime intelligitur. Dicit enim I. c.: Ἐντευθεν δὲ (referendum hoc ad Heliopolin pag. 805. A.) ὁ Νειλος ἐστὶν ὁ ὑπὲρ τοῦ Δελτα' τούτου δὴ τα μὲν δεξιά καλοῦσι Λιβυην, ἀναπλεοντὶ ὥσπερ καὶ τὰ περὶ τὴν Ἀλεξάνδρειαν, καὶ τὴν Μαρεωτίν· τὰ δὲ ἐν ἀριστερᾷ Ἀραβίαν. Ἡ μὲν οὖν Ἡλιουπόλις (male legitur Ἡλιοπολιτις) ἐν τῇ Ἀραβίᾳ ἐστὶν· ἐν δὲ τῇ Λιβυῇ Κερκασουρα πόλις, κατὰ τὰς Εὐδοξοῦ κειμένη σκοπας.

Sitam

k) lib. XVII. pag. 803. B. C.

l) In Codd. et Editt. legitur: ἀπο δὲ Σχιδίας ἀναβαινουσὶν (vulgo ἀναπλεουσιν) ἐπὶ Μωμφιν cet. Sed legendum esse Μωμεμφιν contextus docet.

m) HERODOT. lib. II. cap. 15. 17. 97. Adde MEER iib. I. cap. 9.

n) lib. XVII. pag. 806. D.

Sitam eam fuisse ad verticem Deltae, dubio caret. Ad hanc vsque urbem fuit Nilus vno alueo conclusus, verum prope eam in duo praecipuos fluvios o) scinditur, quorum alter Pelusium fertur, alter Canopum p). *Cercafori* sedem occupavit locus, qui nostra aetate *Eksas* q) nuncupatur. Non audiendum esse SAVARY, qui non in *Eksas*, (dicitur et *Arkfas*) sed in pago, *Characanie* (*Karakani*) dicto, qui Nilo ab oriente adiacet, *Cercafori* vestigia superesse Tom. I. pag. 276. 277. tradit, nuper ostendit LARCHERIVS Tom. II. pag. 359.

2. Deltae magnae descriptio

et quidem α. eius partis, quae est inter ostium Canopicum, et Phatniticum.

§. XXVIII.

Deltae nominis origo; eius ambitus.

De origine nominis *Deltae*, quod maiori meliorique Aegypti inferioris parti tribuitur, nec non de eius ambitu non est, quod fusius exponamus. Notum enim est 1), eam Aegypti inferioris partem, quae est inter Pelusiacum fluuium et Canopicum, figuram quartae literae alphabeti Graecorum refer-

o) Non repugnare hoc ei HERODOTI loco, in quo Nilus a Cercaforo in tres alueos scindi dicitur, vix est, quod moneamus.

p) HERODOT. lib. II. cap. 15. Conf. cap. 17.

q) Vid d'ANVILLE Memoires pag. 73.

referre, indeque ipso Deltae nomine a remotissima inde aetate vocatam esse. Vid. DIODORVS lib. I. pag. 30. Porro quod ad ambitum Deltae attinet, *Scriptor ficulus* l. c. singula latera ad 750 stadia, basin vero, quae mari alluitur, ad stadia 1300 porrigi affirmat, ita vt totius Deltae ambitus sit 2800 stadiorum. A qua computatione haud multum recedit STRABO lib. XVII. pag. 788. D. eius ambitum 3000 stadia conficere ex ERATOSTHENE referens. Delta olim *Phium* h. e. mare dicebatur, hodiernis autem Aegyptiis dicitur *Maheleck*. Vid. DAPPER. pag. 50. a,

§. XXIX.

Insulae; urbes; oppida.

Insulae. In Butica palude (§. XXIV.) sita erat

Chemmis, ἡ Χεμμίς, insula, nonnullis *Ἐχμίς* dicta a), quam Aegyptii natantem perhibent. Memoratur in ea templum Apollinis amplum, quem Typhonis insidiis subtrañtum Latona ibi occultans seruasse narratur; palmarum quoque, aliarumque arborum felicitum aequae ac infelicitum magna copia b). *Nomus Chemmites*, ὁ Χεμμίτης νομός, HERODOTO lib. II. cap. 165. memoratus, nobis quidem in Aegypto inferiori fuisse videtur. Nam, qui in Thebaide fuit *Chemmites* nomus, cum vulgo *Panopolites* appellari soleat: de eo hac ipsa de causa nostro loco cogitandum non esse putamus.

In-

a) Conf. WESSELING. ad HERODOTI lib. II. cap. 156.

b) HERODOT. lib. II. cap. 156.

Inter Sebennyticum et Phatniticum fluvium ad mare fuit paludosa regio, quae τα' Ελα HERODOTO κατ' ἐξοχην quibusdam in locis c) dicitur, recentioribus vero *Elearchia*, ἡ Ἐλεαρχεια h. e. *regio paludosa*. Ad hanc regionem reuocanda est

Elbo, ἡ Ἐλβω, insula, decem stadiorum ambitu, quae ab Anyfi, Aegyptiorum rege, (cum in palustrem hanc regionem eo tempore, quo Aethiopes, duce Sabaco, incursionem in Aegyptum fecisse perhibentur, confugisset) quinquaginta annis ex cineribus et terra aggesta dicitur. Ea ab Anyfis inde morte trecentis annis et amplius d) ab insequentis Aegypti regibus, ad Amyrtaci tempora vsque frustra fuit quaesita e).

His iungenda est

Profopitis, ἡ Προσωπιτις, insula ambitu novem schoenorum f). *Profopitidis* etiam nomen exstat in HERODOTO g). DIODORVS h) de

c) Lib. II. cap. 137. 140. 151. 152.

d) Cum PERIZONIO legendum videtur ἑπτα ἐπὶ πλεω ἢ τριηκοσια; vulgo legitur ἑπτακοσια. PERIZONIO adstipulatur BOVHIERVS Recherches et Dissert. sur Herodote Chap. VII. p. 71. Conf. WESSELING. ad Herodot. lib. II. cap. 140.

e) HERODOT. lib. II. cap. 137. 140. Male vapulat d' ANVILLIO SICARDVS, qui insulam Elbo in Serbonide palude posuit. De cuius situ conferendus etiam LARCHERVS Tom. VI. I. XII. et Tom. VII. p. 170.

f) HERODOT. lib. II. cap. 41. g) lib. II. cap. 163.

h) Tom. II. lib. XL. pag. 58. (p. 282. B.)

de insula haec tradit:] των Ἀττικῶν νηῶν ὁρμουσῶν ἐν τῇ Προσωπιτίδι λεγομένη νήσῳ, τον περιῶρεοντα ποταμον διωρυξί διαλαβόντες (scil. Persae Aegyptium inuadentes.) ἤπειρον ἐποίησαν τὴν νῆσον, h. e. cum naues Atticae ad Prosopitidem insulam stationem haberent, fluuio, qui insulam cingebat, per fossas alio diuerso, ex insula continentem fecerunt.

In hac insula licet multas esse vrbes praecise affirmet HERODOTVS i), earum tamen non nisi vnicam diserte commemorat, eandemque nomine ex Aegyptiorum sermone deriuato insigniuit. Haec vero est

Atarbechis, ἡ Ἀταρβηχίς, h. e. Veneris vrbs. Nam Dea Aegyptiis *Athur* dicta eadem credebatur cum Venere Graecorum k). Graeci huius vrbs nominis ἡ Ἀφροδιτοπολις seu ἡ Ἀφροδιτης πολις memoriam STRABONI l) debemus in his verbis: ὁ Ἀφροδιτοπολιτης νομος, καὶ ἡ ὁμωνυμος πολις, *Aphroditopolitana praefectura et ciuitas cognomen. Veneris templum, Ἀφροδιτης ἱερον*, quod hac in vrbe fuit, memoratum HERODOTO l. c.

Venimus nunc ad recensitionem et descriptionem reliquarum huius Aegypti inferioris partis vrbiū, oppidorūque, quorum HERODOTVS iniiecit mentionem.

Ad mare est

Per-

i) Lib. II, cap. 41.

k) Vid. EGYMOL. MAGN. voce Ἀθῦρ, et TABLONS-KII Pantheum Aegypt. lib. I. cap. I. Conf. d'ANVILLE Memoires pag. 81. et LANCHERIVS ad HERODOT. lib. II. cap. 41.

l) Lib. XVII. pag. 809. A. B.

Persei Specula, ἡ Περσεως καλεσμένη σκοπιη, a Tarichaeis Pelusiacis 40 schoenorum iter diffita m). STRABONI n) sita dicitur a Bolbitino ostio (versus septemtrionem, et quidem) in arenoso et humili promontorio, quod longe porrigitur et *Agri Cornu*, το' Ἀγρου κερας, appellatur. Speculam hodieque superesse et *Megaizel* vocari Auctor est D'ANVILLIUS Memoir. pag. 77.

Loca mediterranea:

Buto, ἡ Βουρω ο), aliis scriptoribus p) *Butus*, ἡ Βουρος, dicta, magna perhibetur vrbs, a Sebennytico fluuio versus occidentem sita q), et quidem prope magnum, eundemque profundum lacum r), quem *Buticum* esse facile perspicitur. (§. XXIV.) Non praeterita HERODOTO templa, hac in vrbe in honorem Apollinis, Dianae et Latonae exstructa s). Latonae adeo templi descriptionem dat lib. II. cap. 155. saepiusque Deae huiusce oraculi meminit, quod omnium, quae in Aegypto erant, αψευδαστον habebatur t). Non confundi debet

E 2 nostra

m) HERODOT. lib. II. cap. 15.

n) lib. XVII. pag. 801. D.

o) HERODOT. lib. II. cap. 59. 63. 83. 152. 155. 156. III. 64.

p) Vid. STRABO lib. XVII. pag. 802. A. STEPHAN. B. PTOLEMAEVS lib. IV. et PLINIUS Hist. Nat. lib. V. cap. 10.

q) HERODOT. lib. II. cap. 155. STRABO l. c.

r) HERODOT. lib. II. cap. 156. STRABO l. c.

s) HERODOT. lib. II. cap. 59. 63. 155.

t) Lib. II. cap. 152.

nostra vrbs cum alia *Buto*, de qua §. XXXI. exponemus.

Onuphis, ἡ Ὀνουφίς, πόλις οὐκ ἄγνωστος, *vrbs* *haudignobilis*, teste STEPHANO B. HERODOTVS nomi tantum *Onuphitis* meminit *u*), non itidem ipsius vrbs.

Naucratis, ἡ Ναυκρατίς, a Milesiis, Cyaxaris, Medorum regis, aetate paullo supra Schediam ad Canopicum fluvium condita *v*). Urbem hancce, vnicum olim Aegypti totius emporium, Amasis, Aegyptiorum rex, Graecis concessit habitandam iis, qui mercaturae exercendae gratia Aegyptum fortunarum suarum sedem constituere animum induxerant *w*). (Conf. §. XXVI.)

Sais, ἡ Σαῖς, Saitici nomi, adeoque partis Deltae inferioris metropolis, duobus schoenis a Canopico fluuio versus orientem remota *x*), in oppido *Sa* superest *y*). Templum habuit Mineruae celeberrimum, in quo Aegypti regum, ex Saitico nomo *z*) oriundorum, sepulcra erant *a*); quin etiam eorundem sedes per aliquod tempus fuisse perhibetur *b*). De *Λυχνοκαίη*, siue Mineruae festo, non

a) Lib. II. cap. 166. *v*) HERODOT. lib. II. cap. 179. STRABO. lib. XVII. p. 801. D. p. 802. A.

w) HERODOT. lib. II. cap. 178. 179.

x) STRABO lib. XVII. pag. 802. A.

y) D' ANVILLE Memoires pag. 79. Geogr. Anc. Abr. Tom. III. p. 13.

z) Huius meminit HERODOTVS lib. II. cap. 165.

a) HERODOT. lib. II. cap. 169.

b) HERODOT. lib. II. cap. 163. 169. 175

nōn hac in vrbe solum, sed per omnem adeo Aegyptum singulis annis lucernis candentibus celebrato, exponit HERODOTVS lib. II. cap. 62. cui iungenda est LARCHERII (Tom. II. pag. 278: 279.) de eiusdem causa et ratione disputatio. Verum nec ea, quae de hoc festo, nec reliqua memoratu digna, quae v̄t in omni vrbe, sic maxime in hoc Mineruae templo conspiciebantur, percurrere et recensere animus est. Adeat ea noscendi studiosus ipsum Auctorem nostrum, legatque in primis libri II. cap. 128. seqq. cap. 169. 170. 175. 176.

Siuph, ἡ Σιουφ, Saitici nomi. vrbs, vnde oriundus Amasis, Aegyptorum rex c).

Sebennytus, ἡ Σεβεννυτος, STRABONI d) ἡ Σεβεννυτικὴ πολις, nunc vero *Samanud* seu *Se-menud* dicta e), Sebennytico flumini ab occidente apposita. Ipsa vrbs HERODOTO praeterita, nomi tamen *Sebennytis*, cuius metropolis erat, mentio exstat lib. II. cap. 166.

Busiris, ἡ Βουσιρις f), (a qua dictus nomus *Busirites*, memoratus HERODOTO lib. II. cap. 165.) sita erat in media Delta g). Nomen vrbi inditum videtur a Busiride, Aegyptiorum rege.

E 3

Hunc

c) Id. l. c. cap. 172.

d) l. c.

e) ABULFEDA descript. Aegypti pag. 60. D'ANVILLE Memoires pag. 85. Geogr. Anc. Abr. Tom. III. pag. 14. NIEBVHR Reisen nach Arabien I. 79.

f) De significatu huius nominis vid. LARCHER. Tom. II. not. 199. pag. 278.

g) HERODOT. lib. II. cap. 59.

Hunc alii tyrannum credunt *h)* ab Hercule occisum *i)*; alii vero nullum umquam extitisse in Aegypto Busiridem praecise affirmant *k)*. Sed haec obiter. Addit HERODOTVS *l)*, fuisse in vrbe nostra Isidis h. e. Cereris templum, cuius festi descriptionem dat lib. II. cap. 40. 61.

Ex vrbis situ ab HERODOTO ipso constituto, facile intelligitur, eam diuersam esse ab *Isidis oppido*, quod et *Iseion* nuncupatur *m)*. Immerito igitur a CELLARIO *n)* reprehenditur PLINIVS *o)*, quod inter *Isidis* oppidum et *Busiridem* HERODOTUS distinxit. Nec minus reprehendendus est WESSELINGIUS (ad HERODOT. lib. II. cap. 59.) qui templi splendidissimas ruinas, elegantissimis optimi marmoris columnis, exsculptis hominum animaliumque figuris ac literis Hieroglyphicis spectabiles, descriptas cum cura a SICARDO (Memoires des Miss. du Levant Tom. II. pag. 118.) ad *Busiridem Herodoteam* cum aliis reuocauit. Pertinent hae ad *Isidis oppidum* seu *Iseion*, quod hodie quidem *Babeit* *p)*. h. e. *pulchritudinis domus* appellatur. Locum *Busiridis* HERODOTAEAE occupauit nostra aetate pagus *Abusir* s. *Busir* seu *Busir Ba-*

h) DIODOR. lib. IV. pag. 225. (p. 157. B. C.)

i) OVID Metam IX. 182. 183. *k)* STRABO lib. XVII. pag. 802. C.

l) lib. II. cap. 59. 61.

m) STEPH. B.

n) lib. IV. cap. I. pag. 31.

o) Histor. Nat. lib. V. cap. 10.

p) D'ANVILLE Memoires pag. 86.

quae STRABO alijs finitima pronunciat, situs accurate antea definitus fuerit. Iam vero, cum non modo STRABONIS, sed etiam PLINII u) auctoritate constet, *Busiridi* finitimam esse *Cynopolin* s. *Cynopolin*, haec vero inter *Tauam* et *Thmum* sita sit, teste *Itinerario Antonini*, ita, ut ab illa 30, ab hac 25 milliaria distet, apparet, *Busiridem* non inter *Athribitem* et *Leontopolin* fuisse habitatam, sed in ipsa media Delta.

De *Prosopitide insula*, et, quae in ea HERODOTUS memoratur, *Atarbeckide* urbe iam exposuimus.

§. XXX.

B. Regionis inter *Phatniticum ostium* et *Pelusiacum*, quae vulgo *Deltae paruae* nomine venit; descriptio.

Urbes; oppida.

Natho, נאטו. Quamquam de situ huius nomi nulla apud HERODOTUM exstat mentio, audacter tamen statuit D'ANVILLIUS (Mém. pag. 81.) eam fuisse in insula *Prosopitide*. At idoneis rationibus destituta est haec sententia. *Natho* nomus haud dubie idem est, qui PTOLEMAEO *Nsoy*, *Neut*, dicitur, et ab eodem inter *Busiriticum* et *Bubasticum* (inter *Phatniticum* et *Pelusiacum*) fluuium ponitur. *Larcherius* (Tom. II. not. 519. pag. 496.) in utroque scriptore legendum censet *Neith* pro *Natw* et *Nsoy*, quo nomine *Menerua* antiquitus *Aegyptiis* venit, et huius nomi vestigi-

u) Hist. Nat. lib. V. cap. 10.

vestigia in hodierno *Nete* superesse cum SICARDO (Vid. D'ANVILLE Memoir. pag. 93.) iudicat.

Mendes, ἡ Μανδης, metropolis Mendefii nomi, HERODOTO lib. II. cap. 166. memorati. Situm vrbis a D'ANVILLIO recte constitutum esse, e STRABONE a) perspicitur, qui *Mendetem* finitimam dicit *Diospoli illi* (quae et Panephysis), circa quam αἱ λίμναι (sensu eminentiori dictae) sint, quibus recentior aetas nomen lacus *Mansale* seu *Tennis* indidit b). PINDARO quoque prebe innotuisse haud obscure indicant versus, a STRABONE c) laudati:

Μανδητὰ παρὰ κρημνον θαλασσης, ἔσχατον
Νειλον ἄερας —

Superesse *Mendetem* in *Ashmun-Tanah d)*, siue *Qshmun* — *Tinnag e)* iam eo minus dubium esse potest, quo magis antiquae vrbis situs nobis constat. Colebantur in vrbe hac antiquis temporibus Pan

E 5

et

a) lib. XVII. pag. 802. B.

b) D'ANVILLE Memoires pag. 94.

c) H. C. PINDARICI LOCI mentionem faciunt PARS-
SCIANS et AELIANVS περιζων lib. VII. cap.
19. item ARISTIDES, cui ad mathematicam ra-
tionem poetae verba reuocanti, immerito vapu-
lat PINDARVS.

d) D'ANVILLE Memoires pag. 45. 46. 91. 92. Geogr.
Anc. Abr. Tom. III. p. 16. SAVARY Tom. I. pag.
399. et LARCHERVS Tom. VII. voce MENDES.

e) ABULFEDAE desc. Aeg. p. 31. Conf. III. J. D.
MICHAELIS ad Abulf. not. 261. 261. p. 119. seqq.

quae STRABO aliis finitima pronunciat, situs accurate antea definitus fuerit. Iam vero, cum non modo STRABONIS, sed etiam PLINII u) auctoritate constet, *Busiridi* finitimam esse *Cynopolin* s. *Cynopolin*, haec vero inter *Tauam* et *Thmuem* sita sit, teste *Itinerario Antonini*, ita, ut ab illa 30, ab hac 25 milliaria distet, apparet, *Busiridem* non inter *Athribitem* et *Leontopolin* fuisse habitatam, sed in ipsa media Delta.

De *Prosopitide insula*, et, quae in ea HERODOTUS memoratur, *Atarbeschide* vrbe iam exposuimus.

§. XXX.

β. Regionis inter *Phatniticum ostium* et *Pelusiacum*, quae vulgo *Deltae parvae* nomine venit; descriptio.

Vrbes; oppida.

Natho, נאטו. Quamquam de situ huius nomi nulla apud HERODOTVM exstat mentio, audacter tamen statuit D'ANVILLIUS (Memoir, pag. 81.) eam fuisse in insula *Prosopitide*. At idoneis rationibus destituta est haec sententia. *Natho* nomen haud dubie idem est, qui PTOLEMAEO *Nsout*, *Neut*, dicitur, et ab eodem inter *Busiriticum* et *Bubasticum* (inter *Phatniticum* et *Pelusiacum*) fluuium ponitur. *Larcherius* (Tom. II. not. 519. pag. 496.) in utroque scriptore legendum censet *Neith* pro *Natw* et *Nsout*, quo nomine *Minerva* antiquitus *Aegyptiis* venit, et huius nomi vestigi-

u) Hist. Nat. lib. V. cap. 10.

vestigia in hodierno *Nate* superesse cum SICARDO (Vid. D'ANVILLE Memoir. pag. 93.) iudicat.

Mendes, ἡ Μενδης, metropolis Mendefii nomi, HERODOTO lib. II. cap. 166. memorati. Situm vrbis a D'ANVILLIO recte constitutum esse, e STRABONE a) perspicitur, qui *Mendetem* finitimam dicit *Diospoli illi* (quae et Panephysis); circa quam αἱ λιμναι (sensu eminentiori dictae) sint, quibus recentior aetas nomen lacus *Mansale* seu *Tennis* indidit b). PINDARO quoque pròbe innotuisse haud obscure indicant versus, a STRABONE c) laudati:

Μενδητα παρὰ κρημνον θαλασσης, ἔσχατον
Νειλον ἕρας —

Superesse *Mendetem* in *Ashmun-Tanah* d), siue *Oshmun* — *Tinnag* e) iam eo minus dubium esse potest, quò magis antiquae vrbis situs nobis constat. Colebantur in vrbe hac antiquis temporibus Pan

E 5

et

a) lib. XVII. pag. 802. B.

b) D'ANVILLE Memoires pag. 94.

c) h. c. PINDARICI LOCI mentionem faciunt PARS-
SCIANS et AELIANVS περιζων lib. VII. cap.
19. item ARISTIDES, cui ad mathematicam ra-
tionem poetae verba reuocanti, immerito vapu-
lat PINDARVS.

d) D'ANVILLE Memoires pag. 45. 46. 91. 92. Geogr.
Anc. Abr. Tom. III. p. 16. SAVARY Tom. I. pag.
399. et LARCHERVS Tom. VII. voce MENDES.

e) ABULFEDAE desc. Aeg. p. 31. Conf. III. J. D.
MICHAELIS ad Abulf. not. 261. 261. p. 119. seqq.

et *hircus*. *Pan* Aegyptiis Mendes dicebatur, quo ipso nomine etiam hircus lingua Aegyptiaca vocabatur *f*).

Thmuis, η Θουvis *g*), cuius rudera multa in oppido *Tmaie* supersunt *h*), haud dubie fuit *Thmu-itis* nomi primaria vrbs, cuius nomi HERODOTVS lib. II. cap. 166. meminit; ipsam tamen urbem silentio transmisit. Maioribus Aegypti vrbibus annumeratur ab AMMIANO MARCELLINO lib. XXII. cap. 16.

Tanis, η Ταvic, vrbs HERODOTO praeterita, a qua *Tanites* nomus appellationem traxit. Nomi mentionem Auctor noster lib. II. cap. 166. iniecit. Urbem ipsam D'ANVILLIVS *i*) ponit iuxta Thennesum lacum, qui et Tennis vocatur. At III. MICHAELIS magis ad interiora Aegypti inferioris eam reuocat, sequutus Geographum Nubiensem *k*). Cum vero dubium non sit, quin ea in hodierno oppido *Tanah* seu *San* supersit *l*), D'ANVILLIVS in constituendo vrbis antiquae situ, a veritate non deflexisse dicendus est. Condita est
Ta-

f) HERODOT lib. II. cap. 42. 46. DIODOR lib. I. p. 78. 79. (p. 55. C.) STRABO l. c. p. 802. A. B.

g) THMVIS apud Aegyptios hircum denotat, teste HIERONYMO aduersus IOVIANVM lib. II. cap. 6. et ad. Jes. XLVI. 1.

h) D'ANVILLE Memoires pag. 91. et Geogr. Anc. Abr. Tom. III. p. 16.

i) Memoires pag. 45. 46. 94. 95.

k) Vid. III. MICHAELIS ad ABULFED. not. 261. 265. 297.

l) D'ANVILLE Memoir pag. 94. Geogr. Anc. Abr. Tom. III. p. 17. LARCHER. Tom. VII. p. 354. 355.

Tanis septimo anno post conditam Hebron *m*). Eamdem Pharaonum sedem fuisse, ibique etiam Moſem mira in conſpectu Pharaonis patraſſe narratum accepimus. In literis ſacris יַעַז appellatur, id quod ex collatione, cum verſione Alexandrina facta, intelligitur *n*).

Daphnae Peluſiae, αἱ Δαφναι Πηλουσαι. De his nonnihil relatum legimus apud HERODOTVM lib. II. cap. 30. 107. *Peluſiae* dicuntur et quoniam appositae erant Peluſiaco fluuio, et quia haud longe ab ipſo ostio Peluſiaco aberant. Inclaruerunt eo, quod eo adhuc tempore, quò Aegyptii Perſis ſub-erant, ſicut olim Pſammetichi aetate, praefidarios milites habebant ad irruptiones Arabum et Syrorum auertendas *o*) *Daphnas Peluſias* non diuerſas eſſe a loco, qui in codice ſacro סַפְנַס dicitur *p*), docent nos LXX., hanc vocem Ταφνας ver-tes, quod nomen a hodierno *Safnas* *q*) parum diſcrepat.

Pharbaethus, ἡ Φαρβαιθος. HERODOTVS non niſi nomum *Pharbaethiten* *r*) commemorat, quem STRABO *ſ*) ſupra *Mendefium* et *Taniticum* ostium ponit.

m) Num. XIII. 22.

n) Num. XIII. 22. Jeſ. XIX. 11. 13. XXX. 4. Pl. LXXVIII. 12. 43.

o) HERODOT. lib. II. cap. 30.

p) Ierem. II. 16. XLIII. 7. 8. 9. XLIV. 1. Ezech. XXX. 18.

q) D'ANVILLE Memoir, pag. 44. 45.

r) Lib. II. cap. 166.

ſ) lib. XVII. pag. 802. D.

ponit. Consentit PTOLEMAEVS t), qui nomen nostrum et urbem *Pharbaethum* inter *Busiriticum*, (HERODOTI *Bucolicum*, aliorum *Phatniticum*) et *Bubasticum* (*Pelusiacum*) fluvium sitam fuisse affirmat. Neglectis his testibus, *Pharbaethum* cum nomo suo e Delta eiecit D' ANVILLIUS et in hodierna regionis *Al - Giauf* s. *Al - Hauf* metropoli *Belbeis*, seu *Balbeis*, siue *Bilbeis* dicta, illam superesse putavit u).

§. XXXI.

3. *Aegypti partis orientalis, quae est extra Deltam descriptio.*

Urbes; Lacus; Mons; Oppida.

Lacus: Serbonis, ἡ Σερβωνίς λίμνη. Vid. §. XXIV.

Mons: Casius, τὸ Κασίου ὄρος, Serbonidi lacui finitimus a). HERODOTVM hunc montem ultimum Aegypti terminum versus Syriam pronunciare lib. II. cap. 6. certum est. Sed minus accurate sic constitutum esse Aegypti versus orientem terminum, ex alio ipsius HERODOTI loco apparet. Verum hac de re iam supra (§. X. XI.) satis dictum. A *Casio* monte ad Sinum Arabicum iter est mille stadiorum b). STRABO c) ἐστὶ τὸ Κασίον, ἰνquit, θινωδὴς τις λοφὸς ἀκρωτηριαζών, ἀνυδρὸς, ὅπου τοῦ Πομπηίου τοῦ Μαγνοῦ σῶμα κεῖται; καὶ Δίος ἐστὶν ἱερὸν Κασίου, *Casius est*

t) Lib. IV. 5. pag. 263.

u) Memoires pag. 110. Geogr. Anc. Abr. Tom. III. pag. 20,

a) HERODOT. lib. II. cap. 6.

b) HERODOT. lib. II. cap. 158.

c) Lib. XVI. pag. 760. A.

est mons, aggeribus arenarum similis, et in mare procurrent, aquarum inops. In eo Pompeii Magni corpus iacet et Iouis Casii templum est. Hodie appellatur mons noster *El-Kas* siue *Ras Kasoron* d.)

Urbes et oppida:

Pelusium, το Πηλουσιον, e) oppidum amplius viginti stadiis supra mare Pelusiaco fluuio ab oriente appositum f). De situ *Pelusii* insignis exstat locus apud STRABONEM g), quem tamen, quoniam longior est, transcribere nolumus. Vnum hoc monemus, *Pelusium* dictum a situ, ἀπὸ τοῦ πηλου; cinctum enim est paludibus. Ruinae urbis hodieque adeo appellantur *Tineh* h), quae vox *locum palustrem* significat. Longissime a vero aberrant, qui *Pelusium* in literis sacris יִן סַי appellari i) affirmant. Fefellit eos Vulgatus interpres, qui EZECHIELIS verba k) יִן סַי מַצְרַיִם vertit: *Pelusium robur* (locus firmiter communitus, arx) *Aegypti*

d) D'ANVILLE Memoires pag. 99. LANCHER. Tom. II. pag. 172.

e) HERODOT. lib. II. cap. 15.

f) STRABO lib. XVII. pag. 803. A.

g) Lib. XVII. pag. 302. D. pag. 803. A. Conf. DIODOR. Tom. II. lib. XV. pag. 358. (p. 478. D.) lib. XVI. pag. 444. (p. 535. A.)

h) Vid. ABULFEDAE desc. Aeg. pag. 2. et III. MICHAELIS ad h. l. not. 12. D'ANVILLE Memoir. pag. 97. Geogr. Anc. Abr. Tom. III. pag. 17. Male multi crediderunt, *Pelusium* non diuersum esse ab hodierna *Damiata*. Haec vero Phatmetico Nili ostio adiacet. Vid. SHAW Tom. II. pag. 19.

i) Ezech. XXX. 15. 16.

k) cap. XXX. 15.

gypti. Assentiendum videtur LXX interpretibus, qui סין reddiderunt: Σαιν 1). Atque minus amplectimur eorum sententiam, qui *Pelusium* eundem locum putant cum לבנת scripturae sacrae m). Verum prolixior de his disputatio ab hoc loco aliena est.

Sanacharib, Assyriorum rex, *Pelusium* quondam oppugnauit quidem, sed irrito conatu abiit n); insequuta autem aetate rex Aegyptiorum Psammetus a Persis, duce Cambyse, prope hanc urbem proelio victus est, ipsaque vrbs in hostium manus venit o).

Ad ipsum ostium Pelusiacum versus orientem fuere

Tarichaeae Pelusiacae, αἱ Ταριχηαῖαι Πηλουσιακαί, 40 schoenis a *Persei specula* distitae, (HERODOT. lib. II. cap. 15.) quae nostra aetate *Al-Farma* seu *Farameh* nomine veniunt. (D'ANVILLE Memoir. pag. 97.) *Tarichaearum* nomininis originem WESSELINGIUS ad HERODOT. l. c. quem plerique sequuntur p), repetendam esse coniicit ex congestis ibi hominum animaliumque cadaueribus, quae more gentis diligenti cura condiebantur (HERODOT lib, II. cap. 86). Alii locum huncce mer-

1) LXX. Ezech. XXX. 16. סין vertunt Συνη. Legendum Σαιν vt commate 15.

m) Ies. XXXVII. 8. 2 Reg. XIX. 8. Conf. LARCHER, Tom. II. p. 447-452.

n) HERODOT. lib. II. cap. 141.

o) HERODOT. lib. III. cap. 10. II.

p) V. C. LARCHERIUS Tom. VII. pag. 356.

mercaturæ piscium, sale conditorum, inferuisse putant q). Ceterum plures Aegypti vrbes hoc nomine insigniebantur. *Tarichaeas Canobicas* ipse HERODOTVS commemorat. (§. XXVII.) Addit STEPHANVS BYZ. *Mendesias et Scenicas*,

Inter *Bubastum et Pelusiacum ostium* ad vtramque Pelusiati fluuii ripam habitabantur

Zonum et Carum castra, τα των λωνων και Καρων στρατοπεδα, (HERODOT. lib. II. cap. 154.) de quibus iam exposuimus §. XXVI.

Bubastis, ἡ Βουβαστις, r) Bubastici nomi (HERODOT. lib. II. cap. 166.) metropolis, appellata dicitur a Bubasti Dea, quam Graeci Artemidem vocitant f). Templi in huius Deae honorem et cultum exstructi descriptionem dat HERODOTVS lib. II. cap. 138. cui loco iungenda libri eiusdem capita 59. 60. De situ Bubastis nulla haecenus dissensio; recenstamen BRYANTVS sitam eam fuisse affirmavit in angulo illo, vbi dirimuntur duo Nili aluej, quorum alter Sebennytico ostio, alter Pelusiaco in mare exit; quae sententia non nisi e

STRA-

q) Vid. CELLARIVS P. III. lib. IV. cap. I, pag. 32.

r) HERODOT lib. II. cap. 59. 60. 67. 137. 158. cet. MELA lib. I. cap. 9. Vulgo Βουβαστος dicitur. Vid. STEPHAN. B. h. v. STRABO lib. XVII. pag. 805. A.

f) HERODOT. lib. II. cap. 137. Conf. OVID. Metam. IX. 690.

t) Vid. GATIERERI Allg. hist. Bibl. Tom. XVI. pag. 47.

STRABONIS loco u), perperam intellecto, diligentius autem a nobis infra excutiendo, (voce Heliopolis) orta videtur. Non recedendum est a D'ANVILLII v) sententia, quae eo quoque stabilitur, quod HERODOTVS lib. II. cap. 154. *Ionum et Carum castra* ad utramque Pelusiaci fluvii ripam paullo infra *Bubastin* et versus mare sita fuisse affirmat. Sita sane fuit *Bubastis* cum nomo cognominis inter nomum Sethroiten et Pharbaetiten, adeoque extra Deltam. (Vid. infra *Heliopolis*.) In literis sacris Ezech. XXX. 17. appellatur מִצְרַיִם. Antiqua *Bubastus* nunc quidem *Basta* dicitur, referente D'ANVILLIO w), qui vrbis antiquae et templi antea commemorati vestigia vix superesse addit.

Mycenphoris, ἡ Μυκενφορις, metropolis *Mycenphoritis Nomi*, HERODOTO praeterita. Nomus erat in insula iuxta *Bubastin* urbem x). Nec

Athribis, ἡ Ἀθριβις y), vrbis memorata HERODOTO; nomi tamen mentio exstat lib. II. cap. 166. Superesse videtur *Athribis* in pago *Atrib*, Canopico flumini ab oriente apposito, inter *Mit-Kamar* et

u) lib. XVII. pag. 805. A.

v) Memoires pag. 106. 107. Geogr. Anc. Abr. Tom. III. p. 19. 20.

w) Geogr. Anc. Abr. l. c.

x) HERODOT lib. II. cap. 166.

y) Varie scribitur. Praeferenda videtur lectio Ἀθριβις quae et in PLINIO lib. V. cap. 10. exstat STEPHANVS BYZ Ἀθριβις. Alii aliter.

et *Mist-Demsis* 2). Situs vr̄bis nec e STRABONE nec e PTOLOMAEO constitui potest. Ille enim sitam esse eam supra *Busirim* et *Cynospolin* simpliciter contendit eo loco a), in quo iustum in recensendis vr̄bibus et oppidis ordinem plane neglexisse dicendus est. Hic b) vero inter *Athribiticum* et *Busiriticum* (*Phatniticum*) fluuium eam cum nomen suo sitam fuisse tradit nobis, nesciis, vtrum *Athribitici* nomine brachium Nili, an fossam, et quodnam brachium aut quamnam fossam significet.

Patumus, ἡ πατουμος, ἡ Ἀραβιη πολις c) HERODOTO teste, fossa e Nilo in sinum Arabicum deducta paullo supra Bubastin vr̄bem d). Iam cum de situ *Bubastis* satis constet (Vid. supra *Bubastis*, et infra *Heliopolis*) vnusquisque primo intuitu facile intelliget, adsentendum esse argumento, quo *Patumum* HERODOTI non diuersam esse ab *Hezeopoli* probare studuit D'ANVILLIVS e). Pro-
vocaui autem ad LXX. *Interpretes*, et *Coptum Interpretem*, quorum illi ἱψῖ Gen. XLV. 10. XLVI. 28. 29. XLVII. 4. transfulerunt Ἡρων πολις, hic vero

2) D'ANVILLE *Memoir*. pag. 104. 105. et *Geogr. Auc. Abr.* Tom. III. p. 19.

a) Lib. XVII. pag. 802.

b) Lib. IV. 5. pag. 262.

c) HERODOT. lib. II. cap. 158. *Patumus* nomen non nisi in HERODOTO et STEPHANO BYZ. legitur. Conf. LARCHER. Tom. VII. pag. 283.

d) ἡνται δὲ (fossa) κατυπερθε ὀλιγον Βουβασιος πολις παρα πατουμον την Ἀραβιην πολιν.

e) *Memoires* pag. 123. 124.

vero *Pethom*. Hic vero non possumus, quin vtrumque iustis rationibus ad illam versionem adductum esse statuamus. Etiam רמס *Raëmses*, quae eadem est ac רמס (vtroque nomine ipsa terra appellabatur in qua sita erat haec vrbs) vertere solent LXX. *Ἡρώων πόλις* et *Coptus*: *Pethom*. Semel vrbs nostra in literis sacris פיתום, *Pitom*, appellatur f).

His subiiciemus HERODOTI de fossa e Nilo in sinum Arabicum deducta, relationem g) quae a Necone, Psammetichi filio, inchoata, a Dario continuata, denique a Ptolemaeo Philadelpho absoluta, perhibetur, quaeque postea Traiani mandato instaurata, *Traianus canalis* appellata est. Ita autem ille; *της (fossa) μήκος μὲν ἐστὶ πλοῦς ἡμέραι τεσσαερες. εὐρὸς δὲ ὠρυχθῆ, ὥς τε τριηρέας δυο πλεῖν ὁμοῦ ἐλασσευμενας. Ἦκται δὲ ἀπὸ τοῦ Νείλου τὸ ὕδωρ ἐς αὐτήν. Ἦκται δὲ κατυπερθε ὀλίγον Βουβασιος πόλιος παρὰ πατούμεον τὴν Ἀραβίην πόλιν. (Hoc nomine insigniebantur omnes Aegypti vrbes a Nilo versus Arabiam sitae Conf. §. XXVII. voce *Cercaforus*.) Ἔσσεχει δὲ ἐς τὴν Ἐρυθρὴν θαλάσσαν. (in sinum maris Erythraei, s. in sinum Arabicum) Ὠρυκται δὲ πρῶτον μὲν τοῦ πεδίου τοῦ Αἰνυπτιοῦ τὰ πρὸς Ἀραβίην ἔχοντα. ἔχεται δὲ κατυπερθε τοῦ πεδίου τὸ κατὰ Μεμφιν τεινὸν ὅρος, ἐν τῷ αὖτε λιθοτομίαι ἐνεῖσι. Τοῦ ὧν δὴ οὖρεος τούτου παρα τὴν ὑπὲρσιν ἦκται ἡ διωρυξὶς ἀπ' ἐσπερης μακρὴ πρὸς τὴν ἡῶν, καὶ ἐπειτα τεινὴ ἐς διασφαλας, φέρουσα ἀπὸ τοῦ οὖρεος πρὸς μεσαμβρίην τε καὶ νοτὸν ἄνεμον, ἐς τὸν κόλπον τοῦ Ἀραβίου. Haecenus HERODOTVS. Atque hinc rela-*

f) SHAW Tom. II. pag. 28.

g) Lib. II. cap. 158.

relationi, vocatis in auxilium peregrinantium narrationibus, conuenienter eius fossae cursum constituit et delineatum exhibuit D'ANVILLIVS. Confudit omnino STRABO *h)* fossam HERODOTEAM cum alia, cuius initium est a *Phaccusa*, et quae prope hodiernum oppidum *Bilbeis*, (in quo D'ANVILLIVM HERODOTI *Pharbaethum* superesse male iudicasse supra vidimus) *Traiano Canali* iungitur. STRABONIS locum ita quidem interpretatur BRYANTVS *i)*, vt congruat cum HERODOTEAM. Sed perperam esse illum, statim profecto intelliges, si probaueris ea, quae de situ *Bubastis* supra disputauimus, et infra de *Heliopolis* situ exposituri sumus. Nititur enim illa laudati loci STRABONIANI interpretatio situ *Bubastis* et *Heliopolis*, in quo constituendo alio STRABONIS loco perperam intellecto adductus nimium a vero aberrauit.

Iam vero ad exponendas reliquas Aegypti inferioris vrbes veniamus.

Buto, η *Bouta*, alia est, quam ea, quae *Buto* lacui adiacebat. Vid. §. XXIX. Nostra, cuius mentio exstat apud HERODOTVM lib. II. cap. 75. a *serpentibus alatis*. singulis annis ex Arabia aduolantibus, qui in loco finitimo *Ibidum* insidiis subiecti sunt, famam sibi conciliauit. De serpentibus istis consulendus est BOCHARTVS *k)*. Etiam apud

F 2

IE-

h) Lib. XVII. pag. 804. C — pag. 805. A.

i) BRYANTI interpretationem in compendium redactam habes in ILL. GATTERERI *Allgemeiner histor Bibl.* Tom. XIV. pag. 51.

k) Hierozoic. P. II. lib. III. cap. 12. pag. 423.

IESAIAM l) חֶרֶם מִצִּיפֹּר, *serpens volucris* in Aegypto occurrit. Superesse videtur oppidum nostrum in hodierno *el-Burib*, cuius situm recte a D'ANVILLIO m) constitutum esse vel e *Numer. XXXIII. 6. 7. coll. Exod. XIII. 20.* evinci poterit n).

Heliopolis, ἡ Ἡλίου πόλις. Duplicem fuisse *Heliopolin*, alteram in Aegypto, alteram a Nilo versus orientem in Arabia, nulli veterum o), recentiorumque Historiorum et Geographorum observatum; quo errore multa turbata sunt in historia antiqua. Primus omnium duplicem *Heliopolin* vidit et distinxit BRYANTVS p), Vir celeberrimus. *Aegyptiacae Heliopolis* saepius meminit HERODOTVS, eamque 1500 stadia a mari q), (h. e. a Sebennytico Nili ostio, Deltam mediam secante) a Thebis vero novem dierum iter, Nilo susceptum, siue

l) Cap. XXX. 6.

m) *Memoires* pag. 119. 120.

n) Conf. et BRYANTVS in *ILL. GATTERERI Allgem. histor. Biblioth.* Tom. XVI. pag. 72. 73. — Recte LXX. INTERPRETES. *Num. XXXIII. 6. 7.* transtulerunt Βουθάν; at *Exod. XIII. 20.* Ὀζωμ.

o) PTOLEMAEVM IV. 5. pag. 263. non de *Heliopoli Arabica* sed de *Aegyptiaca* loqui e situ reliquarum urbium, quas simul enumerat, apparet. Verba haec sunt: ἐν μεθόριω Ἀραβίας καὶ Ἀφροδιτοπόλεως Βαβυλῶν, Ἡλίουπολις, Ἡρώων πόλις, δι' ἧς καὶ Βαβυλωνος πόλεως Τραϊανὸς ποταμὸς ῥεῖ.

p) Vid. *ILL. GATTERERI Allgem. histor. Bibl.* Tom. XIV. p. 43-47. Tom. XVI. p. 34. BRYANTVM sequutus nuper *Larcherius* Tom. VII. p. 171.

q) HERODOT. lib. II. cap. 7. coll. cap. 6.

sive 81. schoenos, s. 4860. stadia *r*) remotam esse tradit; vrbis autem cognominis *Arabicae* ne nomen quidem in toto Auctoris nostri opere occurrit. Inditum esse vrbi nostrae της Ἡλίου πολεως nomen, a Solis templo, quo inclaruit *f*), nemo nescit.

Aegyptiacae Heliopolis situs tuto satis a STRABONE *t*) constitui potest. Ipsa STRABONIS verba haec sunt: Ἡ δὲ ἀρχὴ τῆς διωρυγος τῆς ἐκδιδοῦσης εἰς τὴν Ἐρυθρὰν (suppl. θαλάσσαν h. e. in sinum Arabicum) ἀπὸ κώμης ἀρχεται Φακκουσης (situm est hoc oppidum in regione, quae iuxta Pelusium est) ἢ συνεχῆς ἐστὶ καὶ ἡ Φιλωνος *u*) κώμη. — Οὗτοι δ' οἱ τοποὶ (Phaccusa et Philon s. Phithon) πλησιάζουσι τῇ κορυφῇ τοῦ Δελτα (h. e. sitae sunt versus Deltae verticem. Ita haec vertenda esse, e Phaccusae situ, de quo satis constat intelligitur. Ponitur enim a PTOLEMAEO prope Bubastum, Bubasticae praefecturae metropolin, quam inter Pharaetiten et Sethroiten nomen fuisse habitatum e PLINIO *v*) aliisque scriptoribus compertum habemus Αὐτοῦ δὲ (pro κατὰ τοῦτου δὲ τοῦ τοποῦ h. e. *ibi*) καὶ ἡ Βουβασος πόλις, καὶ ἡ Βούβασιτις νομός· καὶ ὑπὲρ αὐτῶν (scil. supra Bubastum urbem et Bu-

F 3

basti-

r) HERODOT. lib. II. cap. 9.

f) HERODOT. lib. II. cap. 59. 63.

t) lib. XVII. pag. 805. A. B. coll. p. 806. D.

u) Forte cum BRYANTO (Observations and Inquiries pag. 121.) legendum Φιθωνος. Quam emendationem si probaueris, non nimis premedam esse STRABONIS de *Phaccusa prope Phithonem* sita relationem, apparet.

v) Histor. Natur. lib. V. cap. 9.

baſtiten nomum, ſed paullo remotius) ὁ Ἡλιοπολι-
τις νομος. Ἐνταυθα δὲ (in hoc vero nomo) ἔſιν
ἡ τοῦ Ἡλίου πόλις, ἐπὶ χωματος ἀξιολογου κειμένη. —
Προκινται δὲ τοῦ χωματος λιμναι, τὴν ἀναχυſιν ἐκ
τῆς πληſιον διωρυγος ἔχουſαι, Ita poſteriore loco
interpretamur: In hoc vero (ſcil. Heliopolitano)
nomo eſt vrbs Solis, ſita in aggere magno. — Ante
quem aggerem paludes ſunt, in quas profundun-
tur aquae e fluuio finitiμo, (h. e. Sebennytico.)
Ἡſτενους STRABO pag. 805. A. B. Nunc, ſub-
iunctis nonnullis de templis, quo inclauit
Heliopolis, nec non de templorum ſtrutura
vniuerſe, item de aedibus, in quibus Sacerdo-
tes Heliopolitani habitabant, quae omnia pro epi-
ſodio habenda ſunt, pergit denique pag. 806.
D. hunc in modum: Ἐντευθεν δὴ (ab *Heliopoli*)
ὁ Νεῖλος ἔſιν ὁ ὑπὲρ τοῦ Δελτα, τούτου δὴ τα-
μὲν δεξία καλοῦſιν Λιβυην, ἀναπλεοντι· ὡς περ καὶ τα-
περι τὴν Ἀλεξανδρεῖαν, καὶ τὴν Μαρεωτίν· τα δ' ἐν ἀρι-
ſτερά· Ἀραβίαν. Ἡμενοῦν Ἡλίου πόλις (vulgo legi-
tur) ἡ Ἡλιοπολιτις. Intelligi quidem poſſet γὴ pro
nomo modo ſcribendum Ἡλιοπολιτις. Sed urbem
Heliopolin h. l. commemoratam fuiſſe vel inde ap-
parere videtur, quod opponitur vrbs Cerceſura.)
ἐν τῇ Ἀραβίᾳ ἔſιν ἐν δετῇ Λιβυῇ Κερκεſουρα πόλις
κατὰ τὰς Εὐδοξοῦ ſκοπας. Ex quibus cum ſolis lumine
clarius perſpiciatur, *Heliopolin* et extra Deltam et
Nilo ab oriente oppoſitam fuiſſe, nequicquam to-
tum in eo eſſe BRYANTVM ω), qui demonſtret,
Heliopolin in ipſo Deltae vertice, e regione Cer-
caſori fuiſſe ſitam, quis non videat?

In

In *litteris sacris* duplex occurrit vrbis nostrae nomen, נַיִן Gen. XLI. 45. Ezech. XXX. 17. et כִּיֵּת שֶׁמֶשׁ, Jerem. XLIII, 13., vtrumque per Ἡλιουπολιν LXX. interpretati sunt. Ipsa olim celeberrima vrbis, quae nunc *Ain-Schemes* h. e. *fons solis* appellatur, in ruderibus est α).

Superest, vt in *Aegypti inferioris* descriptione de nomis, vrbibus oppidisque, quorum situs incertus est, paucissima subiungamus.

Aphthites nomus δ'Αφθιτης νομος γ), LARCHERIO z) inter Bubastin et Tanin situs fuisse videtur. Vrbis *Aphthitis* HERODOTVS non meminit.

Anyfis, η 'Ανυσις, (HERODOT. lib. II. cap. 137.) quae nomo Anyfio, cuius metropolis erat, nomen dedit. Nomi memoriam seruauit nobis HERODOTVS lib. II. cap. 166. ipsius autem vrbis antiquissima memoria exstat in his JESAIÆ XXX. 4. וְיָגִיעוּ יְגִיעָהּ וְיִלְכְּדוּהָ וְיִשְׂרָאֵל יִגְדֹּל, et *legati eius Chanes* h. e. Anyfin attigerunt a).

Erythra Bolus, η 'Ερυθρη βωλος, h. e. *rubra gleba* oppidum fuit, a Pherone rege flammis abole-

F 4

le-

α) Vid. ABULFEDAE descriptio Aegypti p. 34. Conf. III. MICHAELIS not. 275. seqq. p. 125. seqq. D'ANVILLE Memoires p. 114. Geogr. Anc. Abr. Tom. III. p. 22.

γ) HERODOT. lib. II. cap. 166.

z) Tom. VII. hac voce.

a) Conf. VITRINGA ad *Jes.* Tom. II. pag. 168. Pessime LXX. illum locum interpretati sunt.

letum *b*). Qui in DIODORO occurrit pagus, Ἰερα Βαλος appellatus, idem est ac *Erythra Bolus* HERODOTI. Suspicio tamen in DIODORO acque ac in HERODOTO legendum esse Ἐρυθρη.

Papremis, ἡ παπρημῖς, Marti sacra, cui singulis annis festum celebrabant *c*). Ab hac vrbe *Papremitis nomus*, ὁ παπρημιτῆς νομος dictus, cuius et ipse HERODOTVS meminit *d*). Inter omnes Aegyptio non nisi apud huius praefecturae ciues *Hippopotamorum* (τῶν ἵππων τῶν ποταμιῶν) cultus erat et veneratio *e*). Ceterum D'ANVILLIVS *f*) minime adsentitur SICARDO, qui urbem nostram in pago *Ephrim*, qui est ad lacum Mareotidem, fuisse autumat.

De *Thebaio* nomo et *Chemmite* supra exposuimus.

II.

b) HERODOT. lib. II. cap. III.

c) HERODOT. lib. II. cap. 59. 63. 64. Conf. STEPH. B. voce παπρημῖς.

d) HERODOT. l. c. cap. 71. 165.

e) l. c. cap. 71. Habes ibidem descriptionem *Hippopotami* Conf. DIODOR SIC. lib. I. p. 31. 32. (p. 22. B, C.)

f) Memoires pag. 73.

II. AEGYPTI SUPERIORIS DESCRIPTIO.

§. XXXII.

I. *Heptanomis.*

Memphis urbs; *Mons*; *Pyramides*; *Lacus*: *Labyrinthus*; *Reliquae urbes*; *Oasis magna*
Heptanomidi adscripta.

Memphis, η Μεμφίς, saepius HERODOTO memorata a). Sita erat a Nilo in occidentem, et quidem in ea Aegypti regione, quae angustissima, natura vero et arte mirum in modum erat munita. Scilicet ab oriente Nilum, a meridie aggerem habuisse perhibetur, ab ipso urbis conditore aggestum a septentrione vero et ab occidente lacum ingentem effodi idem curavit *).

In constituendo *Memphis* situ, de quo post tot veterum aequae ac recentiorum relationes res dudum expedita est, ab utrisque recedit D'ANVILLIVS b). *Memphin* enim, adeoque omnia Aegypti loca supra *Memphin* sita, iusto magis versus meridiem posuit. Verum eius sententiam, et argumenta, quibus ea nititur, probe refutavit GATTERERVS, Vir celeberrimus c). Aberat a Deltae vertice, tribus schoenis, referente STRABO-

E 5

NE

a) v. c. lib. II. cap. 3-97. 99.

*) Vid. HERODOT. lib. II. cap. 99. Conf. DIODOR lib. I. pag. 47. (p. 32. D.).

b) Memoires sur l'Egypte pag. 142.

c) Vid. Eius allgemeine historische Bibliothek, Tom. XI. p. 71. seqq. coll. p. 80, 81.

NE *d*), siue, vt cum PLINIO *e*) loquamur, 15000 passuum. PLINIVS sequutus sane in his ERATOSTHENIS rationem secundum quam Schoenus non nisi 40 stadiis patet *f*).

De conditore vrbs mira veterum auctorum discrepantia. Quae tamen cum leuioris momenti sit, *Menem* ab HERODOTO *g*) eius auctorem perhiberi, monuisse sufficiat.

Ob illam ipsam, cuius paullo ante mentionem inieci, securitatem insignem, vrbi nostrae a conditore conciliatam, tum ob ipsius magnitudinem, denique ob situs opportunitatem, plerique eorum, qui post vrbs conditorem Aegyptiis imperarunt, aulam eo transfulerunt. Primis enim temporibus Thebas regiae sedem habuerunt Aegyptiorum principes.

Quae in *litteris sacris* נַחַל, JES. XIX. 13. JEREM. II. 16. et מִצְרַיִם, Hos. IX. 6. (legendum et hoc loco videtur נַחַל) dicitur vrbs, ea apud LXX. INTERPRETES Μεμφοως nomine venit *h*). — Arabes Aegypti metropolin, quaecunque demum ea sit, aut fuerit, nunquam non totius Aegypti, nomine, apud ipsos usitato, *Misr* vocant. Hinc
Mem-

d) Lib. XVII. pag. 807. B.

e) Histor. Natur. lib. V. cap. 9.

f) l. c. lib. XII. cap. 14.

g) lib. II. cap. 99.

h) Vid. III. MICHAELIS ad ABULFED. not. 214. pag. 102.

Memphis ipsis nostra aetate *prisca Misr* audit i). Verum pro *Misr* seu *Mesr* Aegyptii, referentibus Geographis Arabicis, olim dixerunt *Mens*, quae vox a Graecis in *Μεμφίς* mutata traditur k).

Iam vero ad HERODOTVM ipsum redeamus et, quae memoratu digna in *Memphi* ipsi commemorata sunt, qua fieri potest brevitate subiungamus.

Splendidissimum in vrbe hac celeberrima fuit *templum* idque *Vulcano dicatum* l), quod a Mene inchoatum plures postea reges exornare studuerunt. Vestibula borealia Moeris construxit m), occidentalia Rhampsinitus n), orientalia, HERODOTO prae ceteris a magnitudine et magnificentia laudata, Asychis o), ea denique, quae versus meridiem spectant, Psammetichus, ex quo toti Aegypti solus imperare coeperat p). Sed Psammetichum orientalia exstruxisse vestibula, quae Asychi tribuit HERODOTVS, auctor est DIODORVS SICVLVS q). De *Colosso supino* ante Vulcani tem-

i) ABULFEDAE descript. Aegypti pag. 28. et III. MICHAELIS ad h. l. not. 241. pag. 113.

k) D'HERBELOT. pag. 261. a, pag. 759. b.

l) HERODOT. lib. II. cap. 3. 99.

m) HERODOT. lib. II. cap. 99. 101. Conf. DIODOR lib. I. p. 47. (p. 33. C.).

n) HERODOT. I. c. cap. 121.

o) JD. lib. laud. cap. 136.

p) I. c. cap. 153.

q) Lib. I. pag. 60. 61. (p. 42. D.).

templum, eoque Amasis opere, legatur ipsa HERODOTI relatio lib. II, cap. 176. — Apidem divino honore prosequabantur Memphitae, eumque in septo quodam alebant r).

E regione templi, Vulcano dicati, de quo haecenus exposuimus, et quidem versus meridiem erat

Τεμενος καρτα καλον και ευ εσκευασμενον, cum sacello *Veneris hospitae*, cuius auctor perhibetur Proteus s). *Veneris hospitae* nomine intelligit HERODOTVS t) Helenam, Tyndari filiam, rationes subiungens satis idoneas, ita, vt nos quoque huic sententiae calculum qualemcunque nostrum addicere nulli dubitemus. Commemoratur praeterea HERODOTO *Cabirum*, in vrbe nostra templum, quod, vt reliqua omnia, quae in ea erant, Cambysem profanasse, pleraque adeo impia manu diruisse, memoriae proditum legimus apud Auctorem nostrum lib. III. cap. 37.

Circa *facellum Veneri hospitae* dicatum, cuius fecimus mentionem, habitabant

Phoenices ex Tyra, Φοινικες Τυριοι, (HERODOT. lib. II. cap. 112. Conf. §. XXVI.) adeoque omnis haec vrbis pars

Ty-

r) HERODOT. lib. II. cap. 153. Vid. et STRABO lib. XVII. p. 807. B. C.

s) HERODOT. I. c. cap. I. 12.

t) I. c.

Tyriorum castra, των Τυριων στρατοπεδον u), dicebatur. HERODOT. I. c. Horum *Phoenicum Tyro oriundorum* nomine veniunt mercenarii illi milites, qui auxilio fuerant Psammeticho, vt ad vnum hunc summa rerum in Aegypto deuolueretur. His *Phoenicibus* praeter stipendium promissum dona eximia Psammetichus distribuit, και τα καλουμενα στρατοπεδα τοπον οικειν εδωκε, και χωραν πολλην κατεκληρουχησε, μικρον επανο του Πηλουσιακου στρατους, ους εντευθεν Αμασις υπερον πολλοις ετεσι, βασιλευσας ανεστησε και κατωκισεν εις Μεμφιν (et locum castrorum inde nomen adeptum, agris insuper multis sorte attributis; paululum supra osium Pelusiacum inhabitandum concessit. Quos Amasis multos post annos regnans inde summos Memphin transfudit). Vid. DIODOR. Sic. lib. I, pag. 61. (p. 42. D.) Conf. §. XXVI.

Nec silentio transmittenda est alia vrbis pars cum Persarum praesidio. Ea autem HERODOTO lib, III, cap. 91. dicitur

Leucon Teichos, το Λευκόν Τείχος. Πέρσαι, inquit HERODOTVS, και η των επικουροι εν τω Λευκω Τείχει τω εν Μεμφι κατοικημενοι.

A *Memphi* versus occidentem memoratur HERODOTO lib. II. cap, 99. το ορος ψαμμινον, *Psammius mons*.

Ab

- u) *Tyriorum castris* familia Iudaeorum castra in Augustamnica, Aegypti prouincia (Notit Imper. Orient. pag. 204.) siue στρατοπεδον Ιουδαιων IOSEPHI Antiquit XIV. 8, 2. Conf. WESSFLINGVS ad HERODOT. lib. II, cap. 112.

Ab eadem vrbe septemtrionem versus conspiciuntur hodieque *Pyramides*, inter septem clarissima orbis opera numerari solitae. Multa de iis, earumque auctoribus in HERODOTO lib. II. cap. 8. 101 124. seqq. 134. 136. 148. 149. occurrunt, quae loca noscendi cupidus ipse adeat rogamus. Potius omnino de Pyramidibus filere animus est, cum paucis comprehendi nequeant, quae cum ex veterum v) tum ex recentiorum w) de iis relationibus nobis innotescunt, eaque singula singularibus scriptis dudum excussa sint et pertractata. Verum de situ earum, a diuersis auctoribus diuersa ratione constituto, tenendum est, temere agere eos, qui earum a Memphi distantiam a DIODORO STRABONE et PLINIO diuersa ratione constitutam, conciliare student. Laudandi potius sunt ii, qui illos scriptores non eundem terminum in animo habuisse statuunt x).

De *Moeridis lacu* memoratu dignissima supra attigimus §. XXIV.

Laby-

v) Praeter HERODOTI loca, iam laudata, videlicet DIODORVM lib. I. pag. 57. (p. 39. D.) STRABONEM lib. XVII. pag. 807. B. pag. 868. A. pag. 811. C. PLINIVM Hist. Nat. lib. XXXVI. cap. 12. 13.

w) SHAW. Tom. II. pag. 144. seqq. NORDEN VOYAGE d'*Egypte et de-Nubie* Tom. I. pag. 73-88. SAVARY *Lettres sur l'Egypte* T. I. p. 184-247. Conf. III. GATTERER *Allgemeine Weltgeschichte* Tom. I. pag. 473-499.

x) De situ Pyramidarum legenda sunt ea, quae contra D'ANVILLIVM monuit III. GATTERER in *Allgem. histor., Bibl.* Tom. XI. pag. 74. seqq.

Iuxta *Crocodilorum urbem y)*, sive *Arfinoem* erat

Labyrinthus, ὁ Λαβυρινθος. Exstruxerunt eum duodecim illi reges, qui vno quondam eodemque tempore Aegypto imperarunt z). Erant in eo duodecim aulae, tecto opertae, portis altrinsecus oppositis, et 3000 domicilia, 1500 subterraneā, totidemque superiora. (του γαρ scil. *Labyrinthi*, δυωδεκα μὲν εἰσι αἵλαι καταστροφαί, ἀντιπύλοι ἀλλήλησι. — οἰκηματα δ' ἐνέσι διπλά, τὰ μὲν, ὑπογαῖα, τὰ δὲ, μετεωρὰ, ἐπ' ἐκείνοισι, τρισχίλια, ἀριθμὸν πεντακοσίων καὶ χιλίων ἑκατέρωθεν.) Quorum domiciliorum subterranea intrare nefas credebatur, quoniam in iis *Labyrinthi* Auctores et sacri *Crocodili* repositi erant a). Plura de *Labyrinthis* ex HERODOTO transscribere nolumus, ne brevitatis limites consulto transgredi videamur. Quid? quod haecenus de *Labyrinthis* commemoratis ne verbum quidem subiiceremus, nisi HERODOTVM b) et STRABONEM c) non de eodem *Labyrinthis* loqui putaret doctissimus. D' ANVILLIVS d). Scilicet *Labyrinthum* HERODOTEVM Heracleopolitano nomo adscripsit, eumque posuit prope septentrionalem terminum canalis, qui nunc quidem *Bathen* appellatur e). Fieri autem non poterat, quin ibi fingeret *Labyrinthum* D'ANVILLIVS, cum persuasum sibi haberet, HERODOTVM

et

y) HERODOT. lib. II. cap. 148. 149.

z) Vid. IDEM lib. II. cap. 147. 148.

a) Videat. IDEM. l. c. cap. 148.

b) l. c.

c) Lib. XVII. pag. 811.

d) Memoires pag. 159. seqq.

e) l. c. p. 165. seqq.

et DIODORVM Moeridis paludis nomine indicare canalem *Bathen*. Conf. §. XXIV. Praeterea accurate conferentia, quae HERODOTVS et STRABO locis laudatis de *Labyrintho* memoriae prodiderunt, facile apparebit, vtrumque de eodem *Labyrintho* loqui; modo obserues, HERODOTVM eius situm describere, qualis est a septentrione versus meridiem, STRABONEM vero, quatenus ille ab oriente versus occidentem porrigitur. Arabes nostrae aetatis *Labyrinthum Kasr Karoan* h. e. *arcem Charonis* appellant f). — Quod reliquum est, opera quam *Pyramidibus* exstruendis et *Labyrintho* impenderunt Aegyptii, perennem sui memoriam ad omnem posteritatem transmiserunt, et, quotquot antiquiorum et recentiorum Aegyptum adierunt, in stuporem verterunt omnes g).

Sequitur, vt in *Heptanomidis descriptione* vrbes subiiciamus, quarum ab HERODOTO iniecta est mentio.

Crocodilorum vrbs, ἡ Κροκοδείλων πόλις, quae postea *Arsinoe* h), sita erat paullo supra Moeridis lacum, *Labyrintho* autem finitima erat i). Condidit eam Menes, qui primus Aegypti rex perhibetur,

f) POCOCKE *Beschreib. des Morgenl.* T. I. pag. 97.

g) De LABYRINTHO fusius exponit. LARCHÉRIUS Tom. II. pag. 472. seqq. — Veterum et recentiorum de eo narrationes excussit et pertractavit III. GATTERER *Allgem. Weltgesch.* T. I. pag. 499 - 508.

h) STRABO lib. XVII. pag. 811. D.

i) HERODOT. lib. II. cap. 148.

tur, teste DIODORO *k*), causam subiungente, qua ad eam condendam adduci se passus sit Menes. Hac in vrbe *Crocodilus* colebatur, quem Aegyptiorum plerosque maiorem in modum persequutos esse narratum accepimus *l*). Haud longe a *Feio Crocodilorum urbis* rudera supersunt in loco, *Medinet — Fars* h. e. *vrbs Persarum* dicto *m*).

Hermopolis, ἡ Ἐρμεω πόλις, *n*), h. e. *Mercurii ciuitas* *o*). Verba HERODOTI, in quibus huius urbis mentio sit, lib. II. cap. 67. obuia: τὰς δὲ Ἰβίς ἐς Ἐρμεω πόλιν, scribarum aberrans oculus praeteriuerat; a WESSELINGIO tamen ex Codd. quibusdam restituta sunt. Duae huius nominis Veteribus memorantur Aegypti vrbes, magnitudine diuersae, vnde et altera *Hermopolis parua*, altera *magna* appellatur. *Parua* erat in regione Aegypti inferioris occidentali, quae est extra Deltam, hancque D'ANVILLIVS *p*) eandem credit, quae nostro aeuo *Damanhur* dicitur; at ILL. MICHAELIS *q*) haud sine omni veri specie *Hermopolin parua* eam urbem putat, quae *Menelai* nomine priscis auctoribus venit. Haec vero obiter dicta sunt; *Hermopolis* enim *parua* apud HERODOTVM intelligi

k) Lib. I. pag. 80. (pag. 56. C.)

l) HERODOT. lib. II. cēp. 69, STRABO I. XVII. pag. 817. A.

m) D'ANVILLE Memoires pag. 167.

n) HERODOT. lib. II. cap. 67.

o) PLINII Hist. Nat. lib. V. cap. 9.

p) Memoires pag. 70.

q) Ad ABULFEDAM not. 82. pag. 43. seqq.

ligi non posse videtur. Potius de *Hermopoli magna* cogitandum, quae fuit in *Heptanomide* inter Nilum et Canalem Iosephi, cum propter *Ibii* seu *Ibiu* mansionem, 24. milliariis ab illa seiunctam r), tum, quoniam *Ibis* Mercurio sacra fuisse perhibetur. *Hermopolin* nostram hodieque superesse in pago *Aschmunein*, refert SICARDVS, testis oculatus f).

Superest, vt de *Oasi magna*, *Heptanomidi* adscripta, exponamus, Haec vero

Oasis, η 'Οασις, diserte HERODOTO et πολίς et χωρος dicitur, a *Samiis* ex *Aeschrionea* tribu oriundis (§. XXVI.) habitata, eaque a Thebis septem dierum iter distare, regio autem, quae est inter

r) Vid. *Itinerarium ANTONINI* pag. 157.

s) Vid. *Memoires des Missions de la Compagnie de Iesus* Tom. II. pag. 208 - 216. pag. 260 - 262. Add. ILL. MICHAELIS ad ABULFEDAM not. 222. et 225. D'ANVILLE *Memoires* pag. 70. et eiusdem *Geogr. Anc. Abr.* Tom. III. pag. 29. — Non erroris accusandi sunt, qui cum AMMIANO MARCELL. lib. XXII. cap. 16. *Hermopolin magnam* ad Thebaidem reuocant. *Heptanomis* enim et Thebais saepius vno Thebaidis nomine comprehenduntur. Suspiciatur ILL. MICHAELIS, (ad Abulfedam pag. 105. et Spicilieg. *Geogr. Hebraeor.* exterae post BOCHARTVM Tom. I. pag. 475.) *Aschmunein* superioris Aegypti eandem regionem esse, quae hebraice *עִשְׁמֻנַיִם* vocatur, atque vt remotioris Aegypti, verum aliquando Deum adoraturae describitur Ps. LXXIII. 32.

inter vtramque urbem, omnino arenosa perhibetur t). STRABO u) tres Oases esse tradit, duas PTOLEMAEVS v), parvam et magnam. Magnam innuere HERODOTVM dubio caret. Prope hanc referente eodem w) Cambyſis exercitus, adversus Ammonios proficiſcens, dum prandium caperet arena obrutus periit x).

Ceterum non eſt, quod in nomine *Beatorum insularum*, των Μακκρων νησων y), quo Oasin illam inſigniuit HERÓDOTVS, haereamus. Haec enim regio, licet vndique aliquot dierum iter arenarum ſolitudine circumdata eſſet, ipſa tamen aqua, vino,

G 2

cete-

t) HERODOT. lib. III. cap. 26.

u) Lib. XVII. pag. 791. A.

v) Lib. IV. 5. pag. 260.

w) HERODOT. l. c.

x) Haud aliter IUSTINVS lib. I. cap. 9. *Ad Ammonis nobiliſſimum templum expugnandum exercitum mittit* (Cambyſes): *qui tempeſtatibus et arenarum molibus oppreſſus interiit.*

y) Conf. EVSTATHIUS ad HOM. Od. d. 563. pag. 1509. Add. ILL. HEYNI Opuscul. Vol. I. pag. 396. Appellatio inſulae, quam Oaſi tribuit HERODOTVS STRABONIS loco, qui lib. XVII. pag. 791. A. illuſtratur. Άνασεις, inquit, οι Αιγυπτιοι καλουναι τας οίκουμενας χωρας, περιεχομενας κυλων μεγαλαις ερημιας, ως αν νησους πελαγίας, *Anases Aegyptii vocant habitatas, circumdatas circumcirca magnis desertis, quasi insulas pelagicas.* De origine nominis vid. et BOCHARIUS Phaleg. lib. IV. cap. 29. p. 320. D. E. Add. IOHNS LUDOLFFS in Comment. ad Hist. suam Aethiopicam pag. 50. seq.

ceterisque rebus ad vitam sustentandam necessariis abundabat 2). Accuratiorē Oasis nostrae descriptionem debemus Viro docto DV ROULE a). Omnis regio hodie *el-Ouah* s. *al-Wah* appellatur b).

§. XXXIII.

2. Thebaidis descriptio.

Nomen; Fines; Urbes; Oppida; Insula.

Accedimus tandem in descriptione Aegypti Herodoteae ad Thebaidem, quae ab Heptanomide incipiens ad Aethiopiae fines porrigitur, patet autem Thebais circuitu 6120. stad. HERODOT. lib. II. cap. 15. Thebaidis nomen lib. II. cap. 28 et cap. 91. occurrit; at lib. II. cap. 42. non Thebais, sed Thebaicus nomus intelligi debet. Thebais semel etiam apud HERODOT. (lib. II. c. 15.) Thebae Θηβαι, dicitur, quo nomine omnem adeo Aegyptum quondam venisse, ex eodem loco intelligitur.

Urbes Thebaidis, HERODOTO memoratae, hae sunt:

Chemmis, ἡ χεμμίς, (quae Κεμμίς Hesychio dicitur) magna Thebaidis urbs prope Neapolin (ἐν γυε

2) STRABO l. c. Conf. CELLARII Not. Orb. Ant. P. III. lib. IV. cap. 1. p. 68 - 70.

a) D'ANVILLE Memoires pag. 187.

b) l. c.

γυς Νεης πολιος α) h. e. *nouam urbem* templum ha-
huit Persei, Danaes filii; HERODOT. lib. II. cap.
91. sita autem erat inter Aphroditopolin et Ptole-
main, teste STRABONE lib. XVII. pag. 814. B.
Appellabatur etiam *Panopolis*, ἡ Πανος πολιος, a
Pane, pastorum numine, quem socium Osiris ha-
buisset, cum in Aethiopes expeditionem fa-
ceret. Namque, DIODORO teste, β) non solum
in honorem Panis, quem in primis venerabantur
Aegyptii, multa simulacra in quouis templo ponere
solebant, sed etiam in eius honorem *Chemmin*,
urbem in Thebaide, condiderunt, quod interpre-
tantur *Panis urbem*. Nunc appellatur *Echmim* s.
Echmin, siue *Achmim* seu *Ichmim* c).

Neapolis, ἡ Νεη πολιος, h. e. *noua urbs*, ab
HERODOTO d) prope Chemmin et Thebaicum
nomum ponitur. Facile credimus, urbem nostram
eandem esse, quae PTOLEMAEO καينه πολιος,
noua urbs, audit; monuit tamen D'ANVILLIVS e),
Caeneopolin seu *Neapolin* 70. milliariis Roma-
nis abesse a Chemmi. Conf. not. a). Nunc pagus

G 3

est

- a) In his verbis cum CELLARIO anxie haerendum
non est, qui dubitauit, an *Chemmis* et *Panopo-
lis* eiusdem urbis nomina sint, cum longius hinc
distare *Neapolin* certum sit.
- b) *Diodor.* lib. I. pag. 16. (p. II. A.)
- c) ANVILLE *Memoires* pag. 191 - 193. LABLON-
SKI *Panth. Aegypt.* lib. II 7, 204. Conf. WES-
SELING. ad HERODOTVM lib. II. cap. 91. Add.
ABULFEDAE descriptio Aegypti pag. 17. et III.
MICHAELIS ad *Abulf.* not. 165.
- d) lib. II. cap. 91.
- e) *Memoires sur l'Egypte* pag. 196.

est, et dicitur *Kene*, eodem teste l. c.; à LEONE AFRICANO *Cancha* appellatur f).

Thebae, αἱ Θηβαι, saepius memorantur HERODOTO g). Aberat celeberrima haec vrbs ab Heliopoli novem dierum nauigatione seu 4860. stadiis, ab Elephantine 820. stadiis h). Templi Iouis Thebaici, et oraculi eius celeberrimi, quod *Thebis* fuit, lib. II. cap. 42. 54. 58. aliisque in locis ab *Auctore nostro* iniecta est mentio.

Thebae, quae et *Diospolis* i) (ἡ Διὸς πόλις, *Iouis vrbs*) magna dicuntur, non nomi Thebaici solum, sed adeo omnis Thebaïdis primaria vrbs erat. Memoriae proditum legimus apud DIODORVM, veteres auctores et de tempore, quo condita sit vrbs nostra et de eius conditore, item de antiquissimo

f) pag. 719. 720. Add. NIEBUHR. Tom. I. pag. 64.

g) lib. II. cap. 3. 9. cet.

h) HERODOT. lib. II. cap. 9.

i) Haud raro Aegyptii oppida sua ab iis, quos diuino honore prosequiebantur, appellarunt, quod interpretati sunt, quasi ab ipsis numinibus oppida condita essent. τῆς πασης δίκουμένης κατὰ μὲν τὴν Αἴγυπτον εἶναι πόλεις πολλὰς ὑπὸ τῶν ἀρχαίων θεῶν ἐκτισμένας, οἷόν Διός, Ἡλίου, Ἑρμοῦ, Ἀπολλωνος, Πάνος, Ἐὐληθείας, ἄλλων πλείονων, h. e. interrarum orbe in sola Aegypto ab antiquis diis dicuntur plurima oppida esse condita, utpote ab Ioue, Sole, Mercurio, Apolline, Pane, Lucina et multis aliis. EUSEBIUS in praepar. evang. lib. III. cap. 3. Simili modo aliae vrbes apud Aegyptios ex animalium vocabulis nuncupantur. Vid. HIERONYMVS aduersus IOVINIAN. lib. II. cap. 6.

mo eius nomine *k)* disceptare. Alios quidem tradere conditam eam ab Osiride huncque matris suae nomen ei indidisse, alios affirmare, Busiridem secundum multis annis post eam condidisse posteros vero insequuta aetate a templo in honorem Iouis hac in urbe exstructo, eam et DIOSPOLIN et THEBAS appellasse *l)*. Veterum *Thebarum* magna vestigia vidit Germanicus *m)*. Earum ruinae hodieque cernuntur in utraque Nili ripa. Quae orientali Nili ripae adiacent, a peregrinantibus appellantur *Luxor*, rectius *Akfor* seu *Akforein*; postea *Carriak* et *Madamut* dici coeperunt. Occidentalia *Thebarum* rudera vocantur *Korna* et *Medinet Habu*. Regum Thebanorum sepulcra hodie nomine *Biban-el-Moluk* veniunt *n)*, Anti-

G 4

quas

k) Antiquissimum *Thebarum* nomen fuit forte *Tritonis* quo venit apud APOLLONIUM. IV. 260. Ita autem vocabatur, quoniam Nilo adiacebat, qui et *Triton* dicebatur.

l) Vid. DIODOR. lib. I. pag. 14. (p. 9. C. D.) coll. pag. 42. (p. 29. D.) MARMOL. Tom. III. pag. 280. *Thebarum* nomine cum haud paucas urbes prisco aeuo insignitas fuisse videamus, idem inter appellatiua nomina referendum videtur. Teste enim VARRONE (de re rustica, lib. 3. cap. 1.) vocula *Tebe* apud Aeoles in Boeotia et apud Sabinos, a Pelasgis oriundos, significat *locum editum*. et, si RELANDO (Palaestina pag. 1033.) credimus, urbs Coptica lingua *Thbaki* dicitur. Satis quidem constat, urbem nostram in loco edito non fuisse sitam: sed ob magnitudinem et ambitum *altae urbis*, et *urbis xar' ἐξοχην* nomina in eam quadrare, quisquam facile intelliget.

m) TACIT. Annal. lib. II. cap. 60.

n) Ji omnino erant recentioris temporis scriptores, V. C. D'HERBELOTIUS pag. 274. a. ut peregri-

quas Thebas, quae in his ruderibus supersunt, suo aevo non amplius quam trecentas familias numerare, pulcherrimis alioqui ornatas esse aedificiis, affirmat LEO AFRICANVS pag. 681. Veterum de ambitu Thebarum sententias mirum quantum! discrepare inter omnes constat. Gordium hunc nodum dissecat D'ANVILLIUS o), sed ILL. GATTERER p) eum soluit et expedit. Antiqui scriptores, qui ambitus Thebarum mentionem faciunt, DIODORVS, CATO apud STEPHANVM BYZANTINVM, STRABO et EVSTATHIUS diuersa tempora respexisse dicendi sunt. Aliis enim temporibus alius fuit *Thebarum* ambitus. Haud dubie et hic locum habet, quod saepissime in antiquis auctoribus locum habere deprehendimus, ut veterum amanuensium culpa numeri interpolati sint. Lege etiam, quae de *Thebis* exposuimus in *Geographia HOMERI* §. CXLI. pag. 157. 158.

Ques

regrinatores taceam, qui *Thebas* non diuersas esse crediderunt a *Kous* nostrae aetatis. Negat idem celeberrimus GATTERER in Allgem. histor. Bibliothek Tom. XI. pag. 40. — In literis sacris *Thebae* dicuntur תְּבַיִם de quo nomine conf. BOGHART. Phaleg. lib. 1. cap. 1. pag. 6. 7. Varia Thebarum nomina antiquiora et recentiora recensent D'ANVILLIUS Memoires pag. 198. seq. et ILL. MICHAELIS ad ABULFEDAE Aegypti descript. not. 176. pag. 86. et ad Nahum III. 8.

o) Memoires pag. 20.

p) Allgemeine historische Bibliothek, Tom. XI. pag. 95-97.

Oves et crocodili a Thebanis sacri credebantur non nisi capras immolare fas habebatur q). De ariete singulis annis Thebis mactari solito vid. HERODOTVS lib. II. cap. 42.

Plammenito rege Thebis semel pluit guttis, quod *φασμα μέγιστον* prodigium maximum in Aegypto declarat HERODOTVS, diserte negans, Thebanorum nifus auctoritate et testimonio, nec ante Plammenitum nec post eum ad suam usque aetatem pluuiam guttatim unquam super Aegyptum superiorem effusam esse r). Hybernis mensibus in Aegypto pluere, rarissime quidem in superiore, saepius tamen in inferiore, affirmat IOBVS LVDOLFVS s), irridens veteres auctores, qui pluviae omnino expertam esse Aegyptum tradunt. Addit tamen, talem pluuiam intelligendam non esse, quae plantis vel segetibus sufficiat.

Syene, ἡ Συήνη, vrbs Thebaidis, haud longe ab Elephantine dissita t). Addit PLINIVS u), Syenem etiam esse peninsulam. Verba eius haec sunt: *ditionis Aegypti esse incipit a fine Aethiopiae Syene v): ita vocatur peninsula mille passuum ambitu,*

G 5

in

q) HERODOT. lib. II. cap. 42. 69.

r) HERODOT. lib. III. cap. 10. Cf. DIODOR. I. pag. 38. (pag. 27. B.)

s) in commentar. ad Histor. suam Aethiop. pag. 125.

t) HERODOT. lib. II. cap. 28.

u) Hist. Nat. lib. V. cap. 9.

v) Terminus Aegypti ab HERODOTO non *Syene* dicitur sed *Elephantine* lib. II. cap. 17.

in qua castra sunt *w*), latere Arabiae. Syene Oppidum ipsi lib. II. cap. 73. memoratum. In *Syena* puteus esse dicitur, solstitii aestivi index, quia tropico circulo haec loca subiacent, ut, sole circa Cancri principium versante, nulla in meridie umbra habeatur et gnomones herologici sine umbra sint *x*).

Inter Syenem et Elephantinem duo HERODOTO memorati montes, *Crophi* et *Mophi*, e quorum medio Nili fontes oriri Saita quidam *ieroγραμματος* falso persuasum sibi habuit *y*).

Ceterum *Syene urbs* nunc appellatur *Affouan* rectius *Affuan* *z*) quam cave ne cum *Asna* confundas, idquod fecisse deprehenditur GRAMAYE *a*). *Affouan* et *Asna* satis distinguunt DE LA CROIX *b*)

LEO

w) Illustrantur haec ex STRABONIS lib. XVII. pag. 817. D. *Ενταυθα*, inquit Strabo, *τρεις σπειραι Ρωμαίων ιδρυμεναι Φρουρας χαριν*, ibi tres cohortes Romanorum collocatae erant custodiae causa.

x) STRABO lib. II. pag. 95. A. lib. XVII. pag. 817. c. PAVSAN. lib. VIII. c. 38. EVSTATH. ad Dionys. v. 223. PLINII Hist. Nat. lib. II. cap. 73. LVCAN. lib. II. 587.

y) HERODOT. lib. II. cap. 28. Cf. *Wesseling*, ad *Herodot.* I. c.

z) D'HERBELOT pag. 579. b. pag. 580. b. MARMOL Tom. III. p. 300. D'ANVILLE memoirs pag. 214. et Geogr. Anc. Abr. Tom. III. pag. 37. Conf. de *Syene* ILL. MICHAELIS ad ABULFED. not. 199. pag. 97.

a) Africa illustrata pag. 3.

b) Tom. I. pag. 178. 179.

LEO AFRICANVS c), DAPPERVS (p. 109. a.)
aliique. Aethiopibus Syene dicitur GVAGERE. d).

Elephantine, η Ελεφαντινη πολις e), distans a
Tbebis 820. stadiis f), sita erat in insula Nili eius-
dem nominis. Terminus Aegypti una cum *Cata-
racte* (et quidem *minori*) declaratur ab HERO-
DOTO lib. II. cap. 17. nam *Cataractes maior*
supra hunc est in Aethiopia. Nostra aetate *Gezi-
ret el Say* dicitur g). In vrbe *Ichthyophagi* h)
habitabant, qui linguae Aethiopicae cognitione
imbuti erant i).

Duodecim schoenorum navigatione supra Ele-
phantinem k), memoratur adhuc ab HERODOTO.

Tachompsa, η Ταχομψα, quae ipsi Nili insula
audit, cuius partem alteram (et quidem septentri-
onalem) Aegyptii, alteram (meridionalem) Ae-
thiopes tenere dicuntur. Meminit etiam paludis
ingentis prope *Tachompsa* et circum eam Aethio-
pum Nomadum habitacula ponit; ipsam autem pa-
ludem cum Nilo coniunctam esse tradit l). *Ta-
chomp-*

c) pag. 728-730.

d) MARMOL l. c.

e) HERODOT. lib. II. cap. 9. 28. 29. 30. 31. cet.

f) HERODOT. lib. II. cap. 9.

g) D'ANVILLE Memoires sur l'Egypte pag. 214.

h) Aegyptii *Ichthyophagi* memorati HERODOTO.
lib. II. cap. 77. Etiam Indici lib. III. 5. 98

i) HERODOT. lib. III. cap. 19. 20. seqq.

k) Libycum Aegypti latus in Elephantine definit;
Arabicum longius versus meridiem procurrit.

l) HERODOT. lib. II. cap. 29.

Thompso insula etiam MELAE (lib. I. cap. 9.) dicitur, PLINIO autem (Hist. Natur. lib. VI. cap. 29.) oppidum. Insula igitur esse videtur *Tachompsa* cum vrbe cognomine. De insula nostra lege etiam D'ANVILLIUM. *Memoires sur l'Egypte* pag. 217. Haftenus de Aegypto.

Epimetrum I.

De urbium, oppidorum incolarumque Aegypti numero.

Teste EVSEBIO plures olim in Aegypto vrbes, quam in omni reliquo terrarum orbe fuisse perhibentur. E commentariis sacris memoriae prodit DIODORVS SICVLVS lib. I. pag. 27. (p. 19. B.), priscis temporibus in Aegypto plures, quam 18000 vrbes vicosque memorabiles fuisse, et HERODOTVS noster lib. II. cap. 177. (Conf. PLINII Hist. Nat. lib. V. cap. 9.) sub imperio Amasidis Aegyptum 20000 urbibus floruisse testatur. PTOLEMAEI, LAGI F. aetate vltra 30000 *a*) recensitas esse, eundemque urbium Aegypti numerum suo adhuc tempore constare, ita narrat DIODORVS l. c. vt cur fidem ei habere nolis, plane non videamus. THEOCRITVS *b*) autem PTOLEMAEI PHILADELPHI imperio 33339 vrbes subiectas

a) Post D'ORIGNY (Egypte anc. Tom. I. p. 124. seqq.) *τριμυριοις* tuetur Celeberrimus HEYNE Opuscul. Vol. I. p. 225. Vulgo *τριχιλίους* legunt apud DIODORVM l. c. quam lectionem probat LARCHERIUS Tom. II. p. 514. not. 2.

b) Idyll. XVII. 82. seqq. Hocce Idyllium cum in laudem PTOLEMAEI PHILADELPHI scriptum, eique traditum sit, urbium numerus in eo constitutus in dubitationem vocari omnino nequit.

iectas fuisse praecise affirmat, quo tamen numero victoriarum praemia, Phoenices, Coelesyriae, Arabiae, Libyae cet. vrbes comprehensas esse ipse subiicit. Quae omnia perpendenti apparebit, fieri non potuisse, vt in constituendo Aegypti vrbium numero errauerint isti scriptores, ideoque plane adfentiendum non esse D'ANVILLIO, qui plus iusto illum numerum minuit. Neque igitur mirum est, quod ei non adstipuletur celeberrimus GATTERERVS (Allgem. hist. Biblioth. Tom. XI. pag. 37.) quamquam h. l. rationes suas subiungere ipsi non licuit. Ex tanto autem vrbium oppidorumque numero, quantus fuerit numerus incolarum facile perspici poterit. In populi quondam censu septuagies centena millia h. e. septem Milliones fuisse numerata, nec sua aetate infra tricies centena millia censerj refert DIODORVS l. c. c).

Epimetrum II.

De Phoenicum circumuectione Libyae.

Inter varias de *circumuectione Libyae*, antiquissima aetate diuersisque temporibus peracta relationes nulla sane fide magis digna est, quam *Herodotea de Phoenicum circumuectione Libyae narratio* quae lib. IV. cap. 42. exstat. Cui narrationi allata hac ratione, ex ipso HERODOTO petita, fidem multi tribuerunt, nimirum, quod referat HERODOTVS, *Phoenices* narrasse, se cum circumnauigarent Africam, solem ad dextram, h. e. a septentrione habuisse, et addat, hoc quidem non sibi credibile videri

- c) Incredibilis omnino videtur Aegypti incolarum, vrbiumque numerus, antiquis scriptoribus memoratus. Sed lege celeberr. HENRI Opusc, Vol. I. p. 225. 226, 259. 260.

videri, forte tamen alios fore, qui fidem ei haberent. Affirmant enim, hanc ipsam HERODOTI observationem satis probare, illam *de Phoenicum circumuersione Libyae* narrationem non esse commentitiam. Necesse enim fuisse, ut illud eueniret *Phoenicibus*, Africam circumuulgantibus. Iam vero addunt, cum id, in quo veritas illius narrationis in primis versatur, ita comparatum sit, ut isto aeuo, cum vix aliqua Astronomiae cognitione imbuti essent homines, omnino fingi non posset, vera sit illa narratio, necesse esse.

Multas quidem easque haud contemnendas obiectiones in medium profert MANNERTVS, Vir clarissimus, (*Geographie der Griechen und Römer* pag. 21.) quibus ostendat, commentitiam esse et ipsam HERODOTI narrationem. Sed quae viro clarissimo opponi possunt, alii tempori reservamus, libere hic profitentes, *Herodotae narrationi* nos quidem adsentiri, licet recens moniti simus a Viro docto, nobis amicissimo, ne inde, quod a septentrione solem *Phoenices* vidisse h. e. quod circulum aequinoctialem transiisse narrantur, eos meridiam Africae verticem circumnavigasse et per Herculis Columnas in Aegyptum rediisse, temere colligamus.

Epimetrum III.

De mensuris geographicis, HERODOTO memoratis nonnulla.

Mensuras geographicas, HERODOTO memoratas, subiicimus, ut distantiae locorum, ab Auctore nostro commemoratae et definitae facili negotio intelligantur. Mensurae, quarum meminit,
haec

hae sunt: (*Pes* = 4 palmis; *cubitus* = 6 palmis; *Orgyia* = 6 pedibus); *Stadium* = 600 pedibus; *Parasanga* = 30 stadiis; SCHOENVUS = 60 stadiis. Vid. HERODOT. lib. II. cap. 6. et 149.

De schoeno et parasanga age! pauca subiungamus!

Schoenum HERODOTVS lib. II. cap. 6. μετρον Αιγυπτιον, *Mensuram Aegyptiacam* appellat; ATHENAEVS autem 3. 34. et CALLIMACHVS in fragmento a PLVTARCHO a) seruato, persicum nomen declarant. Erat autem apud Aegyptios ἀστάτον το της σχοινομετρον, *inconstans schoenorum mensura* b) referente STRABONE c) lib. XVII. pag. 804. A. ideoque non est, quod mireris, aliam atque aliam apud diuersos Auctiores, esse schoenorum mensuram, quae a sexaginta illis stadiis, quae schoenus HERODOTI continet, longe recedit PLINIVS (Hist. Nat. lib. XII. cap. 14. ait. *Schoenus patet Eratosthenis ratione stadia 40* (cum quo consentit THEOPHANES apud STRABONEM lib. XI. pag. 530. B.) *hoc est, passuum quinque millibus: alibi 32, stadia singulis schoenis dedere* Cf. PLINII Hist. Nat. lib. V. caq. 10. Ad

a) De exilio pag. 534. μετρεειν Σχοινω Περσιδι την συφην, nos non debere metiri schoeno Persico sapientiam.

b) h. e. aliis in locis alia erat apud ipsos Aegyptios schoenorum magnitudo.

c) STRABO l. c. A. B. ARTEMIDORI auctoritate declarat, a Memphi ad Thebaidem vsque schoenos singulos 110 stadia continere a Thebaide ad Syenem 60 stadia, et a Pelusio vsque ad Syenem 30 stadia,

Ad ea, quae de *Schoeno Aegyptiorum* hoc loco commemoranda esse iudicamus pertinet et HIERONYMI locus (in comment. ad JOEL cap. 3.) qui ita habet: *In Nilo flumine, flue in riuis eius, solent naues funibus trahere. certa habentes spatia, quae funiculos (σχοινους seu σχοινια) appellant, ut labori defessorum recentia trahentium colla succedant* Iam cum in *Itinuario* ANTONINI locus commemoretur inter Casium montem et Pelusium, nomine πεντασχοινον*, et a Casio monte et a Pelusio 20. miliaria Romana, distans, apparet, quinque Schoenos cum 20, vnum vero cum 4 milliariis Romanis Ex his igitur consequens estis stadia Aegyptiaca conuenire cum uno milliaro Romano Haec qui probe tenet, locorum distantias, ab HERODOTO commemoratas et definitas, haud difficili negotio sd miliaria Romana poterit reuocare d).

Parasang dubia mensura est STRABONIS loco, qui lib. XI. pag. 518. C. exstat. Τον δὲ Παρασαγγην, inquit τον Περσικον, οἱ μὲν ἐξήκοντα σταδίων Φασιν, οἱ δὲ, τριακόντα, ἢ τετρακόντα, *Parasangam Persicam alii 60 stadiorum esse dicunt, alii 30, 40 alii.* At non est, quod in hac discrepantia haereamus cum enim plerique, HERODOTVM sequuti, *Parasangam* 30 stadiorum esse dicant, hicce numerus verior habendus est, quoniam erat communior. Hinc quoque apparet, schoenum HERODOTI duas eiusdem continere *Parasangs*. Atque haec de mensuris Geographicis, HERODOTO memoratis, sufficiant.

Quae

d) De schoeno dissertationem scripsit D'ANVILLIUS in Memoires de l'Acad. des Inscript. Tom. XXVI. pag. 82.

Epimetrum IV.

Quae de aeris temperie, tum, de bonis Aegyptiacae terrae, denique de Aegyptiorum diuisione et de praecipuis eorum moribus atque institutis ab HERODOTO narrata accepimus, cum non omnino negligenda videantur, ea paucis iamiam declaraturi sumus.

Vario coelo diuersis anni temporibus non admodum vtuntur Aegyptii; quo sit, vt morbos vident, et inoffensa gaudeant valetudine. HERODOT. lib. II. cap. 77. DIODOR. lib. I. pag. 35. (p. 25. A.) SALIVST. Bello Iugurth. pag. 75 a).

Inter animantia Aegypti, HERODOTO memorata, prae ceteris nota sunt duo, *Crocodylus*, HERODOT. lib. II. cap. 68. 70. Conf. DIODOR. lib. I. pag. 31. (p. 21. D. seq.) et *Hippopotamus* (ὁ ἵππος ὁ ποταμῖος ἢ ὁ καλουμένος ἵππος). HERODOT. I. c. cap. 72. DIODOR. I. c. pag. 31. 32. (p. 22. B. C.) Tum, *Ichneumones* b), *ursi* c), *lupi*, *vulpes*, HERODOT. I. c. cap. 67. *boves*, cap. 37. 40. 41. *oues*, *caprae*, cap. 42. *porci*, cap. 70. *canes*, *feles*, cap. 66. *sanguisugae*, cap. 68. *serpentes cornuti et alati*, cap. 74-76. *mures aranei* cap. 67. *lutrae*, cap. 72. *Aues* HERODOTO memorantur cum aliae, vt *anser*, cap. 37. et *vulpanser*, cap. 72. *accipitres*, cap. 65. 67. *phoenices*,

a) De Nilo, qui nullos vapores emittere HERODOTO dicitur lib. II. cap. 19. Confer. §. XXI. fine.

b) Ichneumonis delineationem aeri iucisam exhibent de la CROIX I. c. Tom. I. pag. 207. et SHAW Tom. II. pag. 74.

c) Conf. Conspectus

H

ces, cap. 73. *anates*, *coturnices*, cap. 77. et *culices*, cap. 95. tum maxime *Ibis*, cap. 65. 75. 76. Conf. DIODOR. lib. I. p. 78. (p. 55. B.) et *Trochilus*, cap. 68. qui hodie *Sackfack* appellatur. Infinita piscium omnigenorum copia Aegypti fluvius et paludes abundant, quibus incolae vescuntur aut recens captis, aut maceratis, aut sale conditis. HERODOT. lib. II. cap. 92. Moeris palus in primis propter piscium copiam celebrata. HERODOT. lib. II. cap. 149. lib. III. cap. 91. coll. DIODOR. lib. I. pag. 48. (p. 34. A.) Ceterum piscium 22. genera in Nilo contineri dicuntur, (DIODOR. l. c.) quorum pleraque diserte ab antiquis Auctoribus commemorantur. Vid. HERODOT. lib. II. cap. 72. Conf. STRABO lib. XVII. pag. 812. C. D. pag. 823. B. C.

Fruges, quibus felicissima erant Aegypti arua, HERODOTO commemorantur hae: 1) *Lotus*, cuius granis panem conficere solebant Aegyptii, lib. II. cap. 92. coll. DIODOR. lib. I. p. 30. (p. 21. c.) *Loti* descriptionem habes apud HERODOTVM l. c. coll. lib. IV. cap. 177. De Lotophagis, qui ex hoc fructu vinum quoque confecisse perhibentur, teste auctore nostro lib. IV. cap. 177. vide §. XLIX. ibique notam (c. - 2.) Vescabantur Aegyptii et fructu nucis oleae magnitudine, belliorum loco, et Bybli parte inferiore. HERODOT. lib. II. cap. 92. - 3) Ex *Olyra* panem coquere dicuntur Aegyptii, quem *Κυλλῆσι* appellant. HERODOT. l. c. cap. 77. 4) Ex hordeo cereuliam coquebant, eadem fere saporis iucunditate, qua vinum, praeditam. HERODOT. l. c. Conf. DIODOR. lib. I. pag. 17. (p. 12. B.) et pag. 31. (p. 21.

(p. 21. D.) Solis sacerdotibus vinum suppeditabatur, teste HERODOTO l. c. cap. 37. quod vnde petierint non constat. Nam in compestribus Aegypti regionibus vites nasci diserte negat HERODOTVS lib. II. cap. 77. d) - 5) *Fabis* Aegyptii vefcebantur nullis, quamquam ager sponte sua eas proferre dicitur. HERODOT. lib. c. cap. 37. - 6) *Sillicypria*, Aegyptiis *Riki* dicta lucernis pro aleo materiam praebebant. HERODOT. l. c. cap. 94. Conf. DIODOR. lib. I. p. 31. (p. 21. D.) et WESSELING. ad HERODOT. l. I, Reliquarum quae Auctori nostro commemorantur *arborum* et *fruticum* nomina, facili negotio e lib. II. cap. 40. 86-88. 91. 92. 94. 96. colligi poterunt.

Nobis enim properandum est ad subiungenda ea, quae de *Aegyptiorum diuisione* et de *praecipuis eorum moribus ac institutis* commemorare promissimus.

Omnis Aegyptiorum multitudo in 7 Classes diuisa erat, *Sacerdotum*, *Militum*, (quorum alii

H 2

Her-

d) *Oĩnos ἀμπελινος*, HERODOTO lib. II, cap. 37. memoratus, opponitur *οĩνω κριθίνω*, *vino ex hordeo* h. e. *cerenisiae*. HERODOT. lib. II. cap. 77. Eodem loco negat Auctor noster, in compestribus Aegypti locis vites nasci; contrarium vero tradunt DIODOR. lib. I. pag. 32. (p. 22. D.) et STRABO lib. XVII. pag. 809. C. Hinc facile intelligitur, post. HERODOTI aetatem vites in his locis coli coepisse. Conf. PLINII Hist. Nat. lib. XIV. cap. 3. VIRGILII Georg. lib. III. 91. HORAT. Carm. l. 37. 14. Hodie quidem vinum in Aegypto deterius est, quoniam Arabum latrocinia vuarum maturitatem intercipiunt.

Hermotybies, alii Calasiries appellabantur, et quorum nullus opificium didicerat, HERODOT. lib. II. cap. 165. 166.) *Bubulcorum, Subulcorum*, (quibus solis licet natione Aegyptii essent, nunquam permissum fuit in ullum totius Aegypti templum intrare, HERODOT. lib. II. cap. 47.) *Mercatorum, Interpretum e*), et *Gubernatorum*. HERODOT. lib. II. cap. 164. Quorum omnium *Sacerdotum Ordo* reliquis anteponebatur; primas autem honoris a sacerdotibus *Militum Ordo* obtinebat. HERODOT. lib. II. cap. 168. Aliam Aegyptiorum diuisionem discimus ex DIODORI libro I. pag. 25. (p. 17. B.) et pag. 66 - 68. (p. 46. C - 47. D.) Diuidebantur enim in *Ordinem Nobilium*, cui annuerantur *Sacerdotes, Reges, Milites*, et in *Ordinem Ignobilium*, qui erant vel *Agricolae, vel Pastores, vel Opifices f*).

Lege autem Aegyptiis statutum erat, ut filii, nullam aliam vitae rationem eligerent et optarent, nisi a patribus per manus traditam. HERODOT. lib. II. cap. 166. Conf. DIODOR. lib. I. pag. 66. (p. 46. D.) et pag. 68. (p. 47. D.) Quam legem si quis violauerat, non grauissimas solum poenas, sed ipsum adeo mortis periculum subibat. DIODOR.

e) *Epurvae* dicuntur HERODOTO lib. II. cap. 164. Intelligimus eos, qui explicabant et enarrabant verbis v. c. antiquitates, quae spectabantur in templis aliisque in locis.

f) De diuisione omnia Aegyptiorum multitudinis, quorum alii sacrorum curam agere alii militiam, alii agriculturam et artes colere perhibentur, egit STRABO lib. XVII. pag. 787. B. Lege et LARCHERII *Histoire de Herodote* T. II. not. 518. pag. 494. seqq.

DOR, lib. I. p. 68. (p. 48. A.) In more etiam positum erat apud Aegyptios, ut pueros circumciderent, HERODOT, lib. II. cap. 36. 37. Conf. DIODOR. lib. I. pag. 24. (p. 17. B.) ut sibi temperarent a carne suilla, HERODOT. lib. II. cap. 4, ut senioribus honorem haberent, HERODOT. lib. II. cap. 80. ut plerique in pollinciendis cadaveribus nullis impensis parcerent, HERODOT. lib. II. cap. 86. seqq. Conf. DIODOR. lib. I. pag. 81. 82. (p. 57. C. seqq.) Plura denique artificia simul exercere Aegyptiorum nulli licuit; necesse tamen erat, ut uni operam nauarent; iniunctumque erat unicuique, ut singulis annis apud magistratum nomen suum profiteretur, simulque indicaret, quam arte et quonam vitae genere necessitatibus suis confuleret. Qui vero in latifaciendo hoc negotio aliquod vitae genus ementiri et nulli operam dare aut iniustum agitare quaestum deprehendebatur, vitae discrimen adibat. HERODOT. lib. II. cap. 177. Conf. DIODOR. lib. I. pag. 69. 70. (p. 49. A. B.) Plura de Aegyptiorum moribus et institutis relata leguntur apud HERODOTVM lib. II. cap. 35. seqq. Vnum hoc addimus quod eorum mores contrarii erant aliarum gentium moribus. HERODOT. l. c.

GEOGRAPHIA AFRICAE HERODOTEAE.

SECT. II.

LIBYAE DESCRIPTIONEM COMPLECTENS.

CAP. I.

I. DESCRIPTIO I. ORAE LIBYAE a) ORIEN- TALIS b) MARITIMAE MARI MEDI- TERRANEO OBVERSAE.

§. XXXIV.

α. *Regio, quam tenebant Adyrmachidae. Fines
Adyrmachidarum; Portus.*

Absoluta *Aegypti* descriptione, statim ad *Libyam* accedimus describendam. Nullo enim opus est praefamine, cum et Conspectum eorum, quae hac posteriori libelli sectione pertractanda sunt, (Vid. pag. 3-12.) et rationes, quibus ad probandum illum, quem sequuturi sumus, in rebus exponendis ordinem (Vid. praefat.) adduci nos passi sumus, suo quodque loco exhibuimus.

Libyae

a) Vid. §. LXXVI. not. a).

b) Conf. Conspect. not. a)

Libyae gentium ab Aegypto habitantium primos esse refert HERODOTVS *Adyrmachidas*, 'Αδυρμαχιδας, c) eosque ab Aegypto d) vsque ad portum, cui nomen *Pleunus* est, h. e. vsque ad *Gilgammes* e) habitare affirmat f). Tenebant igitur oram totius nomi, quem vocant, Libyci, qui est in Marmarica. *

Insequuta aetate Graecos scimus in superiora *Libyae* loca *Adyrmachidas* repulisse, *Libyae*que oram maritimam ab ipsis Graecis habitari coepisse. Atque haec ipsa tempora respexisse dicendus est *PTOLEMAEVS*, qui *Adyrmachidas* ad interiora *Libyae* remouit. Τα δε μισημβρινα, (scil. του της Λιβυης νομου) inquit lib. IV. 5. pag. 256. 257. Βουζεις, και 'Ουδαιμοι' μετ' ους 'Αδυρμαχιδαι,

H 4.

Mores

- c) Ita omnino scriptum est huius gentis nomen apud HERODOTVM lib. IV. cap. 168. PLINIVM Histor. Natur. lib. V. cap. 6. SILIVM ITALICVM III. 279. aliosque. Non nisi PTOLEMAEVS lib. IV. 5. pag. 257. quantum equidem scio eam appellat 'Αδυρμαχιδας, quam tamen lectionem, cum ea testimonio omnium, qui huius gentis mentionem faciunt, refutetur alteri proponendam censemus. Haud dubie et apud PTOLEMAEVM legendum 'Αδυρμαχιδαι.
- d) Hoc est, a Plinthinete sinu, ad quem vsque versus occasum Aegyptus pertinebat. HERODOT. lib. II. cap. 6. Minus recte igitur SCYLAX (Vid. HUDSON. Geogr. min. Vol. I. pag. 44.) *Adyrmachidas* a Canopico Nili ostio habitare affirmat.
- e) HERODOT. lib. IV. cap. 168. coll. cap. 169. princ.
- f) Vid. HERODOT. lib. IV. cap. 168.

Mores *Adyrmachidarum* vtriusque sexus exponit HERODOTVS lib. IV. cap. 168. cui loco iungendus SIL. ITAL. III. 278-281. et IX. 223. 224.

Pertinebat gens nostra, vti monuimus, vsque ad portum, qui *Pleunus*, ὁ Πλευνος, g) appellatur, SCYLACI vero pluraliter *πλευνοί*. Ponitur ab eodem dimidii diei iter navigio susceptum citra *Petrantem magnum*; notissimum Libyae portum, ita, vt idem esse videatur, qui vulgo *Panormi* nomine venit.

§. XXXV.

β. Regio a *Giligammis* inhabitata,

*Fines; Regio amoena; Portus; Insulae; Tractus
Silphio Ferax.*

Giligammae, οἱ Γίλιγαμμαί α), ab *Adyrmachidis* versus occidentem, (h. e. a *Pleuno* portu, §. XXXIV.) vsque ad *Aphrodisiadem* insulam habi-

g) Alii in HERODOTO legunt Πλευνος extruso τω ε; at *πλευνος* scriptio WESSELINGIO probata. TZETZES ad LYCOPHRON. vers. 149. *πλευνον πολιν Λιβυης* commemorat; quae vrbs si portui nostro accubuerit Πλευνος scriptio sane praefenda. Conf. LARCHER. Tom. III. pag. 472. 473.

a) *Populus* hicce apud STEPHANVM BYZANT. appellatur *Γίλιγαμβαι*; in *Editione Aldina* dicitur *Γιγαμαι*; verum eam huius nominis scribendi rationem, quam nos sequuti sumus, tuentur Codd. optimi. Vid. WESSELING. ad HERODOT l. c. et LARCHER. Tom. VII. p. 160.

habitant b). Incolebant igitur oram Marmari-
cae inde a Fine Libyci nomi, et partem orae
Cyrenaicae.

In continentis Libyae parte, a *Giligammis* ha-
bitata, e regione insulae Plateae c), adeoque in
tractu Silphio ferace, de quo postea expositura sum-
mus, commemoratur HERODOTO.

Aziris, η 'Αζιρίς d), quam nomine aliquam
regionem cum iudicasse haud obscure perspicitur.
HERODOTVS enim lib. IV. cap. 157. *Azirin*
ab utroque latere (orientali et occidentali) colles
silvofos - eosque amoenos (Conf. CALLIMACH.
Hymn. in Apoll. 89.) et fluvium habere affirmat.
Quorum fluminum alterum *Palurum* fuisse con-
jicimus, alterum verò exiguum illud flumen, quod
prope Drepanum promontorium mari infertur. Sci-
licet HERODOTVS in mediò ore, a GILIGAM-
SIS frequentatae, adsitam esse insulam *Plateam*
tradit lib. IV. cap. 166.; capite vero 157. eius-
dem libri e regione huius insulae *Azirin* ponit,
dicta autem flumina sunt ab utroque latere mediae
partis orae a *Giligammis* inhabitatae, e regione
insulae *Plateae*. Inhabitabatur autem *Aziris* non
quidem a *Giligammis*, sed a *Batto* et eis, qui hu-
ius imperio suberant, hoc est, a *Theracis* in Li-
bya aduenis, posteaquam hi, relicta *Platea* insula,
in continentem Libyae, ei insulae obuersam, sese

H §

con-

b) HERODOT. lib. IV. cap. 169.

c) Vid. HERODOT. I. c. cap. 157.

d) In STEPHANO BYZ. scribitur 'Αζιρίς, item in
CALLIMACHO Hymn. in Apoll. 89.

contulerant e). Battum in tractu hoc amoeno urbem condidisse certum est f); et, licet urbis nomen in HERODOTO non occurrat, eam tamen et ipsam *Aziris* nomine appellatam fuisse affirmare nulli dubitamus. Verum in nominis huius urbis diuersa appellatione non est, quod haereamus. STEPHANO BYZANTINO dicitur Ἀξίλις, D'ANVILLIO, *Axylis* g). Hodie pagus est.

Giligammarum orae adscriptus ab HERODOTO nostro

Portus Menelai, ὁ Μενελαϊὸς λιμὴν, qui a STRABONE h) aliisque *Menelaus*, a NEPOTE CORNELIO (in Vita Agefilai) *portus Menelai* appellatur. SCYLACI iter diei nauigio susceptum abest a Petrante portus noster; et secundum STRABONEM ad *Ardaniam* est, quae est supra *Parattonium* i), inter pagum *Paliurum* et *Ardanaxen* k). Nomen portui inditum a Menelao, qui Aegyptum fugiens in Libyam abiit l).

Ante oram, a *Giligammis* habitatam plures sitae sunt *insulae*, quarum *duae* HERODOTO memorantur. Harum vero altera est.

Pla-

e) HERODOT. lib. IV. cap. 157. coll. cap. 169.

f) IDEM l. c. cap. 157.

g) Lib. IV. cap. 5. pag. 252.

h) Lib. I. pag. 40. C. lib. XVII. pag. 838. B.

i) STRABO lib. I. pag. 40. C.

k) ID. lib. XVII. pag. 838. B.

l) HERODOT. lib. II. cap. 119.

Platea, ἡ Πλατεα *m*), quam haud immerito Marmaricis insulis SCYLAX (HYDSON. Geogr. Min. Vol. I. pag. 44.) annumeravit. Orae enim maritimae, a *Giligammis* frequentatae maxima pars ad Marmaricam pertinebat, mediae autem *Giligammarum* orae adfita erat insula *Platea n*). Eadem diferte *Libyca* insula HERODOTO dicitur *o*), eadem magnitudine qua Cyrene vrbs *p*). At, quae nam insula *Plateae* nomine HERODOTI acuo fuerit insignita, vtrum ea, quam *Aedonin*, Ἀηδωνιν, PTOLEMAEVS appellat, an vna e minoribus, inter hanc et Menelai portum sitis, iustis argumentis evinci nequit. Coluere *Plateam* Cyrenaei, (Theraei) qui mox, ea relicta in continentem Libyae transisse, ibique Azirin condidisse perhibentur *q*). Conf. *Aziris*, pag. 121

Alteræ insula, cuius hoc loco iniicienda est mentio,

Aphrodisias, ἡ Ἀφροδισιας, hoc est, *Veneris insula*, terminus erat occidentalis orae a *Giligammis*

m) Haec lectio WESSELIINGIO arridet et nostro loco, et cap. 151. 156. SCYLACI (HYDSON. Geogr. gr. min. Vol. I. pag. 44.) insula haecce dicitur *πλατεια*; STEPHANVS *πλατειαν* et *πλαταιαν* diversas insulas esse iudicat, quod displicet Viris doctis.

n) Lib. IV. cap. 169.

o) l. c. cap. 151.

p) Lib. laud. cap. 156.

q) HERODOT. lib. c. cap. 169. coll. 151. 156.

mis frequentatae r). Insula haecce, quae et *Laea*, *Λαία*, vocatur, sita est inter Phycum promontorium et Apolloniam urbem, eratque *ὑφορμος*, *navium stationi apta*, teste SCYLACE. (HVDSON. Geogr. gr. min. Vol. I. pag. 44).

Restat, ut in orae maritimae, a *Giligammit* habitatae, descriptione regionem aliquam, antiquis scriptoribus satis celebratam, commemoremus, eam dico, quae a *Silphii* copia et ipsa *Silphium* adpellabatur s). (PTOLEMAEO lib. IV. 4. pag. 251. *ἡ σιλφιοφόρος χώρα* dicitur,) et, HERODOTO testante, ab insulae Plateae obiecta terra ad os vsque Syrtis pertinebat t). Intelligenda tamen est Syrtis maior, quae ad Cyrenaicam est; minor est ad Byzacenam u). Media etiam *Silphium* fert, a quo Medicus succus vocatur, qui, licet multo deterior perhibeatur, quam Cyrenaicus nonnumquam tamen huic ipsi praeferebatur v). Terram quoque *Garamantum Silphio* feracem tradit STRABO w). De laserpitio Cyrenaicae (hoc enim nomine

r) Vid. HERODOT. l. c. cap. 169.

s) De *Silphio* praeter PLINIVM Histor. Natur. lib. XIX. cap. 3. legendus est SALMASIVS in SOLIN. pag. 262. et ISAACVS VOSSIVS ad POMPONII MELAE lib. I. cap. 8. pag. 38. seqq. D' HERBELOT. Biblioth. Orient. pag. 116. voce *Angin* et pag. 493. voce *Ingin*, nec non Abbas BELLEY, laudatus LARCHERIO Tom. III. not. 256. pag. 473.

t) Videat. HERODOT. lib. IV. cap. 169.

u) POMPON. MELAE lib. I. cap. 7.

v) STRABO lib. IX. pag. 525. B. coll. lib. II. pag. 131. A. et pag. 133. C.

w) Lib. XVII. pag. 839. A.

mine *Silphium* a scriptoribus Romanis insignitur) dignus est, qui transcribatur PLINII locus, qui *Histor. Nat.* lib. XIX. cap. 3. exstat. Ita autem habent PLINII verba: *Multis iam annis in ea terra (Cyrenaica) non inuenitur (laserpitium): quoniam publicani, qui pascua conducunt, maius ita lucrum sentientes depopulantur pecorum pabulo. Vnus omnino caulis nostra repertus memoria, Neroni principi missus est.*

§. XXXVI.

*Cyrenaica**Regionis et incolarum nomina; Fines.*

Attigimus iam *Cyrenaicam*. *Orae* enim *Cyrenaicae* partem *Giligammas* incoluisse, paragrafo superiori monuimus. Quare, vt geographicus ordo constet, priusquam ad eas gentes, quas post *Giligammas* HERODOTVS exponit, et quas *Cyrenaicum* habitasse scimus, accedimus recensendas, ea praemittenda esse iudicamus, quae de hac Africae prouincia HERODOTO duce in vniuersum monenda veniunt. Quo facto, istas gentes iusto ordine deinceps exponemus, denique *Cyrenaicae* urbium, passim HERODOTO commemoratum, subiiciemus descriptionem.

Vsitatissimum huius prouinciae nomen, quo ea et ab HERODOTO appellatur, est *Cyrenaica*, ἡ Κυρηναία

σημασι χωρη α). Alias etiam *Cyrenae* et *Cyrene* b) dicitur. Quorum nominum prius in HERODOTO omnino non occurrit, posterius vero, licet quibusdam in locis legatur, uullo tamen loco omnem drouinciam, sed urbem eius primariam denotat. Incolae *Cyrenaei*, οἱ Κυρηναῖοι, saepius HERODOTO memorati, v. c. lib. IV. cap. 159. 160. sqq. quoniam tractum Libyae maritimum potissimum frequentabant, *maritimi* dicuntur lib. IV. cap. 170.

Terminos Cyrenaicae non eosdem faciunt Veteres. Cuius varietatis alia ratio reddi potest nulla, nisi quod alii *Cyrenaicam* ad Marmaricam reuocant, adeoque *Cyrenaicae* terminum versus orientem Catathammum et Aegyptum constituent, alii vero *Cyrenaicam* a Marmarica distinguunt, ita, vt Marmarica versus ortum contingat Aegyptum, Marmaricam autem *Cyrenaica*. *Cyrenaicae* initium ab occasu plerique, PTOLEMAEVM sequentes, a sinu Syrtis maioris siue ab Aris Philaenorum sumunt, alii a Boreo promontorio, vt PLINIVS, nonnulli ab Hesperidibus. quidam etiam a Phycunte promontorio c). De finibus huius prouinciae in
omni

a) HERODOT. lib. IV. cap. 199.

b) Vid. ISAAC. VOSSIUS ad POMPONII MELAE lib. 1. cap. 4. pag. 17. *Cyrenaica* vocatur et *Pentapolis* (seu Pentapolitana regio, PLIN. Hist. Nat. lib. V. cap. 5. princ.) a quinque urbibus, quibus maxime inclauit, quarum tamen nostra aetate vix aliqua vestigia deprehenduntur. *Pentapoleas* hodiernum nomen est *Onagiat*.

c) Vid. CELLARIJ Not. Orb. Ant. P. III. lib. IV. cap. 2. pag. 99. cui loco addas POMPON. MELAE lib. I. cap. 8. princ. qui, *Cyrenaicam* a Philaenorum

omni opere *Herodoto* ne uerbum quidem occurrat.
— *Cyrenaica* olim incolarum multitudine celeberrima nostra aetate parum frequens est, siquidem piratae in ora maritima praedantur eamque populantur, Arabes autem agris mediterraneis vastitatem inducunt. Qui vero hodieque *Cyrenaicam* incolunt animosi sunt et diuites imprimis venditione Europaeorum, qui in eorum manus incidunt; eos autem vendunt Aethiopibus d).

§. XXXVII.

Cyrenicae regionis natura.

Cyrenaica regio Libyae nomadicae ditissima est teste HERODOTO lib. IV. cap. 199. Triplex in ea messis et vindemia. De utraque fufius exponit Auctor noster l. c. *Cyrenicae* ubertatem attingit etiam DIODORVS SICVLVS, lib. III. pag. 183. (p. 128. C.) regionem, *Cyrenae* urbi finitimam, glebosam esse, frugibus, uisibus, oleis, arboribus, herbis, fluuiis abundare affirmans.

§. XXXVIII.

Cyrenaeorum diuisio.

Iam vero *Cyrenaeorum* diuisio commemoranda est, cuius HERODOTVS lib. IV. cap. 161. coll. 160.

norm aris. incipit, et ad Cababathum usque extendit. Quod posterius admitti nequit. Desiit *Cyrenaica* ad Drepanum promontorium. Leg. et Is. VOSSIVS ad MELAE lib. I. cap. 8. pag. 31. 32.

d) Vid. de la CROIX Tom. II. pag. 252.

16a. inicit mentionem. Scilicet omnis *Cyrenasorum* multitudo, magna clade a Libybus accepta, a Demonacte, e Mantinea, Arcadiae vrbe, arcessito, in tres diuisa est tribus, quarum primae annuebantur Theraci, et qui illis finitimi erant, alteri Peloponnesii et Cretenses, tertiae Insulani. Omnes hos in Libya advenas eosque Graecos attigimus etiam infra §. LXXVI.

§. XXXIX.

Fontes Cyrenaicae.

Inter Azirim regionem et Cyrenen urbem, haud longe ab Irasa, καλλις των χωρων *Cyrenaicae*, (§. XLV.) memoratur HERODOTO

Thestis fons, η Θεςη, prope quem *Cyrenaci* duce Batto tertio, cognomine *Felice*, Aegyptios proelio superasse perhibentur. HERODOT. lib. IV. cap. 159.

Prope hunc fontem fuit

Iouis Lycasi collis, Διος Λυκαιου οχθος, cuius memoriam HERODOTO lib. IV. cap. 203. debemus.

Ad *Cyrenaicam* reuocandus quoque est, qui HERODOTO lib. IV. cap. 158. memoratur,

Apollinis fons, η πρηνη Ἀπολλωνος, quem Theraci, relicta Aziri, accolebant. Fontis nomen Κυρην,

Κυρην. *Cyren*, fuisse constat a) ubi vero situs fuerit non omnino liquet. Verum, ut in *Cyrenaica* eum fuisse dubium non est, ita quoque ex laudato HERODOTI loco haud obscure intelligitur, eum *Cyrenae* urbi fuisse vicinum b).

§. XL.

Gentes Cyrenaicae Herodoto memoratae.

γ. Asbystae.

Eorum situs et fines.

Redeamus nunc ad recensendas gentes, quae HERODOTO maritimam Libyae oram incolere dicuntur. Substitimus autem in iis, quae *Cyrenaicam* post *Giligammas* tenuerunt. Prima harum sunt

Asbystae, οἱ Ἀσβυσται a), qui tractum inter *Giligammas* et *Auschilas* frequentare perhibentur b).

Asby-

a) Vid. CALLIMACHI Hymn. in Apollin. vers. 88. Confer. STEPHANVS BYZANTIN. voce *Κυρηνα*.

b) Videat. IUSTINVS lib. XIII. cap. 7.

a) Ἀσβυσται gemina scriptura videtur, quam etiam PLINIVS Histor. Natur. lib. V. cap. 5. sequutus est. Nec aliter DIONYS PERIEG 211. Quidam eos *Asbytarum* nomine insigniunt, v. c. PROLEMAEVS lib. IV. 4. pag. 250. (sed corrigendum videtur Ἀσβυσται.) Vid CELLARI Not. Orb. Ant. l. c. cap. 2. pag. 114. et cap. 3. pag. 127 Neque officit hilum, verba sunt WASSELINGII ad HERODOT. l. c. quod *Asbyftarum* sedes latius in Africa mediterranea porrigatur ab aliis, siquidem in talibus multiplex variatio et *Asbystae* nupitme maritimi.

b) HERODOT. lib. IV. cap. 170. coll. 171.

Asbystas maritimos esse diferte negat HERODOTVS, subiiciens, eos supra Cyrenen incolere, Cyrenaeos vero maritimam oram tenere c).

§. XLI.

δ. *Auschisae.*

Eorum situs et fines.

Relictis *Asbystis* in recensendis Libyae gentibus, mare accolentibus, pergit HERODOTVS ad *Auschisas*, graece οἱ Αὐσχισαὶ a) dicuntur, quos *Asbystas* ab oriente contingere, supra *Barcen* incolere et propter mare vsque ad *Euesperidas* (hoc est, vsque ad Berenicen urbem, §. XLV.) porrigi pronunciat lib. IV. cap. 171. *Auschisas* autem versus occidentem et a plaga austrina vicinos habere *Nasamones* discimus ex eiusdem libri capite 172.

§. XLII.

α. *Cabalum situs atque fines.*

In media fere terra ab *Auschisis* frequentata habitare dicuntur

Caba-

c) cap. 170. De *Asbystis* multa congeffit SALMASIUS ad SOLIN. 381. et EVSTATHIUS ad DIONYS. PERIEG. 211. Vid. et LARCHERIUS Tom. VII. pag. 43.

a) Minus probanda videtur, quae in APOLLODORI loco, apud STEPHANVM BYZ. obvio, exstat lectio: Αὐσχισαί. Herodotea DIODORI et PTOLEMAEI testimoniis confirmatur.

Cabales, οἱ Καβαλας *a*), exigua gens, mare accolens, eaque ad Tauchira, Barcaeorum urbem pertingens *b*). Plura de hac gente in HERODOTO non occurrunt.

§. XLIII.

Nasamones.

Eorum Situs; Fines incerti.

Cyrenaicae gentibus, quas haecenus exposuimus, subiiciemus adhuc *Nasamones* et *Isylllos*, quos aliquam saltem huius provinciae partem. maxime mediterraneam, incoluisse certum est.

Auschiis ab occasu et a septentrione, *Asbystis* vero ab oriente finitimi *Nasamones*, οἱ Νασσαμωνες, perhibentur *a*). Accolebant Syrtim (maiores) et partem orae maritimae, quae ab hac Syrti uersus orientem porrigitur *b*). Praeterea longius in mediterranea Libyae porrectos fuisse certo constat, siquidem *Nasamones* et *Angilas*, tractum Libyae tumulosum et sabulosum frequentantes, (§. LV.) vnam esse eandemque gentem non est, quod vlli dubitemus. Scilicet locum *Angila* cum finitima terra ad regionem a *Nasamoni- bus* habitatam, esse reuocandam, ex HERODOTI

I 2

lib.

a) Quibusdam haecce gens Βακαλας dicitur. Incertus haeret ipse WESSÉLINGIUS, quamnam lectionem praeferat.

b) HERODOT. lib. IV. cap. 171.

a) HERODOT, Lib. IV. cap. 172.

b) IDEM. lib. II. cap. 32.

lib. IV. cap. 172. haud temere colligitur. *Nasamones* enim memorat Auctor noster l. c. aestivo tempore, relicti ad mare pecoribus, ascendere ad locum *Augila*, palmularum, quibus ea regio hodieque abundat, colligendarum gratia. Vid. et HERODOTVS lib. IV. cap. 183. Idem coniecit iam clarissimus PENZELIUS ad STRABONEM pag. 2343 quam coniecturam tuetur PTOLEMAEVS (lib. IV. cap. 5. pag. 258.) his verbis: ἐν τοῖς Αὐγίλαις, καὶ ἐν τοῖς Νασαμῶσι τὰ Αὐγίλα. Verum nulla opus est coniectura. Quod ea se adsequutos esse quidam crediderunt, tantum non disertis verbis in HERODOTO legitur res ipsa expedita est. Iniuria igitur MELAM reprehenderunt viri quidam eruditi, quod *Augilas* cum *Nasamonibus* confunderet c).

Extinctis *Psyllis*, quibus vicini erant *Nasamones*, hi ipsi illorum terram occupaverunt d). Ad ipsis autem *Nasamonibus* prope interuisione sublata est *Psyllorum* gens, referente PLINIO e). Cui narrationi probabilitatem addunt. SILIUS ITALICUS f), et LVCANVS g). Vtrique enim gens Syrticarum regionum praedatores perhibentur ab his poetis longe famosissimi.

De

- c) Qui MELAM hac in re erroris reum fecerunt, probe refutantur ad ISAACO VOSSIO ad POMPEON. MELAE lib. I. cap. 8. pag. 45. 46.
- d) HERODOT. lib. IV. cap. 173.
- e) Histor. Natur. lib. VII. cap. 2.
- f) Lib. I. 408.
- g) Lib. IX. 439 - 445.

De situ *Pfyllorum* et *Nasamonum* quaedam supersunt stricim hic attingenda. STRABO *h*) eos a *Cyrenaica* in occidentem reducere et sub regione *Syrtium* ponere videtur; vtramque tamen gentem non extra *Cyrenaeicae* fines, sed intra eos fuisse, PTOLEMAEVS Auctor est. Vtrumque non a vero recedit; etiam in *Marmarica* fuerunt saltem *Nasamones*, quos diuersos non esse ab Augilis in *Marmarica*, siue, vt cum HERODOTO loquamur, in tracto Libyae tumultoso et fabuloso quaerendis, supra euicimus. — Quae de *Nasamonum* sede exposita colligenti, HERODOTVM idonea ratione nisum εἶνός πολλόν, *numerofam nationem*, eos lib. IV. cap. 172, apdellasse, apparebit.

Mores *Nasamonum* exponit Auctor noster l. c. Commemoratione in primis digna est dandae accipiendaeque fidei consuetudo apud hanc gentem, quam nostra adhuc aetate in pacto coniugali sanctiando inter Algerianos obtinere narratum accepimus i).

§. XLIV.

ζ. *Pfylli*, gens extincta.

Pfylli αἱ ψυλλοί, qui ab oriente *Nasamonibus* vicini erant, ab austro *Garamantibus septentrionalibus*, (§. XLVI.) maiorem Syrtin accoluisse perhibentur, (unde eam *Pfyllici* sinus nomine insigniuit HECATAEVS, teste STEPHANO B.) quam

I 3

h) Lib. II. pag. 131. B. et lib. XVII. pag. 838. C.

i) Vid. SHAW Voyages Tom. I. pag. 393.

quam eos et in meridiana *Cyrenaicae* plaga sedes habuisse dubio caret; ipsa autem, quam inhabitabant, terra aquae inops adeoque infelix esse narratur *a*). Verum de omni hac gente parum nobis constat, quippe quae iam HERODOTI aetate extincta erat *b*). Fabulam de infelici *Psyllorum* contra austrum expeditione, narratam ab HERODOTO lib. IV. cap. 173. transscribere animus non est *c*). Vix dubitamus, quin eam in vulgus sparserint *Nasamones*, a quibus *Psyllorum* gens prope interecione sublata dicitur PLINIO Histor. Nat. lib. VIII. cap. I. *Psyllorum* tamen nonnulli seros in annos durarunt *d*). (Conf. §. XLIII.) Sed audiamus ipsum PLINIVM, cuius verba ita habent: *Haec gens (scil. Psyllorum) ipsa quidem prope interecione sublata est a Nasamonibus, qui nunc eas tenent sedes: genus tamen hominum ex iis, qui profugerant, aut cum pugnatum est, abfuerant, hodieque remanent in paucis.*

§. XLV.

Cyrenaicae tractus amoenus, Irafra, et urbes.

Superest, ut in *Cyrenaicae* descriptione de amoeno quodam huius provinciae tractu, tum vero de

a) HERODOT. lib. IV. cap. 173.

b) Vid. HERODOT. l. c.

c) Hanc fabulam ex HERODOTO narrat Aulus Gellius Noct. Att. XVI. II.

d) Conf. HARDVINVS ad PLINII l. c. et LARCHERII Histoire d'HERODOTE Tom. VII, pag. 312.

de eiusdem urbibus, nulli earum, quas hactenus exposuimus, *Cyrenaicae* gentium ab HERODOTO disertis adscriptis, pauca adiiciamus. Regio illa

Irasa, τα Ἰρασα, HERODOTO dicta, Libyae καλλιστος των χωρων ab eodem vocatur. Cuius regionis, quam Battus, et qui eius potestati suberant, relicta *Aziri*, incoluere, situs satis accurate ex HERODOTI libr. IV. cap. 158. 159. constitui posse videtur. Ex iis enim, quae tradit HERODOTVS l. c. eam inter *Azirin* et *Cyrenen*, adeoque *Cyrenae* ex ortu, *Aziri* ab occidente sitam fuisse facile cognoscitur. Propior tamen, quantum quidem ex Auctore nostro colligere licet, *Aziri* erat, quam *Cyrenae*, et non nisi paucarum horarum iter ab illa diffusa. Vt enim prohiberent Libyes, quo minus Batto eiusque sociis καλλιστος των χωρων innotesceret, *Aziri* sub vespemam relicta, *Irasa* noctu permearunt mox vero *Apollinis fontem*, prope quem confidebant Graeci, attigerunt. Hanc de mutata in Libya Batti eiusque sociorum sede narrationem delibavit etiam CALLIMACHVS Hymn. in Apoll. 88. 89.

Urbes. Ad mare sunt *Tauchira*, *Hesperis*, in mediterraneis *Barce*, *Leucon* et *Cyrene*, in quibus describendis nunc deinceps voraturi sumus.

Tauchira, τα Ταυχαιρα in Barcaeorum agro sita a), STRABONE, PTOLEMAEO et PLINIO η Ταυχαιρα, *Teuchira* appellatur. Postea *Arfinoe* appel-

4

a) HERODOT. lib. IV. cap. 171.

appellari coepit *b)*, tum vero a M. Antonino in Cleopatrae suae fauorem *Cleopatris* vocata est. Nostra aetate diuerso modo nuncupatur oppidum nostrum, *Teukera c)*, *Trocara d)*, *Tiochara e)*, *Tochara f)*, *Trochata g)*.

In promontorio, quod STRABONE *h)* PSEUDOPENIAS appellatur, e regione promontorii Peloponnesiaci, cui *Ichthys* nomen sita, prope Tritonidem quamdam paludem, diuersam ab ea, de qua infra exponendum nobis erit: et ad Ladonis seu Lathonis fluuii ostium sita erat vrbs, antiquiori aeuo

Hesperis, ἡ Ἑσπερίς et *Hesperides*, αἱ Ἑσπερίδες, dicta, cuius ciues

Euesperides, οἱ Εὐεσπερίδες *i)* et *Euesperitae*, οἱ Εὐεσπερίται *k)* HERODOTO memorati. Ipsa vrbs

b) Vid. STRABO lib. XVII. pag. 836. D. PROLERMAEVS. lib. IV. 4. pag. 249. PLINIUS Hist. Nat. lib. V. cap. 5.

c) D'ANVILLE Geogr. Anc. Abr. Tom. III. pag. 44.

d) MARMOL. Tom. II. pag. 574. de la CROIX Vom. II^e p. 250. 251.

e) HARDVIN. ad PLINII Hist. Nat. lib. V. cap. 5.

f) SIMLERVS apud WESSELIUS. in Observ. ad ANTONINI. Itin. pag. 67.

g) DAPPER. pag. 298.

h) lib. XVII. pag. 836. C.

i) HERODOT. lib. IV. cap. 171.

k) ID. l. c. cap. 198.

vrbs postea fortita est nomen *Berenice* l). Vicina etiam dicitur *famosis Hesperidum hortis* m), quo nomine ager *Hesperidum* propter fertilitatem et fructuum ubertatem insignitus a Cyrenaeis videtur. Nam *Euesperidum* terram bonam esse, adeoque praeter *Cinypem*, Libyae regionem, totius Libyae optimam, certe constat (Vid. HERODOT. lib. IV. cap. 198.) Inde vero vagantibus Graeciae fabulis, cum quidam alibi *Hesperidum domum* collocarent, hi quidem in Magnesia, illi ad Herculis fretum, alii ad Atlantem, nonnulli in Oceano, factum esse videtur, ut sitae ad Syrtes *Hesperides* *Εὐσπερίδες* appellarentur, tamquam *verae Hesperides*, quamquam omnes aequae fabulosae sint, id testantibus APOLLodoro apud STRABONEM, aliisque.

Berenices rudera hodieque supersunt, at non ab omnibus eodem nomine vocantur. Aliis enim dicuntur *Bernic* n) seu Bengasi o), aliis *Berbic* p), quibusdam *Beric* q).

Vrbes mediterraneae:

Barce, ἡ Βάρκη, Cyrenae ab occasu solis, Tauchiris ab oriente sita, eaque 40. milliar. a
I 5 Phyco

l) PTOLEM. lib. IV. 4. p. 249.

m) Vid. STRABO et PLINIVS locis laudatis.

n) D'ANVILLE Geogr. Anc. Abr. Tom. III. pag. 45. de la CROIX, Tom. II. pag. 250.

o) Vid. D'ANVILLE l. c.

p) de la CROIX, l. c.

q) MARMOL. Tom. II. pag. 574. DAPFER. pag. 298.

Phyco promontorio remota *r*), a fratribus Arcefilai II, qui Batyi filius fuit *s*), condita, nomen vero sortita est a Barce regina, si fides habenda SERVIO ad VIRGILII *Aeneid.* IV. 43. supra *Barcen* incoluisse *Auschisariam* supra vidimus *t*). (§. XLI.) Portum habuit vrbs nostra ad Syrticum mare eo loco, quo insequuta aetate *Ptolemais* condita fuit. Sunt quidem haud pauci inter veteres, qui *Ptolemaidem* antiquitus *Barcen* appellatam fuisse contendunt, STRABO *u*), PLINIVS *v*), SERVIVS *w*) aliique. Verum diuerfas fuisse vrbes PTOLEMAEVS *x*) nos docet, praecise affirmans, in mediterraneis Cyrenaicae esse *Barcen*, ad mare *Ptolemaidem*. Et SCYLAX *y*) disertè tradit, portum *Cyrenes* a *Barces* portu 500 stadiis, *Barcae* vero *urbem* a mari 100 stadiis abesse. *Ptolemais* condita est eo loco, quo fuit *Barces portus*, non eo, quo ipsa *Barce vrbs* fuit. *Barce* hodie *Tolometa* vocari perhibetur *z*).

Cete-

r) PLINIVS Hist. Nat. lib. V. cap. 5.

s) HERODOT. lib. IV. cap. 160. Conf. STEPHANVS BYZ. voce *Βαρυη* Arcefilai fratrum nomina exhibens.

t) HERODOT. l. c. cap. 172.

u) lib. XVII. pag. 837. A.

v) l. c.

w) ad VIRGILII *Aeneid.* IV. 43.

x) lib. IV. 5; pag. 251. coll. pag. 249.

y) HUDSON. Geogr. Gr. Min. Vol. I. pag. 45.

z) Vid. WESSELIUS. ad Itinerarium Antonini pag. 67. et D'ANVILLE Geogr. Anc. Abr. Tom. III. pag. 44.

Ceterum licet *Barcaei Libyes* essent, adeoque *Cyrenaei*. mirum tamen non est, eos et a *Liby-
bus* et a *Cyrenaeis* distingui ab HERODOTO lib.
III. cap. 91. *Libyum* enim nomine dicto loco in-
telligendi sunt aut quotquot Marmaricam tenebant,
aut saltem ii, qui Libycum nomen, quem dicunt,
inhabitant. *Cyrenaeorum* utem et *Barcaeorum*
nominibus ciues urbium *Cyrenes* et *Barces*. dicto
loco veniunt.

Haud longe a *Barca* versus orientem erat

Leucon, ὁ Λαυκων, regio exigua vel oppidum a),
HERODOTO lib IV. cap. 160. memoratus, cui
proelium, quo Cyrenaeos, duce Arcesilaus huius
fratres et Libyes superarunt, aliquam nominis fa-
mam conciliauit. Proelii eius meminit HERO-
DOTVS l. c.

Caput Cyrenaicae erat

Cyrene, ἡ Κυρηνη b), cuius HERODOTVS lib.
IV. cap. 156. 164. 170. multisque aliis in locis
mentionem iniecit. Diffita erat a mari 11000 pas-
sum, teste PLINIO c), penes quem auctoritas
fit. De origine huius urbis multa congeffit HE-
RODOTVS lib. IV. cap. 155. sed fabulose; item
IVSTI-

a) *Leucon* exigua regio dicitur LARCHERIO Tom.
VII. pag. 280 oppidum WESSELINGIO. in in-
dice Herodoteo.

b) De *Cyrene* dissertationem scripsit HARDION Me-
moires de l'Academie des Inscriptions Tom. IV.
Add. BOUVIER cap. XII. p. 134 - 150.

c) lib. V. cap. 5.

IVSTINVS lib. XIII. cap. 7. Paucis verbis complectitur STRABO d), quaecunque de *Cyrenes* origine tuto satis affirmari possunt: 'Εστ', inquit, (scil. Κυρηνη) Θηραίων κτίσις, Λακωνικῆς νήσου. Conditorum idem memorat *Battum Theraeum* III. de quo multa HERODOTVS lib. IV. cap. 150. seqq. Ab hoc Battō Cyrenaei CALLIMACHO e) Βαττιάδαι, et SILIO ITALICO f) *Battiadae* dicuntur. Nuncupata *Cyrene*, si SERVIO g) credimus, a regina cognomine. Quae utrum eadem sit cum *Cyrena*, DIODORO h) memorata, an diuersa ab hac, non liquet. Ipsa vrbs nostra aetate non exstat amplius i); nonnulla tamen eius rudera hodieque cernuntur, quae diuersa ratione, nunc *Keroan* k), nunc *Curin* l), nunc *Guirina* cet. vocatur.

§. XLVI.

7. *Garamantes septentrionales.*

Pergimus iam ad subiiciendas et describendas reliquas gentes, quae oram *Libyae Septentrionalem* a *Cyrenaica* inde vsque ad *Tritonem fluuium*
et

d) Lib. XVII. pag. 337. A.

e) Hymn. in Apoll. vers. 96.

f) Lib II. 61.

g) ad VIRGILII Aeneid. IV. 43.

h) Lib. IV. pag. 280. (p. 195. B. C.)

i) MARMOR. Tom. I. pag. 11. Tom. III. pag. 44.

k) de BROSSES ad SALLVSTIVM I. pag. 48.

l) D'ANVILLE Geogr. Anc. Abr. Tom. III. pag. 44.

et Tritonidem paludem incolere HERODOTO dicuntur. Primo autem loco commemorandi sunt.

Garamantes, οἱ Γαραμανταί, Nasamonibus ad austrum ἐν τῇ θηριῶδει, in regione feris abundante, habitantes, gens exigua, quae hominum consuetudinem omnino fugere et bellica armatura omni destituta perhibetur a). Idem refert Mela I. 8. cui gens nostra *Gamphasantes* audit.

Ad hos *Garamantes* quod attinet, quos caue confundas cum *australibus*, (§, LVI.) iam supra (Vid. Delineatio Opusculi pag. 7. 8. not. a.) commemorauimus, et mirum primò intuitu videri, quod inter maritimas Libya gentes *Garamantes* referat HERODOTVS, et quibus ex causis mirum hoc videri possit debeatque. Ibidem vero iam monuimus, rationem reddi posse satis idoneam, qua induci se passus sit HERODOTVS, vt *Garamantes* inter Libyae gentes, mare accolentes, referret. Haec quaenam sit, tribus verbis exponendum nunc est. Scilicet cum maritimi Libyes ab Aegypto vsque ad Tritonidem paludem habitantes, Nomades essent, (Vid. HERODOT. lib. IV. cap. 181. princ. et cap. 185.) reliquos Libyes, vti nobis quidem videtur, haud dubie simul exponit HERODOTVS, qui haud minus, ac illi, nomadicam vitam agebant, quamquam remotiores a mari, *Asbystas*, (lib. IV. cap. 170.) *Gindanes*, (cap. 176.) adeoque *Garamantes*. (cap. 174.)

§. XLVII.

a) HERODOT. lib. IV, cap. 174.

§. XLVII.

3. *Macae a).*

Fines; Mons; Cinyps fluvius et regio.

Maritima loca, Nasamonibus ab ortu solis contermina, tenebant *Macae*, οἱ Μακαιοί, referente HERODOTO lib. IV. cap. 175.

In hac regione erant

Gratiarum Collis, ὁ χαριτων λοφος, e quo oriuntur fontes Cinypis, in ipsa regione syrtica situs, a ma-

- a) Ex maritimis Libyae gentibus, quarum meminit HERODOTVS, *Syrticam regionem* habitabant *Nasamones*, quos exposuimus §. XLIII. *Macae*, *Gindanes*, *Lotophagi*, *Machlyes* et *Ausenses*, iam ordine exponendi. Quae *Syrtica regio* a quibusdam vocari solet, ea vulgo ad Africam propriam reuocatur. *Syrticae regionis* disertis verbis mentionem HERODOTVS iniecit nullam. Maioris autem Syrtis lib. II. cap. 32. 150. et lib. IV. cap. 169. mentio exstat. Hanc enim intelligendam esse, non minorem, facile intelligitur. *Maior Syrtis* nunc *Golfo de Sidra* nominatur. D'ANVILLE Geogr. Anc. Abr. Tom. III pag. 69.

„*Syrtibus* nomen ex re inditum. Nam duo sunt Sinus prope in extrema Africa (secundum veterem Geographiam) impares magnitudine, pari natura: quorum proxuma terrae praecata sunt, cetera, uti fors tulit, alta: alia in tempestate vadosa. Nam ubi mare magnum esse, et saevire ventis coepit, limum, arenamque, et saxa ingentia fluctus trahunt; ita facies locorum cum ventis simul mutatur. *Syrtis* ab tractu nominatae. „ (nimirum a συρω, traho.) SALLUST. *Bello Jugurth*, pag. 125.

a mari 200 stadiis remotus, nemoribus frequens perhibetur, licet omnis ea Libyae pars, cuius descriptionem dedit HERODOTVS lib. IV. cap. 168 - 174. nuda sit arboribus. HERODOT. lib. IV. cap. 175.

Per *Macas* 200 stadiorum cursu fluit.

Cinyps b), ὁ Κινυψ, e *Gratiarum colle* oriundus, HERODOT. l. c. qui STRABONI c) et PTOLEMAEO d) Κινυφος dicitur, PLINIO e) autem *Cinyps*. Quae de *Cinyphi* fontibus PTOLEMAEVS tradit, ad eiusdem nominis fluuium, e Girgiri monte oriundum, referenda sunt. Hodie *Wadi - Quaham* appellatur *Cinyps* noster f).

Regionem, quae *Cinype* fluuiio irrigatur et ipsam

Cinypem, Κινυπη, eamque vdam fontibus, securam siccitatis e vehementi aestu oriundae, quoniam in hoc Libyae tractu pluat, (lib. IV. IV. cap. 198.) adeoque οἰκησεχωρον καλλιστον των Κιβυων HERODOTVS lib. V. cap. 42. appellat. Libyae omnem terram licet minus bonam et felicem, quam et Europae, declaret HERODOTVS, affirmat tamen

b) Hinc *Cinyphii Macae* apud SILIVM ITALICVM III. 275.

c) Lib. XVII. pag. 835. B.

d) Lib. IV. 6. pag. 279.

e) Histor. Natur. lib. V. cap. 4.

f) D'ANVILLE Geogr. Anc. Abr. Tom. III. pag. 91. Memoires de l'Academie des Inscriptions Tom. XXVI. pag. 78.

men tantum abesse vt *Cinyps regio* aequae infecunda sit, ac omnis reliqua Libya, vt potius, si maiorem in modum largus sit terrae prouentus. ter centuplicem prouentum reddat sementis. HERODOT lib. IV. cap. 198.

In hanc Libyae regionem *Doritus*, *Anaxandridae*, Lacedaemoniorum regis, filius, ob regnum, patre defuncto, non impetratum, iratus colonos deduxit. Inde autem tertio eiectus anno a *Macis*, *Libyus g)*, et *Carthaginiensibus*, in Peloponnesum rediit *h)*

XLVIII.

1. *Gindanes*.

Ab occidente *Macis* contermini sunt.

Gindanes, οἱ Γινδανες, Libyae tractum, qui est supra oram maritimam, a *Lotophagis* frequentatam, (§. XLIX.) incolentes *a)*. Vnde apparet *Gindanes* non ipsos fuisse maritimos *b)*. Promiscuos concubitus probabant, de qua re plura ex ipso

g) ὑπο Λιβυων. VALKENARIUS ὑπο Μαχλυων legendum esse indicat. Vid. eius obseruat. ad HERODOT. lib. V. cap. 42.

h) HERODOT. lib. V. cap. 42.

a) HERODOT. lib. IV. cap. 176. coll. cap. 177. princip.

b) Vid. Delineatio Opusculi nostri pag. 7. 7. not. a.) et §. XLVI.

c) voce Γινδανες.

ipso HERODOTO lib. IV. cap. 176. discenda. Loto visitabant *Gindanes* aequae ac illa gens, quae ab illo cibo nomen sortita est, STEPHANO teste

§. XLIX.

α. *Lotophagi*.

Lotophagi, οἱ Λωτοφάγοι α), inhabitare perhibentur oram maritimam, quae est ante regionem a *Gindanibus* frequentatam; pertinebant vero versus occidentem vsque ad *Machlyes* b). Diſti sunt *Lotophagi* a loto, qua vescébantur c). Cuius fructus descriptionem aliquam dat HERODOTVS 1. c. in quo et vinum ex hoc fructu conficere *Lotophagi*

a) Confudisse quosdam *Lotophagos* cum *Machlybus* patet e PLINII loco, qui *Hist. Nat. lib. V. cap. 4. exstat. In intimosinu*, inquit PLINIVS, *fuit ora Lotophagon*, quos quidam *Machryas* (h. e. *Machlyes*; nam varie scribitur hoc nomen ab antiquis auctoribus) *dixere, ad Philaenorum aras*. Cuius confusionis ratio inde petenda. est quod *Machlyes* finitimi erant *Lotophagis*. Adde, quod *Machlyes* etiam loto vesci dicuntur. HERODOT. lib. IV. cap. 178. Qui vero apud PLINIVM 1. c. pro *Machryas* legunt *Alochoas*, hosque de glauci coloris hominibus interpretantur, vehementer, profecto errant.

b) HERODOT. lib. IV. cap. 177. 178.

c) HERODOT. lib. IV. cap. 177.

d) Conf. HOMER. Od. I. 94. seqq. EVSTATH, pag. 1616. et 1644. edit. Rom. PLINII *Hist. Nat. lib. XIII. cap. 7. Add. LARCHERIVS Tom. III. p. 476. 477.*

phagi dicuntur e). Lotus arbor, (cuius delineationem aeri incisam dat SHAW, n. 270. et de la CROIX Tom. I. pag. 81.) eadem est, quae nunc *Seedra* Arabibus dicitur, et cuius magna copia est in Barbaria et in deserto Barbariae *f*).

§. L.

13 *Machlyes*.

Eorum situs et fines; Fluvius; lacus; Insula.

Machlyes, οἱ Μαχλυσες *a*), maritimam oram a *Lotophagis*, h. e. Fere a termino occidentali Syrtis minoris, vsque ad Tritoridem paludem habitabant. Hi quoque loto vesci dicuntur, verum parcius, quam *Lotophagi b*). Erant et in Scythia *Machlyes*, quos caue cum nostris confundas *c*). Pertinebant nostri vsque ad flumen, quod dicitur,

Triton, ὁ Τριτων, teste HERODOTO, cui ποταμός μέγας, et in *Tritonidem lacum* exire dicitur *d*).
Trito-

e) Vtrum eadem ex loto cibum et vinum confecerint *Lotophagi*, operose disputant VOSSIVS ad SCYL. pag. 114, Edit. GRONOV. et BOD. A STAPEL in THEOPHRASTI Hist. Plant. lib. IV. cap. 4. p. 327.

f) Vid. SHAW Voyages Tom. I. pag. 292. 293.

a) Varie scribitur huius gentis nomen. Vid. WESSELINGIVS ad HERODOT. lib. IV. cap. 178.

b) HERODOT. lib. IV. cap. 178. 180.

c) Conf. LARCHERIVS Tom. III. p. 216.

d) Lib. IV. cap. 178.

Tritonem fluuium non diuersum esse ab eo, qui nostra aetate *Gabs* dicitur, eiusque fontes a *Gabs*, loco maritimo, non nisi trium, quatuorue miliarium itinere abesse putat SHAW *e*). Hinc apparet, *Tritonem* esse *fluuium exiguum*, nec in *Tritonidem paludem* influere, id quod prorsus recedit ab iis, quae HERODOTVS de natura et cursu huius fluuii memoriae prodidit. Sententia autem a SHAWIO prolata, minime caret fundamento. Montes enim continuos a loco, qui *El Hamma* dicitur, (situs est hic locus infra *Tritonidem lacum*, nec confundi debet cum eiusdem nominis loco maritimo, qui haud longe a *Gabs* distat) vsque ad locum *Maggs*, et hinc ad oram maritimam, vsque ad terram, insulae *Serbae* (Lotophagitidi) obuersam porrigi dicit; hosque satis probare affirmat, errasse et veteres et recentiores Geographos ad vnum omnes, qui cursum iusto maiorem huic fluuiio tribuerunt, eumque multos lacus efficere affirmarunt. Addit, hoc ipso nris argumento, nec locum ideo habere posse PTOLEMAEI sententiam, qui *Tritonem* e monte *Vasaleto* oriundum pronunciat, si modo mons *Vasaletus* ipsi dictus, idem est cum hodierno *Vselet*. Res fere expedita est, si statuas, HERODOTVM *Tritodinen lacum* cum *minori Syrti* confudisse, quae interdum *paludis s. maris Tritonidis* nomine venit *f*). Iam enim non nisi in epitheto haeremus, quod *Tritoni flumio* tribuit HERODOTVS. Fides tamen habenda videtur SHAWIO, sollertissimo *αδροντη*.

K 2

Tri-

e) Voyages Tom. I. pag. 253.

f) DAPPER pag. 293. 294.

Tritonis lacus, ἡ Τριτωνίς λίμνη, PTOLEMAEO perperam forte Τριτωνίτις dictus, ab HERODOTO (g) λίμνη μεγάλη, quam influit Triton fluuius, appellatur. *Tritonidem* a flumine Tritone dictam esse primo intuitu unicuique in oculos incurrit. Testatur idem PLINIVS h), cui aequae ac POMPO- NIO MELAE i) ab ingenti ambitu laudatur. Pertinet *Tritonis lacus* ab oriente in occidentem longitudine viginti milliarium, sex fere latitudine k). Superior eius pars, teste PTOLEMAEO, appellatur *Libya*, media *Pallas*, inferior *Tritonis*; nunc vero superior dicitur *el- Lowdeah*, inferior *Pharaoune*, referente SHAWIO, cui accuratam paludis nostrae descriptionem debemus l).

In *Tritonide lacu* Auctori nostro m) sita esse perhibetur

Phla ἡ Φλα insula. In eodem lacu insulam ponunt DIODORVS n), et STRABO o), qui et *Veneris templum* in ea esse narrat. Neuter quidem insulae

h) Hist. Nat. lib. V. cap. 4. Verba eius haec sunt: non procul a Continente palus vasta omnem Tritonem ab eo accepit, Pallantias Catlimacho dicta, et citra minorem Syrtin esse dicta: a multis vero inter duas Syrtes.

i) Lib. I. cap. 7. Super hunc (sinum Syrtis minoris) inquit, ingens palus amnem Tritona recipit, ipsa Tritonis.

k) SHAW Voyages Tom. I. pag. 274.

l) Id. l. c. pag. 274. 275. 297.

m) Lib. IV. cap. 178.

n) Lib. III. pag. 202. (pag. 141. B.)

o) Lib. XVII. pag. 836. D.

fulae nomen profiteri deprehenditur; dubium tamen non est, quin vterque insulam *Phla* innuat; siquidem non nisi vna insula in isto lacu fuisse narratur. Vniuerse autem de hac insula teneamus, eiusdem nominis memoriam non nisi HERODOTO nos debere, et, qui ex hoc illud sumsit, STEPHANO BYZANTINO, confundente insulam nostram cum *Phla* insula, quae fuit in Aethiopia haud longe ab Aegypti termino australi.

Palmis refertam esse hanc insulam e SHAWIO *p*) discimus, qui et narrationem de earum in hac insula origine subiicit.

LI.

et Ausenses.

Eorum situs et fines.

Machlybus finitimi dicuntur HERODOTO *Ausenses*; οἱ Αὐσις, Tritonidem paludem ab occidente accolentes, ita vt inter vtramque gentem fluuius Triton fluat. Haec HERODOTVS lib. IV. cap. 180. Verum hic relegenda sunt, quae de Tritone fluuio obseruata sunt paragrapho superiori.

§ LII.

2. *Traëtus Libyae belluosus.*

Haënus de traëtü Libyae maritimo orientali. Supra eum commemoratur HERODOTO *Traëtus*

K 3

bel-

p) SHAW Tom. I. pag. 274.

belluosus, (Vid. supra Delineatio Opusculi 1. 2. pag. 8.) ab hominibus non habitatus, quoniam feris maiorem in modum abundabat. Exiguam tamen eius partem tenuisse GARAMANTES ex HERODOTI lib. IV. cap. 174. apparet.

§. LIII.

3. *Tractus tumulosus et sabulosus.*

Iam ad interiora nos ducit HERODOTVS, et ea, quae sunt supra tractum *Libyae belluosum* h. e. *supercilium illud sabulosum*, quod a Thebis Aegyptiis usque ad Herculis columnas, quas dicunt (HERODOT. lib. IV. cap. 181.) adeoque extra illas (cap. 185.) porrigitur, describit. Cuius quidem tractus vniuersalem descriptionem cum iam supra exhibuerimus, (Vid. Delineat. Opusc. 1. 3. pag. 8. 9.) eam hic nolumus repetere. Iam vero de singulis collibus, qui in eodem HERODOTO memorantur, deque eorum incolis fusius exposituri sumus.

§. LIV.

a) *Ammonii in colle primo. Solis fons,*

Primi a Thebis decem dierum itinere a) in tractu sabuloso et tumuloso, Auctore nostro teste b), habi-

a) Ita fere et PLINIUS Hist. Nat. lib. V. cap. 9. Illi enim l. c. Ammonis oraculum a Memphi duodecim dierum iter abesse dicitur.

b) Lib. IV. cap. 181.

habitant *Ammonii*, *οι 'Αμμωνιοι c)*, qui ab oraculo Iouis, cui *Ammun*, *ο 'Αμμουν d)*, nomen apud Aegyptios *e)*, appellati sunt. BOCHARTVS *f)* *Ammoniorum* nomen a Chamō, Noachi filio, deducit, quem a patre in Africae steriles arenas ablegatum, ibique per multa secula sub nomine Iouis Ham sine Hammonis *g)* cultum esse docere conatur. Quod tamen extremo quasi digito attigisse sufficiat, siquidem talia nimis dubia ut incerta sunt.

Ammonios ab Aegyptiis et Aethiopibus originem suam trahere Auctor est HERODOTVS lib. II. cap. 42. Vtrum vero populosa gens fuerint *Ammonii*, an non? non omnino liquet; eos tamen regi paruisse et bella contra alias nationes populosque gessisse ex HERODOTI lib. II. cap. 32. aliisque locis perspicitur. Rudera *templi* Iouis

K 4

uis

- c) *Ammoni* saepius memorati HERODOTO v. c. lib. II. cap. 32. lib. III. cap. 17.
- d) De Ioue Hammone dissertationem scripsit AEGIDIUS STRAVCHIVS, qua probare tentat, Hammonem diuersum non esse a Chamō, Noachi filio.
- e) Vid. HERODOT. lib. II. cap. 42.
- f) Phaleg lib. I. cap. I. §. 14. pag. 5. D.
- g) Ammonis nomen notissimum fuisse in Arabia et in omni Africa doceant Arabiae fluuius Ammon, (PLIN. Hist. Nat. lib. VI. cap. 28.) Ammonium promontorium, (PTOLEM. lib. IV. cap. 7.) Ammonii populi, (PLIN. l. c.) AMMONIS VRBS ad Cinyphum fluuium in Africa propria: (PTOLEM. lib. IV. cap. 3.) Ammoniaca vrbs in Marmarica, quae et Paraetonium, (STRABO lib. XVII.) Ammonis delubrum in insula Meroe (PLIN. lib. VI. cap. 29). Africa etiam omnis ab Ammoniaca regione, HERODOTO memorata, et oraculo, toto terrarum orbe celeberrimo *Ammonia* dicta est.

uis Ammoni, de quo vide HERODOT. lib. II. cap. 42. coll. lib. IV. cap. 181. nunc superesse referunt peregrini, Meccam euntes, et vocant locum *Hesach-bir* a mole lapidum *h*). Ipsius autem oraculi antiqui origines exponit HERODOTVS lib. II. cap. 54. seqq *i*).

Ammonior, quos ad Marmaricam reuocandos esse dubio caret, POMPONIVS MELA *k*) vna cum *Solis fonte*, qui Ammoniorum erat, in Cyrenaica prouincia ponit; improprie tamen Cyrenaicam ad Catabathmum vsque extendit LVCANVM taceamus; qui nunc Syrtibus finitimum dicit *Ammonem* *l*), uunc Garamantibus *m*).

Vrbs Ammon HERODOTO praeterita. Nec sane est, quod mireris, Auctorem nostrum istam urbem, siue τὰς ἐπικαλουμένας Ἀμμωνος πόλεις, ab *Ammonē dictas vrbes*, vti dixit DIODORVS *n*), silentio praetermisisse. Hinc enim diei iter aberat lucus et templum, Ammoni sacrum *e*), de quo loquitur HERODOTVS. Urbis sane mentionem inieciisset, si finitimum illi fuisset Ammonis templum. Regionis, quae templo isti contermina erat, descriptionem dedit HERODOTVS nullam, exceptis
iis

h) Vid GRAMMAYE Africa illustrata pag. 10.

i) Cui iungendus Is. VOSSIVS ad Melae I. 8. pag. 32. seqq. situm templi Ammonis exponens.

k) Lib. I. cap. 8.

l) Lib. X. 38.

m) Lib. IX. 511 - 514.

n) Lib. XVII. pag. 527. (pag. 588. D.)

e) DIODOR. I. c.

iis, quae e *solis fontis* descriptione, de quo mox dicturi sumus, timide conici possunt. Plura occurrunt apud DIODORVM l. c. Narrat autem *Scriptor Siculus*, arenas vastas et siticulosas illam regionem includere, omni humaniori cultu destitutas, ipsam autem regionem ad quinquaginta stadia tam in latitudinem, quam in longitudinem porrectam, multis aquis manantibus irrigari, arborumque omni genere, in primis frugiferentibus, refertam esse. Addit, *Ammonios*, (quo nomine sacri nemoris accolae intelligendi sunt) vicatim habitare circa ἀκροπολιν τριπλοῖς ὠχυρωμένην τοῖς τείχεσι, h. e. *arcem triplici munitione firmatam*.

Extra hanc ἀκροπολιν ponitur a *Scriptore Siculo*.

Solis fons, ἡ κρηνη Ἡλίου; quem prope Ammonios esse HERODOTVS tradit simpliciter p). Hicce fons, referente HERODOTO, sub diluculum tepet, tempore fori repleti (h. e. die progrediente et quidem pro horarum succedentium ratione, DIODOR. lib. XVII. pag. 528. (p. 589. B.) frigescit, sub meridiem valde frigidus est. Declinante autem in vesperam die frigus remittitur ad occasum vsque solis, mox tepescit, tunc magis atque magis feruescens media nocte exaestuatur; denique post mediam noctem ad auroram vsque refrigescit. Ita fere Herodotus de *Solis fonte*, certis diei horis mirabiliter se variante q).

K. 5

§. LV.

p) Lib. IV. cap. 181.

q) Ex illis, qui de mirabili hoc *Solis* apud Ammonios fonte egerunt, HERODOTVM sequuti videtur.

§. LV.

β) *Augilae in colle secundo.*

Ab Ammoniis decem dierum iter (versus occidentem) *alter collis salinus distat*, Ammonio similis. Ibidem aqua fontana memoratur hominibus circumhabitantibus. Celebrata etiam bona dactylorum copia a), qua referta est, regio. Quorum colligendarum gratia hodieque in hanc regionem iter faciunt Africani quidam in primis Arabum, Libyam peruagantium ii, qui Lebetes vocantur. Vid MARMOL. Vom. III. pag. 53.

Quod ad situm Augilae attinet. (hoc nomine insignitur collis iste) ea LEONI AFRICANO a Nilo in quadringentesimo quinquagesimo milliario distare, sita autem eidem perhibetur ea via publica, quae e Mauritania per Libyae desertum in Aegyptum ducit b). Verum necesse est, ut eiusmodi milliaria intelligamus, quae conueniant cum ducentis milliariis, quibus Augila a Nilo distare dicitur MARMOLIO, LEONEM sequenti, et cum viginti dierum itinere, quo teste HERODOTO a Memphi *Augila* abest.

Cete-

dentur ARRIANVS lib. III. cap. 4. CURTIUS lib. IV. cap. 7. et MELA lib. I. cap. 8. DIODORVS quoque lib. XVII. pag. 528. (p. 589. B.) non nisi quoad verba ab HERODOTO recedit.

a) HERODOT. lib. IV. cap. 182. coll. cap- 172.

b) Vid. LEO AFRIC. p. 633. 634. POMPONIVS MELA *Augilas* occidenti propiores pronunciat, quam

Ceterum inter omnes Libyae regiones, antiquis scriptoribus graecis memoratas, una *Augila*, eaque stricte sic dicta c), eodem nomine nostro adhuc aevo insignitur, quo antiquitus vocabatur d).

§. LVI.

γ. *Garamantes australes in colle tertio.*

Ab Augilis decem dierum itinere a) versus occasum faciundo adsunt

Garamantes, οἱ Γαραμαντες, tertium salis collem, palmis et aqua fontana abundantem inhabitantes. Perhibentur autem *australes* hi *Garamantes* gens esse valde numerosa, agro colendo victum quaerens. Verum rapto quoque vixisse eos tantum non disertis verbis affirmat HERODOTVS; hoc tamen satis indicat dum eos Troglodytas Aethi-

quam *Garamantes*. Nam lib. I. cap. 4. *primos* inquit, *ab oriente Garamantes, post Augilas et Troglodytas, et ultimos ad occasum Atlantes audimus*. Verum haec de *Agilarum* situ relatio consentanea non est HERODOTO. De situ *Agilarum* vid. et PLINII Hist. Nat. lib. V. cap. 4. Addatur DAPPER. pag. 323.

- c) Augilorum nomine sensu latiori sumto omnem significant regionem desertam, quae ab Augilis stricte sic dictis vsque ad Nilum porrigitur. Quae omnis regio nostra aetate inhabitatur ab Arabibus. qui *Lebetes* dicuntur. MARMOL Tom. III. pag. 53. de la CROIX Tom. II. p. 341.
- d) Aid. MARMOL. l. c. de la CROIX Tom. II. pag. 254. p. 340. seqq. LEO AFRIC. p. 634. 636.
- e) *Garamantes* 12 dierum itinere abesse ab Augilis PLINIUS refert Hist. Nat. lib. V. cap. 4.

thiopes quadrigis venari seu persequi tradit. Ab his *Garamantibus* ad *Lotophagos* triginta dierum itinere peruenire licet *b)*.

Regionis a gente nostra inhabitatae longitudo versus orientem iter facienti circiter 1000 stadia, latitudo 300, aut paullo plura, quantum quidem cognitum *c)*.

De *bubus retro pascentibus* (ὀπισθοβοῦνσις), qui inter *australes Garamantes* fuerunt, HERODOTO lib. IV. cap. 183. et ex eo MELAE lib. I. cap. 8. item PLINIO Hist. Nat. lib. VIII. cap. 45. et ARISTOTELI Hist. Animal. lib. VI. cap. 21. memoratis, vide IS. VOSSIVM ad MELAE loc. cet, pag. 41. seqq.

§. LVII.

δ) *Atrantes in quarto colle.*

A *Garamantibus* rursus itinere decem dierum versus occidentem *quartus* est *collis salinus* et aqua circumhabitantibus hominibus, quibus propria nomina nulla sunt. Vocantur autem *Atrantes*, οἱ Ἀτράντες. Vid. HERODOT. lib. IV. cap. 184.

Verum hic prolixius de *Atrantum* nomine exponendum nobis est. In Codd. legitur Ἀτλάντες, uti notum est omnibus. At haud facile aliquis induci poterit, ut hanc lectionem genuinam esse et ab

b) HERODOT. lib. IV. cap. 183.

c) STRABO lib. XVII. pag. 839. A.

ab HERODOTO profectam existimet. Non enim credibile videtur, Libyes hos, qui quartum regionis tumultuosi et fabulosi collem tenebant, quibusque propria nomina non erant, eodem nomine fuisse insignitos, quo decem ab his dierum itinere versus occidentem distantes a monte Atlante appellabantur. Nec rem illustrent PLINIVS Hist. Nat. lib. V. cap. §. et POMPONIVS MELA, scriptores HERPOTO multis seculis iuniores, quos ea, quae HERODOTVS de duabus gentibus decem dierum iter distantibus tradidit lib. IV. cap. 184. ad vnos *Atlantes* transtulisse videmus. Verba MELAE, quae huc spectant, lib. I. cap. 8. occurrunt. Sunt autem haec: *Ex his, qui ultra deserta esse memorantur, Atlantes solem execrantur et dum oritur, et dum occidit, ut ipsis agrisque pestiferum. Nomina singuli non habent: (Hucusque dicta de trantibus, vti haud dubie legendum, affirmat HERODOTVS l. c.; quae subiicit MELA de iis pronunciat Auctor noster, qui ab Atlante monte Atlantes dicti sunt) non vescuntur animalibus, neque illis in quiete; qualia ceteris mortalibus visere datur.*

Verisimillima videtur coniectura SALMASII in SOLINVM pag. 410. VALKENARIO, WESSELINGIO, LARCHERIO (Tom. III. pag. 483.) aliisque viris eruditis probata, vetustissimum mendum in HERODOTO haesisse iudicantis, corrigendumque Ἀτράντες, atque hos esse, qui Ἀτράντες RHIANO dicuntur et perperam Ἀφάραντες apud STOBAEVM et NICOLAVM DAMASCENVM pag. 521. Nec in alia sententia fuisse videtur celeberrimus ISAAC VOSSIUS, qui *Atlantes* MELAE me-

memoratos *Aturantes* appellat. Videat. VOSSIVS ad MELA locum laudatum.

§. LVIII.

a) *Atlantes in colle quinto. Mons Atlas*

Supereſt, vt in ſupercilij tumuloſi et fabuloſi deſcriptione de *Atlantibus* exponamus, quorum collem decem eierum iter ab *Atrantibus* diſſitum eſſe HERODOTVS refert l. c. Addit, aquam ex eo emitti, ipſos autem homines, collem incolentes, a monte finitimo *Atlantes* dictos; animalibus veſci, et inſomnia cernere negat.

Prope hunc collem ponitur ab HERODOTO

Atlas mons, quem adeo celſum perhibet, vt eius cacumen cerni nequeat, quoniam nubes nec aeſtate nec hieme eum relinquant. HERODOT. lib. IV. cap. 184. Ab indigenis coeli columna creditur, (HERODOT. l. c.) quod idem iam ab anti-

a) Ab his *Atlantibus*, quos animalibus veſci et inſomnia cernere negat HERODOTVS diuerſi omnino ſunt, ſi fuerunt vñquam, *Atlantei*, οἱ Ἀτλαντῆες, quos DIODORVS tamquam humaniſſimos et feliciffimos deſcribit lib. III. pag. 187. (p. 131. D.) quo in loco eos omnium iſtis in locis mitiffimos eſſe, et terram felicem vrbeſque magnas habitare affirmat. Cui loco iungendus alius, qui lib. III. pag. 189. (p. 132. D.) exſtat, in quo Oceani accolae, felicem terram tenere et hoſpitalitate omnes finitimos ſuperare dicuntur. Dubitatur autem, nec immerito, an hi *Atlantei* vſp̄iam fuerint.

antiquissima inde aetate fama vulgatum fuisse ex HOMERI *Odyss.* α. 52 - 54. intelligitur. *Atlantem* etiam extra Herculis columnas porrigi indicat HERODOTVS lib. IV. cap. 185.

Ad finem perducta de *Atlantibus* relatione, ad hos vsque se posse quidem eorum nomina recensere, qui supercilium fabulosum incolunt, post hos non amplius, HERODOTVS lib. IV. cap. 185. proficitur, vnde, si puid videmus, intelligitur, innotuisse HERODOTO et, supercilium nostrum vltra *Atlantes* adhuc porrigi, et, esse adhuc alias gentes, Libyam vltra *Atlantes* inhabitantes.

§. LIX.

4. *Libya vltra supercilium fabulosum.*

Paucissima sunt, quae de *Libya vltra supercilium fabulosum* memoriae HERODOTVS prodidit, eaque a nobis iam supra exposita. Vid. Delineat Npusc. I. 4. pag. 10.

II. DESCRIPTIO ORAE LIBYAE MARITIMAE OCCIDENTALIS, MARI MEDITERRANEO OBVERSAE.

§. LX.

1. *Maxyses.*

Veuimus nunc HERODOTVM ducem sequentes ad describendam *Libyae oram maritimam, mari mediterraneo obuersam, quae a Tritone fluuio et Tritonide pvlude versus occidentem porrigitur*, h. e. ad

e. ad eos Libyes, qui aratores esse et domos possidere dieuntur.

Horum autem primi, quos commemoravit antiquissimus Libyae Geographus, sunt

Maxyes, οἱ Μάξυες, Aufenses ab oriente contingentes, quorum regio montosa perhibetur, ferisque repleta. HERODOT. lib. IV. cap. 191. Subiicit HERODOTVS l. c. *Maxyes* originem suam a Troianis deducere, dextram capitis partem comatam habere, alteram vero tonsam, et omne corpus minio tinctum. Verum haec monuisse sufficiat.

§. LXI.

2. *Zaueces*.

Sequitur ut commemoremus *Zaueces* οἱ Ζαυε-
νες, seu *Zabeces*, qui inter *Maxyes* et *Byzantes*,
de quibus §. LXII. exposituri sumus, incolebant.
Vid. HERODOT. lib. IV. cap. 193. coll. cap. 194.
Zaueces gentem fuisse bellicosam haec HERODOTI
verba docent et declarant: Τοῖσι αἱ γυναῖκες ἡνιο-
χευσι τὰ ἄρματα ἐς τὸν πόλεμον.

§. LXII.

3. *Byzantes; Insula Cyraunis.*

A *Zauecibus* versus septentrionem usque ad
oram maris mediterranei, *Cercinae insulae* (quam
non diuersam esse ab ea, quae apud Auctorem no-
strum *Cyraunis* nomine venit, mox docebimus)
obuer-

obuersam habitasse *Byzantes*, οἱ *Βυζαντες* a), partim ex HERODOT lib. IV. cap. 194. coll. cap. 193. partim e cap. 195. eiusdem libri satis apparet. Quousque autem *Byzantium terra* a regione Cercinae insulae obuersa in caurum pertinuerit non omnino liquet. PLINIVS b) appellatur, inquit, regio 250,000 passuum per circuitum; et STRABO c) *Byzacios*, *Βυζακίους*, (sic ipsi *Byzantes Herodotei* dicuntur, usque ad regionem *Carthaginensem* habitare tradit. — Regio nostra, antiquis scriptoribus etiam *Emporia* dicta, tantae fertilitatis esse perhibetur, ut centesimam frugem agricolis foenus reddat d). Apum cura apud *Byzantes* maxima erat;

a) Sic nostra quidem sententia omnino legendum apud HERODOTVM, non, ut vulgo legitur, *Γυζαντες*, aut *Ζυζαντες*, quod pessime. Erroris quidem reum declarat STEPHANVM BYZANTINVM, voce *Βυζαντες* scribentem παρ' Ἡροδοτῶν δὲ παντως δια τοῦ γ Γυζαντες, vir longe celeberrimus et doctissimus, P. WESSELYNGIVS ad HERODOTI lib. IV. cap. 194. affirmans, longe hinc (hoc est, ab ea gente, quam HERODOTVM indicare putat) distare Afros Byzantes et Byzacium infra Carthaginem Syrtibus affines. Verum hoc loco audiendus non est Vir doctissimus. Hi enim ipsi apud Herodotum intelligendi sunt, id quod maxime e Cercinae insulae situ apparet, quam iuxta Byzantes ponit HERODOTVS lib. IV. cap. 195. princ. coll. cap. 194.

b) Histor. Natur. lib. V. cap. 3.

c) Lib. II. pag. 131. B.

d) LIVIVS lib. XXXIV. cap. 62. coll. lib. XXIX. cap. 25. PLINIVS l. c.

erat; montes autem, quos accolunt, similiis, quibus ipsis vescuntur incolae, abundare dicuntur e).

Iuxta *Byzantes* f), referentibus Carthaginiensibus, sita est

Cyraunis, η Κυραυνίς, insula, aliis η Κυραυνίς dicta, oleis vitibusque referta, longitudine ducentorum stadiorum, admodum vero angusta, in quam transiri potest e continenti, cum qua ponte coniuncta erat, teste PTOLEMAEO. In hac insula lacus memoratur, e cuius limo virgines indigenarum volucrum pennis pice illitis ramenta auri referunt g). His, quae a Carthaginiensibus acceperat, statim subiicit HERODOTVS, se, an vera sint, ignorare, sed referre tantum, quae ipse narrata accepisset. Iam vero in oculos incurrat unicuique necesse est, Auctorem nostrum ista addidisse non propter insulam ipsam, sed propter picis e lacu isto colligendae modo. Quem tamen ut neget aut dubium faciat tantum abest, ut potius expicis e lacu Zacynthi insulae colligendae modo, quem ipse experientia edoctus cognouerat h), colligat, non a vero recedere, quae Carthaginienses de lacu *Cy-raunis* insulae narrare solebant i).

Quod

e) HERODOT. lib. IV. cap. 195. Vid. et APOLL. DYSCOLI historia commentitia cap. 38.

f) HERODOT, lib. IV. cap. 195. coll. cap. 194.

g) HERODOT. lib. IV. cap. 195.

h) Zacynthi lacus miraculi mentionem faciunt praeter HERODOTVM ANTIGONVS CARYSTIVS cap. 169. et VITRVVIVS lib. VIII. cap. 3.

i) Vid. HERODOT. l. c.

Quod reliquum est, quin HERODOTVS *Cyraunis* insulae nomine eam iudicet insulam, quae vulgo *Cercina* siue *Cercinna* (ἡ Κερκιννα, STRAB.) appellatur, nulli dubitamus. Quod quidem facile colligitur e mensura longitudinis huius insulae, eiusque latitudinis, quam eandem tradunt HERODOTVS et PLINIVS *k*). Ducenta enim stadia, quae *Cyraunis* in longitudinem porrigi HERODOTO dicitur, conueniunt cum viginti quinque millibus passuum, quantam *Cercinae* longitudinem esse PLINIVS auctor est. Erroris autem reus declarandus est PLINIVS, soli *Cercinnae* istam longitudinem tribuens. *Cercinnae*, quae nostro aevo *Gameleria* appellatur, olim perparua insula *Cercinnitis* (hod. *Querqueni* seu *Chercheni*) ponte iungebatur *l*), quae insulae iunctae istam longitudinem efficiunt. Fretum, quod utramque insulam interfluit, fossa potius, quam fretum dicendum est et omnino errant auctores quidam, qui illud quinque passuum millibus patere affirmant. De *Cercinna* insula lege et DIODORI SICVLII lib. V. pag. 294. (pag. 204. D.) *m*), quem locum transcribere nolumus. Monemus tamen, DIODORVM *Cercinam* confudisse cum *Cerne* insula, quae fuit in mari Atlantico.

L 2

Ha-

k) Histor. Natural. lib. V. cap. 7.

l) PLINIVS l. c.

m) SANVTVS, teste DAPPERO pag. 299. putat non solum insulas *Gameleriam* et *Querqueni* cohaesisse, sed etiam duas insulas, quae *Kumilier* dicuntur, ita ut quatuor hae olim una fuerint, eademque insula, quae antiquis scriptoribus *Cyraunis* dicitur.

Haecenus de populis, Libyae orae maritimae, mari mediterraneo obuersae, partem occidentalem habitantibus. Colligenti appareat necesse est, nos non eorum sententiae subscribere, qui HERODOTI loco lib. II. cap. 32. nisi affirmant, *Maxyes*, *Zaueces* et *Byzantes*, (aut quoque demum modo hanc gentem appellaueris, *Gyzantes* vel *Zygantes*), omnem tenuisse oram Libyae maritimam, quae a Tritone fluuio et Tritonide palude vsque ad Herculis columnas porrigitur. Concedimus quidem, probe innotuisse HERODOTO, varias gentes illam quam diximus, oram Libyae maritimam omnem frequentasse. Sed quidni statuamus, HERODOTVM tantum de *Maxyibus*, *Zauecibus* et *Byzantibus* non nihil narratum a Carthaginiensibus accepisse? Nonne ipse Auctor noster his verbis, quae lib. IV. cap. 197. princip. exstant: οὗτοι μὲν εἰσι τοὺς ἡμῖς ἔχομεν Λιβυῶν ὀνομασθαι indicare videtur, istam Libyae oram ab aliis adhuc gentibus habitari? Nonne e *Cyraunis* insulae situ, quae, si quid videmus, nulla alia esse potest, nisi *Cercinnae*, idem intelligitur? Quaerentibus autem, cur de his gentibus, quae a Carthagine versus occidentem incolabant, nihil a Carthaginiensibus narratum accepit HERODOTVS, respondeat STRABO, lib. XVII. pag. 802. affirmans Καρχηδονίους κατὰ ποντοῦν, εἰ τις τῶν ξενῶν εἰς Σαρδῶν παραπλευσεῖν, ἢ ἐπὶ σήλας, *Carthaginienses* (nimirum aliis gentibus mercaturam facientibus male cupientes) *demergere peregrinos, qui in Sardiniam, vel in Herculis columnas naugant.*

Nemini equidem obtrudimus hanc nostram qualemcunque sententiam, haecenus inauditam, quantum

tum scimus; simul tamen, ut eam non plane reiciant Viri docti, quorum iudicio ut omnem libellum, sic hanc quoque sententiam subiicimus, modeste rogamus.

§. LXIII.

De Carthagine nonnulla,

Iam quae in ora Libyae maritima, quam describimus, HERODOTO duce commemoranda restant, tribus verbis subiiciamus. Primo autem loco de *Carthagine* exponendum, quae vrbs Graecis scriptoribus ἡ Καρχηδών dicitur, eius autem ciues οἱ Καρχηδωνιοὶ appellantur. Vtrumque nomen saepius in HERODOTO occurrit, v. c. lib. III. cap. 17. 19; praeterea pauca sunt, quae cum de vrbe, tum de ciuibns eius memoriae prodidit HERODOTVS. Appellat tamen *Carthaginenses* et ipse *liberos Phoenicum*, quod epitheton quid sibi velit facile perspicitur. Scilicet e Tyro, Phoenices vrbe, in Carthaginem colonia deducta perhibetur. Ipsum *Carthaginis* nomen Phoenicium fuit, sed a Romanis corruptum. Poenis enim dicitur *Carthada*, hoc est, *nova ciuitas*. Videat. BOCHART Phaleg lib. IV. cap. 32. pag. 332. B.

Sita est *Carthago* in peninsula quadam, cui ambitus est 360. stadiorum; in media vrbe *Byrsa* arx, in loco arduo sita, qui circumcirca habitatur. Ita quidem in vniuersum STRABO lib. XVII. pag. 832. C. de situ vrbs nostrae. Verum plura de *Carthagine* addere animus non est. Nam ut

SALLUSTII (*Bell. Jugurth.* p. 78.) verbis utamur, de Carthagine filere melius putamus, quam pauca dicere.

§. LXIV.

Columnae Herculis.

Omnem oram Libyae maritimam, quae e *Carthagine* versus occidentem porrigitur, usque ad *Columnas Herculis*, quas vocant, HERODOTVS quantum nos quidem videmus *a)*, silentio praetermisit. Harum vero nonnunquam iniecta est mentio *b)*. Sed quae de his columnis fama vulgavit tacemus, quippe quae et notissima sunt, et ab hac commentatione aliena. *Columna Libyae antiquis scriptoribus dicitur Abyla, Hispanica Calpe c)*.

LXV.

Locus anonymus extra Columnas Herculis

Extra Herculis Columnas ex relatione Carthaginensium HERODOTO memoratur locus quidam, cuius nomen ignoramus, ab ista gente mercaturae causa nauibus adiri solitus. HERODOT. lib. IV. cap. 196. De mercium permutandarum consuetudine eiusque ratione inter *Carthaginenses* et loci illius *anonymi* incolas sine sermone sed fidei plena, exponit HERODOTVS l. c. Quae cui conferre pla-

a) Relegenda sunt, quae §. LXII. subieciimus.

b) Lib. I. cap. 202. lib. IV. cap. 42. 43. 196.

c) POMPON. MELA lib. II. cap. 6.

placeat cum iis, quae de hac mercium permutandarum consuetudine nondum exoleta Nigrites inter et Mauros nobis tradidit solertissimus SHAW (*Voyages* Tom. I. pag. 392. 393.) apparebit, locum illum, cuius nomen Auctor noster non proficitur, haud dubie eundem esse, quem uunc *Segambiam* dicimus.

§. LXVI.

De promontorio Soloente.

Saloentem HERODOTVS lib. II. cap. 32. et lib. IV. cap. 43. promontorium Libyae eiusque versus occidentem terminum appellat. Quod posterius falsum esse constat, siue promontorium, nostra aetate *Cantin* dictum, siue *Ampelusium* intelligas. De promontorio *Ampelusia* cogitare nos quasi cogunt ea, quae apud HERODOTVM lib. IV. cap. 43. leguntur. Verba, quae innuimus, haec sunt: ὁ Σατασπης ἀπικομένος ἐς Αἴγυπτον, καὶ λαβὼν ναὶ τε καὶ ναυτὰς παρὰ τούτων, ἐπλεῖ παρὰ Ἡρακλεΐας σήλας· διεκπλώσας δὲ, καὶ καμψας τὸ ἀκρωτήριον τῆς Λιβυῆς, τῷ ὀνόματι Σολοίς ἐστι, ἐπλεῖ πρὸς μεσαμβρίην, h. e. *Sataspes in Aegyptum abiit, sumtaque illic naue ac nautis nauigauit ad columnas Herculeas: quibus transmissis, flexitens Africae promontorium, cui nomen Solois, in meridiem cursum tenebat.* Quae omnia dici non potest, quam bene quadrent in promontorium, quod graeco idiomate *Ampelusia*; punica vero lingua *Cotes* nuncupatur. Aperte enim significare videtur HERODOTVS Libyae promontorium, quod primum excipit Herculis columnas. *In eadem sententia fuit Vir qui-

dam doctus, nescio quis? qui ISAACO VOSSIO, Viro erudito, ob eandem male vapulat. Ita enim clarissimus VOSSIVS ad POMPON. MELAE lib. I. cap. 5, 5. quo in loco MELA *Ampelusiae* meminit: *Valde errat Vir quidem doctus, qui Soloenta vel Syloenta ex Herodoto hic locum habere putat. Absit illud hinc quam longissime. Vtinam nos docuisset VOSSIVS Soloentis situm, et perspicuum nobis fecisset, ex adscripto HERODOTI loco non sequi, eum Soloentis promontorii nomine Ampelusiam significasse. Qui minus serviliter illum HERODOTI locum intrpretari mavult, quam interpretationem admitti posse non negamus, adstipuletur vulgari sententiae, secundum quam Auctor noster promontorium *Cantin* significasse dicitur a), quod nunc *Ras-el-Hudik* vocatur b). Plane vero audiendus non est DAPPERVS (pag. 7. 6.) qui *Soloentis* nomine promontorium bonae spei forte intelligendum esse coniicit.*

§. LXVII.

Brevis relatio de generali, quae nostra aetate obtinet, partis Libyae hucusque descriptae diuisione.

Perducta ad finem partis melioris *Libyae Herodoteae* descriptione, comperationem antiquae eius diuisionis cum hodierna paucis verbis subiungemus.

Om-

a) D'ANVILLE Geogr. Anc. Abr. Tom. III. pag. 114. LARCHER. Tom. VII. pag. 342. HORST. pag. 6. 7.

b) HORST. pag. 97.

Omnis Libyae pars, cuius descriptionem HERODOTO duce, hucusque exhibuimus, hodie *Barbariae* appellatur. quo nomine venire totum Africae tractum ab Aegypto ad fretum Gaditanum, qui mari mediterraneo, Atlante monte Libyaeque desertis concluditur, et quo regna *Maroccae*, *Fessae*, *Algerae*, *Tuneti* et *Tripolis* continentur, notum est. Gentes Libyae maritimae, quas exposuimus, non nisi eam regionem tenebant, qua hodie regna *Tuneti* et *Tripolis* constituuntur. *Carthago* enim antiqua in *Tuneto* ultima Libyae vrbs est versus occasum, cuius in orae Libyae maritimae descriptione meminit HERODOTVS. Quae vero a *Carthagine* versus occasum sita est orae Libyae maritimae pars, HERODOTO non innotuit, (Conf. § LXII.) si a Columna Herculis Libyca recesseris, et loco anonymo, extra eam sito, promontorioque *Soloente*, HERODOTO e Carthaginiensium relatione notis, quorum ille regno *Fessae* adiudicandus videtur, hoc *Maroccae* regno.

GEOGRAPHIA AFRICAE HERODOTEAE

SECT. II. CAP. II.

DESCRIPTIO LIBYAE INTERIORIS.

*

§. LXVIII.

1. *De populo Nigrum accolente.*

Accedimus tandem ad sectionis posterioris libelli huiusce caput alterum, in quo ea nobis exponenda restant, quae de Libya interiore in HERODOTI opera passim occurrunt. Hic vero primo loco commemorandus nobis venit *populus*, *Nigrum accolens*. HERODOTI locus, qui huc pertinet, lib. II. cap. 32. exstat. Narrat autem l. c. Historicorum pater atque princeps, Nasamonum quinque filios, peragrato longo fabulosaе Libyae regionis tractu, et multorum dierum itinere versus occidentem confecto, vidisse tandem arbores frugiferas, in planitie natas; tum, superuenisse iis puillos, qui forent infra mediocrem virorum staturam (ανδρας μικρους, μετριων ελασσονας ανδρων) ductosque ab his per paludes maximas, easque transgressos peruenisse in urbem, in qua aequali omnes statura

tura forent, colore nigro; denique, hanc urbem magnum praeterlabi fluuium, a vespera ad ortum solis fluentem, in quo conspicerentur Crocodili. Haecenus HERODOTVS.

Quo in loco ne verbum quidem de *Nigro fluuio* occurrere, probe videmus. Verum si quidquam huic narrationi inesse statuere velimus, quod a sana ratione non plane abhorreat, necesse est, vt fluuii istius nomine Nigrum indicari affirmemus a).

Populum huncce *Pygmaeis* b), annumerandum esse, hoc est, hominibus corporis et breuitate et exilitate praeditis, non est, quod vlli dubitemus. Breues enim et exiles sunt, quicunque nimio sole premuntur. Verum caue cogites de istis *Pygmaeis*, qui et *Nubae* appellantur, quique in *Aethiopiae* supra *Aegyptum* finibus australibus habitabant, iis, inquam, prope quos *Nili* fontes ponuntur ab ARISTOTELE Histor. Animal. lib. IX.

Ceterum dari nec integras *Pumilionum* nec *Gigantum* nationes, nemo nescit. Ergo nec *Pygmaei* non in *Aethiopiam* solum, sed etiam in *Indiam* et extremam *Scythiam* a priscis auctoribus translati, eiusmodi minutum hominum genus habendi sunt

a) Videatur D'ANVILLIUS in: Memoires de l'Academie des Inscript. Tom. XXVI. pag. 65.

b) Ipsi *Pygmaei* seu *Pumiliones* iam ex HOMERO Iliad. g. 5. 6. noti, quamquam, STRABONE (lib. I. pag. 32. Edit. Basil. 1571. fol.) iudice, ab HOMERO omnem oram Oceani meridionalem tenere finguntur Vid. Geogr. Homeri §. CXLIII. pag. 159.

sunt, quale vulgo depinguntur. Ab HERODOTO tamen prudentius, quam poetarum in fabellis descriptos esse, vidit etiam WESSELINGIVS ad laudatum HERODOTI locum c).

§. XL.

2 Aethiopia supra Aegyptum.

- a) De variis incolarum Aethiopiae supra Aegyptum sitae nominibus, in Herodoto obuiis; item de Troglodytis Aethiopibus.

Aethiopes supra Aegyptum incolentes ab Aethiopibus, qui longius supra hos habitant, et μακροβιοι, hoc est, *longaeui* saepius HERODOTO dicuntur, (Vid. §. LXXV.) satis distinguit Auctor nostro lib. cap. 97. Hoc enim loco memorantur Αἰθιοπες οἱ πρῶτοι Αἰγυπτῶ, τοὺς Καμβύσης ἐλαυνῶν ἐπὶ τοὺς μακροβίους Αἰθιοπες κατέσρεψατο, *Aethiopes contermini Aegypto, quos Cambyzes facta in Aethiopes longaeuos expeditione superavit.* Ab his diuersi omnino sunt *Aethiopes Asiatici*, quos in viginti illarum gentium numerum retulisse deprehenditur HERODOTVS lib. III. cap. 94. quibus tributa Dario Hytaspis ferenda erant, Commemorantur iterum lib. VII. cap. 70. Horum autem nomine intelligendi sunt Colchidis incolae, hoc est, ii Aegyptii, qui in Colchidem olim translati erant

- c) Veterum de *Pygmaeis* sententias et recentiora de iis testimonia deligenter collegit, item de regione et vera *Pygmaeorum* magnitudine, denique de eorum geranomachia bene exposuit IOBVS LVDOLFVS in Comment. ad Histor. suam Aethiop. pag. 69 - 74.

erant a). De Aethiopibus orientalibus videatur LARCHERIVS Tom. VII. pag. 151. 152.

Aethiopibus supra Aegyptum incolentibus subterraneas domus dat HERODOTVS lib. III. cap. 94. quae erant in ora sinus Arabici, quae *Troglodytices* nomine venit. Hinc ipsi Auctori nostro lib. IV. cap. 183. laudatur *Troglodytae Aethiopes*, οἱ Τρωγλοδυται Αἰθιοπες b), eosdemque l. l. omnium hominum celerrimis pedibus esse, serpentibus, lacertis, aliisque id genus reptilibus vesci, lingua nulli alteri simili vti et vespertilionum instar fridere affirmat c).

§. LXX.

B) *Fines Aethiopiae supra Aegyptum; Fluvius.*

Quod attinet ad *fines Aethiopiae supra Aegyptum*, quinam ii sint versus septemtrionam facile intel-

a) Vid. LARCHERIVS Tom. III. pag. 333. not. 147.

b) Troglodytarum regio a τρωγλαῖς, *caernis*, quas habitaculorum loco habebant, dicebatur. Ejus modi specus in variis regionibus commemorantur, in Aethiopia interiore, in Ammoniaca, in Scythia. Sed omnium notissimae sunt in Aethiopia supra Aegyptum et ad sinum Arabicum, quas haud dubie innuit HERODOTVS.

c) De *Troglodytis* in vniuersum vide quae collegit IOB. LVDOLFVS in commentario ad Historiam suam Anthiopicum pag. 199. 200. Quas vero de fridentibus eorum lingua narrat HERODOTVS, ea refert etiam DAPPERVS pag. 625. Cuius relationem confirmat LVDOLFVS l. c. pag. 199. hunc sermonem ipse audiuit a tali barbaro, qui spectaculi causa in Hollandia et Germania circumducebatur.

intelligitur. Etenim ab Elephantine superiora Aethiopes incolere tradit ipse HERODOTVS lib. II. cap. 29. Caue igitur, ne forte a *Tachompsa insula*, (§. LXXII.) quae sita est in Nilo quatuor dierum nauigatione supra Elephantinem, ea de causa Aethiopiae initium sumas, quoniam alteram eius partem Aegyptii tenuisse perhibentur, alteram Aethiopes. HERODOT. l. c. *Orientalis Aethiopiae supra Aegyptum* terminus sinus est Arabicus; versus meridiem vero et occidentem incerti sunt termini; Libyae regiones ipsae, quae adiacent, parum cognitae.

De Nilo ab Elephantine ad Automolos, hoc est, 112 dierum iter supra Aegyptum adeoque in Aethiopia supra eam sita cognito, exposuimus supra §. XVII. XVIII.

§. LXXI.

γ) De urbe Nyfa.

Atque haec quidem generaliora sunt, quae de Aethiopia supra Aegyptum hoc loco commemoranda nobis erant. Accedimus iam ad specialiora, in quibus recensendis et explicandis, cum paucissima sint, quae huc spectant, ex HERODOTO. haurienda, hunc seruabimus ordinem, ut a septentrione initio sumto in meridiem pergamus. Hunc ordinem ecce! ipse HERODOTVS noster seruauit lib. II. cap. 29. 30. eundemque sequi eo minus dubitamus, quo esse certius deprehenditur, Auctorem nostrum praeter ea, quae locis laudatis occurrunt, nihil attigisse, quod ad specialiore[m] Aethiopiae

piae nostrae Geographiam pertineat, si a *Nysa* urbe recesseris, de qua variis rationibus, quas recensere hic nihil attinet, inducti, primo loco exponere constituimus.

Vrbs haecce disertis verbis ab HERODOTO lib. II. cap. 146. ponitur ὑπὲρ Αἰγυπτου ἐν τῇ Αἰθιοπῇ, in *Aethiopia supra Aegyptum*, et lib. III. cap. 97. Aethiopes Aegypto contermini περὶ Νύσσην τὴν ἱερὴν circa *Nysam sacram*, incolere dicuntur. Urbem utroque loco intelligendam esse satis perspicitur. Quae ritur autem in quam Aethiopiae nostra sita ea fuerit? Nos quidem, quamquam explicandae huic quaestioni diu insudauimus et vix quidquam omisimus inexpertum, unde lux peti posset et *Nysae* nostrae situs definiri, fatemur ingenue, quaestionem istam quantum videmus, solui omnino non posse. In causa est magnus numerus urbium Nisarum, Nyssarum et Nyssarum, quae antiquis scriptoribus memorantur. In causa etiam sunt poetae, qui, cum ipsis ad Orgya Bacchi, diuersis in locis enarranda, opus esset monte; in quo illa agerentur, *Nysam* aliquam vbique intulere. Vid. III. HEYNE ad *Apollodor.* pag. 564. Adde, quod prope montem Deo cuidam sacrum saepissime etiam vrbs erat, cognomen eidem monti, ut facile credas, nullam forte in Aethiopia nostra fuisse urbem, *Nysae* nomine insignitam. Nec quidquam multum impedit, ne ipsa quidem historica HERODOTI fides, quo minus hoc statuamus, siquidem Auctorem nostrum in Aethiopia non fuisse, certum est. Vid. HERODOTI lib. II. cap. 29. Quod cum ita sit, nec hoc poetae antiqui loco, DIODORO SICULO (lib. I. pag. 14. s. pag. 10. A.) memorato:

Est

Ἐστὶ δὲ τις Νυση, ὑπατον ὄρος, ἀνθεονύλη Τηλου Φοινικης, σχεδὸν Αἰγυπτίῳ ὄρει, licet de Nyssa Aethiopiae supra Aegyptum monte accipi possit, cogimur, ut in Aethiopia fuisse *Nysam montem et urbem eiusdem nominis prope eum* statuamus.

§. LXXII.

δ) *De insula Tachompsa.*

De hac insula iam supra exposuimus in descriptione Aegypti, §. XXXIII. ad quem locum, ne semel dicta repetamus, lectores ablegasse sufficiat. De situ insulae nostrae conferendus D'ANVILLIUS in libro, saepius landato: *Memoires sur l'Egypte* pag. 217.

§. LXXIII.

ε) *De urbe Meroe.*

Meroe ἢ *Μερον* a), πόλις μεγάλη καὶ μητροπολις τῶν Αἰθιοπῶν, *urbs magna et caput Aethiopum*, cuius primus omnium *Historiae pater* mentionem facit, ipsi HERODOTO sita dicitur ad Nilum, 56. dierum iter et paullo amplius supra Elephantinam b) Templum habuit et oraculum Iouis c). Nostra aetate *Ialac* nomine insignitur d).

Habi-

a) De *Meroe insula* in uniuersum fusius exponit IOHANNES LUDOLPHUS in Commentario ad Historiam suam Aethiopicam pag. 88. seqq.

b) Vid. HERODOT. lib. II. cap. 29. 30.

c) HERODOT. lib. II. cap. 29.

d) D'ANVILLE *Geographie Anc. Abreg.* Tom. III. pag. 50.

Habitabatur vrbs nostra in *insula Meroe*, quem vocant, de qua, licet eius apud HERODOTVM nulla exstet mentio, pauca tamen commemorare animus est. Antiqui scriptores ad vnum omnes Meroen insulam dicunt, Astabora et Astapo fluuiis circumdatam. Adstipularemur sane illis, modo constaret, Astaboram (hod. Tazace) et Astapum versus meridiem confluere, quod dubium facit D'ANVILLIVS *e*). Meroes insulae descriptionem debemus DIODORO et STRABONI, quorum ille quidem a Meroe, Cambysis matre, hic a sorore Cambysis nomen ei inditum esse memorat. Vterque *Meroen* clypei figuram referre, in longitudinem 3000, et in latitudinem 1000 stadiis patere affirmat; vtrique in ea fodinae auri, argenti, ferri, aeris et varia pretiosorum lapidum genera dicuntur. Verum legenda sunt integra hominū scriptorum loca *f*).

§. LXXIV.

*) *De Automolis.*

Automoli, οἱ Αὐτομόλοι, hoc est, *Transfugae*, Nili accolae, 56 dierum navigatione supra Meroen urbem habitantes. Vocantur ab HERODOTO Ἀσμαχῶ), quae vox quid significet idem aperit, dicens: δυναται τουτο το εἶδος κατα την Ἑλληνων γλῶσσαν.

e) Vid. D'ANVILLE loco l.

f) DIODOR. lib. I. pag. 29. (p. 20. B. C.) STRABO lib. XVII. pag. 821. D. 822. A.

a) De origine huius vocis vide WESSELINGIUM ad HERODOTI lib. II. cap. 30.

γλωσσαν, οἱ ἐξ ἀριστερῆς χειρὸς παρισταμένοι βασιλεῖ, *pollet hoc vocabulum in Graecorum lingua idem quod ab sinistra manu regi adfistentes. Automoli* hi coloni erant Aegyptii, quorum olim 240,000 a Psammeticho, Aegyptiorum rege, in Aethiopiam transfugerant *b)*, cuius transfugii causa ex ipso HERODOTO discenda. His ipsis *Automolis* Aethiopes, qui meridiionalem Aethiopiae supra Aegyptum partem tenebant, Aegyptiacis moribus imbuti, adeoque mansuetiores facti sunt *c)*.

§. LXXV.

3. De Aethiopibus Macrobiis.

Aethiopia ab iis, qui Μακροβιοι, hoc est, *longatui* appellantur, habitata, HERODOTO nostro versus meridiem sita, iis vero, qui Arabiam felicem (hoc est, terram *Iemen*) incolunt, versus meridiem, et ἐσχάτη των οἰκομενων *a)*, *terrarum habitarum ultima*, nec non τα ἐσχάτα της γης *b)*, *extrema orbis terrarum* dicitur. Ipsos autem *Aethiopes*, hanc regionem frequentantes, Africam ad mare australe incolere tradit HERODOTVS *c)*; vnde apparet, *Aethiopes* hosce loca Indico et Erythraeo mari finitima tenuisse.

Aethio-

b) *Automolos* transfugas esse ipsum nomen indicat. Nam αὐτομολεῖν est *transfugere*.

c) HERODOT. lib. II. cap. 30.

a) Lib. III. cap. 114.

b) Lib. III. cap. 25.

c) Lib. c. cap. 17. 114.

Aethiopum Macrobiorum terra elephantum, agrestium arborum, ebeni et maxime auri copia abundabat *d*), quae quanta fuerit captiui aureis vineulis alligati doceant *e*). Aes e contrario rarissimum esse apud *Aethiopes nostros* ideoque in summo pretio haberi perhibetur *f*).

Incolas omnium hominum et maximo corpore praeditos *g*), et pulchritudine conspicuos *h*) esse nec non inoffensa uti valetudine, ita ut plerique ad centum viginti annos vivant, aliqui centesimum et vicesimum annum superent *i*), HERODOTVS auctor est. Haud immerito igitur *μακροβιοι*, *k*) *longaeui*, et ipsi Auctori nostro dicuntur. — Praeterea meminit HERODOTVS *l*) *urbis* horum *Ae-*

M 2

thiopum

d) HERODOT. I. c.

e) Lib. III. cap. 23. Aurea haec Aethiopum vincula attigerunt plures. quos excitat THEODOR. CANTERVS Varr. Lect. lib. I. cap. 5.

f) HERODOT. I. c.

g) Aethiopem et Aethiopiſſam tertia ſua parte exſtantes ſupra ſordinariam hominum ſtaturam vidit et menſus eſt PETRVS VALLENSIS, nobilis Romanus, addens, Aethiopes, quos in Aegypto vidit, ut plurimum proceros fuiſſe. — Adſcripſimus obſervationem hanc auctoritate ISAACI VOSSII ad POMPON. MELAE lib. III. cap. 9. p. 299.

h) De pulchritudine, qua inter omnes homines *Aethiopes Macrobii* eminuiſſe HERODOTO dicuntur, videatur WESSELINGIUS ad HERODOT. lib. III. cap. 20.

i) HERODOT. lib. III. cap. 23.

k) HERODOT. I. I. cap. 17. 21. 23. 97. 114.

l) Lib. III. cap. 24.

thiopum, et *fontis prope eam*, cuius aqua sic in-
ualida fertur, vt leuissima quaeque pessum eant in
profundum *m*). At nec *urbis* nec *fontis* nomen
occurrit. Commemoratur et *locus* apud *Aethiopes*
longaeuos apparatus epulis omni tempore refertus,
quibus vesci volenti cuique licuit, *ἡλιου τραπεζαν*),
Solis mensa, dictus, de qua mensa vide, quae
narrat ipse HERODOTVS lib. III. cap. 18.

Sub rege vixisse *Aethiopes Macrobios* e variis
HERODOTI locis *o*) haud obscure intelligitur *p*).
Leges eorum, diuersas ab aliorum hominum legi-
bus, in vniuersum tantum attigit HERODOTVS
lib. III. cap. 20; subiicit tamen, *Aethiopes* eum
regem constituere solitos, cuius corporis proceri-
tati animus fortis et intrepidus responderet *q*).

§. LXXVI.

Vniuersalis descriptio incolarum Libyae.

Libyam HERODOTI aetate a *quatuor* nationi-
bus inhabitatam fuisse, ipse nos docet lib. IV. cap.
197.

m) HERODOT. lib. III. cap. 23.

n) De hac *solis mensa* apud *Aethiopes longaeuos* vide
scriptorum loca, quae landat WESSELIŅGIVS
ad HERODOTI lib. III. cap. 18.

o) Lib. III, cap. 17. 21. 22.

p) Quae de *Automolis*, *Aethiopiae* supra *Aegyptum*
incolis, et de *Aethiopibus Macrobiis* memoriae
prodidit HERODOTVS confudit POMPON. MELA
lib. III. cap. 9.

q) Conf. VALKENARIUS ad HERODOTI lib. III.
cap. 20.

197. Harum vero *duae indigenae* pronunciantur, *Libyes a)* et *Aethiopes b)*, quorum illi regionem, quae versus septemtrionem spectat *c)*, incolebant, hi eam, quae in meridiem vergit; *duae autem aduenae, Phoenices d)*, et *Graeci*. *Phoenices* in Libya nullo alio loco diserte commemorat HERODOTVS, Carthaginienſes tamen lib. III. cap. 19.

M 3

liberos

- a) Hoc nomine antiquis scriptoribus proprie veniunt qui Libyae partem, quae maxime innotuit hoc est, interprete ipſo HERODOTO IV. 197. regiones versus septemtrionem spectantes (Vid. et not. c.) incolebant. Qui cum primi Libyae populorum Graecis innotuerint, factum est, vt hi omnes Libyae incolas vno Libyum nomine ſaeppiſſime comprehenderent.
- b) Aethiopum nomine haud dubie intelligendi ſunt omnes Libyae interioris incolae. STRABO lib. I. pag. 34. C. (Vid. §. III. pag. 15.) Atque hi ſunt οἱ ἐκ τῆς Λιβυῆς (Αἰθιοπες, qui) οὐλοτατον τριχωμα έχουσι παντων ἀνθρώπων, teſte HERODOTO lib. VII. cap. 70. Omnes hos interioris Libyae populos ſignificat forte SALLVSTIVS (Bello Iugurth. pag. 76.) *Gaetulorum* nomine. Eo enim teſte *Africam initio habuere Gaetuli et Libyes*. Seriora autem tempora reſpexiſſe dicendus eſt eo loco, (pag. 78.) in quo poſt Gaetulos Aethiopes eſſe dicit. Primi hi Africae incolae *aſperi*, inquit, *incultique*; *quis cibus erat caro ſerina atque humi pabulum, uti pecoribus*. *Hi neque moribus, neque lege aut imperio cuiusquam regebantur; vagi, palantes, quas nos coegerat, ſedes habebant.*
- c) h. e. omnem oram maritimam, mari mediterraneo obuerſam. HERODOT. lib. II. cap. 32,
- d) Phoenicum vrbes ſunt: Hippo, Adrimetnm, Lep- tis, et plures in ora maritima. Vid SALLVST. *Bello Iugurth. p. 77. 78.*

liberos Phoenicum appellat. (Vid. §. LXIII.) Graeci autem in Libya saepius in vniuersum Auctori nostro memorati, et speciatim *Theraci*, *Peloponnesii*, *Cretenses*. (Conf. §. XXXVIII.)

DIODORVS SICVLVS e) Cyrenen) et Syrtes nec non interiorem Libyae regionem, illis finitimam g), quatuor Afrorum genera accolere et inhabitare affirmat, *Nasamonos*; *Auschisas*, *Marmaridas*, *Macas*. *Nasamonis* regionem tenere dicuntur, quae in meridiem vergit; *Auschisae* versus occidentem habitare perhibentur; *Marmaridae* ab Aegypto vsque ad Cyrenen (hoc est, Cyrenaicam) incolere, et *Macae*, quos omnium populosissimos appellat DIODORVS, Syrtes accolere narrantur. Horum autem populorum *Marmaridas* diuersis, reliquos iisdem nominibus HERODOTVS insigniuit. At vero licet pro *Marmaridis* substitui facile possint *Adyrmachidae* et *Giligammae*, quos nominat HERODOTVS, nondum tamen expedita res est. Nihilo enim secius longe recedere DIODORVM hoc loco ab iis, quae HERODOTVS lib. IV. cap. 168. seqq. de gentibus, Libyae oram maritimam tenentibus ad posteros transmisit, quis non videat? Diuersa igitur tempora sedium mutationem attulisse apparet. Quaedam obscurioris notae gentes, HERODOTO memoratae; v. c. *Cabales* in media Auschisarum terra habitantes, (§. XLII.) DIODORI aetate extinctae, aliae *MACIS* finitimae

e) Lib. III. pag. 162. (pag. 127. D.)

f) h. e. Cyrenaicam, Cyrenaica autem h. e. latiori sensu accipienda, ita, vt ab Aegypto incipiat.

g) hoc est, Libyam vsque ad deserta.

timae, ab his subactae videntur, id quod ex epitheto a DIODORO ipsis tributo cuiusque posse videtur. Ab hoc enim scriptore omnium populosissimi appellantur, quales sane HERODOTI aëuo non erant. Vid. §. XLVII.

AGATHOCLIS aetate h) aequae ac antiquiori aëuo in quatuor hominum genera Africa diuisa erat. Erant autem haec:

1. *Poeni* οἱ Φοινικες, qui Carthaginem inhabitabant;
2. *Libypoeni*, οἱ Λιβοφοινικες, qui multas vrbes maritimas (prope Carthaginensem regionem) incolabant;
3. *Libyes*, maior et antiquissima Libyae incolarum pars i);
4. *Nomades* k), qui longos Libyae tractus vsque ad deserta tenebant.

§. LXXVII.

Vniuersalis descriptio naturalis soli Libyae conditionis.

Vniuersalem naturalis soli Libyae conditionis descriptionem dedit HERODOTVS lib. IV. cap.

M 4

198.

h) De hac Africae AGATHOCLIS aetate diuisione exponit DIODORVS SICVLVS lib. XX. pag. 791. (pag. 762. C.)

i) Incolabant ab Aegypto vsque ad Poenos.

k) Huic *Numidiae* et *Numidarum* nominis originem deducunt. Verum haec Etymologia merito dubia habetur, quoniam ex Graecorum lingua petita est.

198. Sed iterum hunc locum transscribere nolumus.
Vid. §. XLV. XLVII.

E P I M E T R V M.

§. LXXVIII

De populo incertae sedis.

Incertae sedis populum dicimus eum, quem adiisse perhibetur Sataſpes, Teaspis filius, Persa ad circumnavigandam Libyam a Xerxemiſſus. Frequentasse eum Libyae litoris partem, quae est circa lineam aequinoctialem eo minus nunc quidem dubium est, quo certius persuasum nobis habemus, Sataſpen vento, quem aestivo tempore constanter a meridionali plaga flare scimus, impeditum esse, quo minus iter continuaret. Quanam enim alia re impediri potuerit, quominus iter inceptum continuaret, plane non apparet. Ipsa de populo isto narratio exstat apud HERODOTVM lib. IV. cap. 43.

I N D E X

G E O G R A P H I C V S.

A.

- Adyrmachidae 119
- Aeginetae in Aegypto 55
- Aegypti diuifio 51 - 53.
 - fines 20 - 22.
 - fluuius 31. feqq.
 - inferioris descriptio 56.
 - magnitudo 24. feqq.
 - nomen 19.
 - superioris descriptio 89. feqq.
 - vrbium, oppidorum et incolarum numerus 108.
- Aegyptiacus Isthmus 17.
- Aegyptium mare 18.
- Aegyptus Nili donum 23.
 - num quarta orbis terrae pars Herodoto dicatur 15.
- Aeoles in Aegypto 55.
- Aethiopia, omnis Africa interior 15.
- Aethiopiae fines — 173
- Aethiopès Asiatici 172.
- Macrobii ibid. 178.
- Orientales 173.
- Ammon 152.
- Ammonii 150.
- Anthylla 60.
- Anyfis 87.
- Anyfius nomus 53. 87.
- Aphrodisias infula 123.
- Aphthites nomus 52. 87.
- Apis 60.

- Apollinis fons 128.
- Arabicus finus 18.
- Archandropolis 61.
- Asbyftae 129.
- Asmach. Vld. Antomoli
- Atarbechis 66.
- Athribis 80.
- Athribites nomus 52.
- Atlantes 158.
- Atlas mons 158.
- Atrantes 156.
- Augila 454.
- Augilae ibid.
- Aufchifae 130.
- Aufenses 149.
- Automoli 177.
- Aziris 121.

B.

- Barcae 138. 139.
- Barce 137.
- Beatorum insulae 99.
- Bolbitinum Nili brachium 38. 41.
- Bubastis 79.
- Bubastites nomus 52. 79.
- Bucolicum Nili brachium 38. 39 - 41
- Bufiris 69 - 72.
- Bufirites nomus 52. 69.
- Buto 66.
- Buto 83.
- Buticus lacus 49.
- Byzantes 160.

Caba-

INDEX GEOGRAPHICVS

C.

Cabales 131.
 Canopicum Nili brachium
 38. 40. 41.
 Canobus 57.
 Cares in Aegypto 54. 55.
 Carthaginienses 165.
 Carthago 165.
 Casius mons 76.
 Cataractes 107.
 Cercaforus 62.
 Chemmis insula 64.
 — vrbs 100.
 Chemmites nomus 52. 64 88.
 Chii in Aegypto 55.
 Cinyps fluuius 143.
 — regio 143.
 Clazomenii in Aegypto 55.
 Cnidii in Aegypto 55.
 Collis Iouis Lycae 128.
 Columnae Herculis 166.
 Cretenses in Libya 128. 182.
 Crocodilorum vrbs 96.
 Crophii mons 106.
 Cyraunis insula 160. 62.
 Cyre fons 129.
 Cyrenaei 126.
 Cyrenaica 125.
 Cyrene 139.

D.

Daphnae Pelusiae 73.
 Deltae descriptio 63. seqq.
 Dore in Aegypto 55.

E.

Elbo insula 65.
 Τα Έλεα 65.
 Elephantine 107.
 Erythraei maris sinus 18.
 Erythraeum mare 18.
 Erythrabolus 87.
 Euesperides 136.

Euesperitae 136.

G.

Gafamantes australes 155.
 — septentrionales 140.
 Giligammae 120.
 Gindanes 144. 145.
 Gratiarum collis 142.
 Graeci in Libya — 181.
 Gyzantes. Vid. Byzantes

H.

Halicarnassenses in Aegypto
 to 55.
 Heliopolis 84.
 Hellenium 55.
 Heptanomidis descriptio 89.
 seqq.
 Herculis Columnae 166.
 — Fanum 58.
 Hermopolis 97.
 Hesperis 136. Vid. Euesperides

I.

Ichthyophagi 107.
 Insulae Beatorum 99.
 Iones in Aegypto 54. 55.
 Ionum et Carum castra 79.
 Iouis Lycae collis 128.
 Irafa 135.
 Isthmus Aegyptiacus 17.

L.

Labyrinthus 95. 96.
 Locus exiguus anonymus
 prope Sain urbem 49.
 Leucon 139.
 Leucon Teichos 93.
 Libyae tertia orbis antiqui
 pars 14.
 — ultra Supercilium Sabu-
 losum 159.

Libyae

INDEX GEOGRAPHICVS

Libyae interior 170.
 Libyae diuisio nostra aetate
 168.
 — nominis variae signifi-
 cationes 15.
 — Fines 17.
 — incolae 180.
 Libyci soli descriptio 183.
 Lotophagi 145.
 Lycaeii louis collis 128.

M.

Macae 142.
 Marchlyes 145. 146.
 Macrobiani. Vid. Aethiopes
 Macrobiani
 Mare Aegyptium 18.
 — rubrum s. erythraeum 18
 — septentrionale s. medi-
 terraneum 17.
 Mare 58 - 60.
 Maxyes 159.
 Memphis 89 - 92.
 Mendes 73.
 Mendesium Nili brachium
 38. 42.
 Mendesium nomen 52. 73.
 Menelai portus 122.
 Merae vrbs 176.
 Milesii in Aegypto 56.
 Mitylenaei in Aegypto 55.
 Moeridis lacus 47. 48. 94.
 Momemphis 61.
 Mophi mons 106.
 Myecphoris 80.
 Myecphorites nomen 53. 80

N.

Nasamonas 131.
 Natho nomen 52. 72.
 Naucratis 55. 68.
 Neapolis 101.
 Niger - - 170.

Nigrum accolens populus
 170.
 Nilus 31. seqq.
 Nyssa 174.

O.

Oasis 98. 99.
 Oceanus Atlanticus 18.
 — Australis 18.
 Onuphis 68.
 Onuphites nomen 53. 68.

P.

Papremis 88.
 Papremites nomen 52. 88.
 Patumus 81.
 Peloponnesii in Libya 128,
 182.
 Pelusiacum Nili brachium
 38. 42.
 Pelusium 77.
 Persei Specula 67.
 Pharbaethites nomen 53.
 Phaselitae in Aegypto 55.
 Phatniticum Nili brachium
 38. 39. 41.
 Phla insula 148.
 Phocenses in Aegypto 55.
 Phoenices in Aegypto 56. 92
 — in Libya 181.
 Platea insula 123.
 Plintinetis flumen 56.
 Pleuntus portus 120.
 Populus incertae sedis 184.
 Profopitis insula et nomen
 52. 62.

Psammius mons 93.
 Psylli 133.
 Pygmaei 171.
 Pyramides 94.

R.

Rhodii in Aegypto 55.
 Rubrum mare 18.

S.

INDEX GEOGRAPHICVS

S.

Sais 68.
 Saïtes nomus 52.
 Saiticum Nili brachium 38.
 42.
 Samii in Aedgypto 56.
 Sebennytes nomus 52. 69.
 Sebennyticum Nili brachium 38. 41.
 Sebennytus 69.
 Serbonis lacus 49. 76.
 Silphio ferax regio 124.
 Sinus Arabicus 18.
 Siuph. 69.
 Solis fons 183.
 Solis promontorium 167
 Specula Persei 67,
 Στρατοπεδα 55. 79.
 Syene 105.
 Syrtes 142.

T.

Tachompso insula 107. et
 176.
 Tanis 74.
 Tanites nomus 52. 74.
 Taniticum Nili brachium
 38. 42.

Tarichaeae (Canebicae) 58.
 — Pelusiacaë 78.
 Tauchira 135.
 Tei in Aegypto 55.
 Thebae 102 - 105.
 Thebaicus nomus 52. 88.
 Thebaidis descriptio 100.
 seqq.
 Theraei in Lybia 121. 128.
 182.
 Theftis fons 128.
 Thmuis 74.
 Thmuites oomus 53- 74.
 Tractus Libyae belluosus 149
 — — maritimus 118. seqq.
 — — tumulosus et sabu-
 losus 150.
 Triton fluuius 146.
 Tritonis lacus 148.
 Troglodytae 173.
 Tyrii in Aegypto 56. 93.
 Tyriorum castra 56. 93.

V.

Veneri hospitaë sacer lo-
 cus 92.

Z.

Zauccës 160.

ADDEN-

ADDENDA ET CORRIGENDA.

- | | | | | |
|------|------|------|------|--|
| pag. | 8. | lin. | 2. | multumpue <i>lege</i> multumque |
| — | 9. | — | 17. | vsque ad columnas autem <i>lege</i> : vs-
que ad columnas Herculis nihil habet
quod refeiat, extra columnas autem- |
| — | — | — | 21. | a aeque <i>lege</i> eaeque |
| — | — | — | 32. | ipsis singulis sectionibus <i>lege</i> , ipsi
libello |
| — | 13. | — | 7. | ipso <i>lege</i> ipsa |
| — | 16. | — | vlt. | PRO- <i>lege</i> GEO. |
| — | 80. | — | 18. | vrbs memorata <i>lege</i> vrbs non memorata |
| — | 81. | — | 9. | am <i>lege</i> an |
| — | — | — | 12. | teste, fossa <i>lege</i> teste, quam praeter-
fluit fossa |
| — | — | — | 15. | intuito <i>lege</i> intuito |
| — | 83. | — | 11. | illum <i>lege</i> illam interpretationem |
| — | 84. | — | 9. | Historiorum <i>lege</i> Historicorum. |
| — | 86. | — | 28. | oppositam <i>lege</i> appositam. |
| — | 94. | — | 11. | sint — sunt |
| — | — | — | 21. | Laby. — luxta |
| — | 95. | lin | 1. | <i>post.</i> Arfinoem <i>adde</i> de qua mox (pag.
96) exposituri sumus, |
| — | 97. | — | 10. | fit <i>lege</i> fit |
| — | 110. | — | 23. | meridiale <i>lege</i> meridionalem. |
| — | 112. | — | 4. | sue <i>lege</i> siue |
| — | — | — | 12. | <i>post.</i> Romanis <i>adde</i> conuenire |
| — | — | — | 13. | estis <i>lege</i> est, 15. |
| — | — | — | 17. | 65. <i>lege</i> ad |
| — | — | — | 18. | mensara <i>lege</i> mensura |
| — | 113. | — | 9. | fit <i>lege</i> fit |
| — | — | — | 10. | HERO - <i>lege</i> HERODOT. |
| — | 115. | — | 8. | Riki <i>lege</i> Kiki |
| — | — | — | 9. | aleo <i>lege</i> oleo |
| pag | 121. | lin | 7. | <i>deleatur punctum.</i> |
| — | — | — | 8. | quam <i>lege</i> quo |
| — | — | — | 9. | iudicasse <i>lege</i> indicasse |
| — | — | — | 17. | ore <i>lege</i> orae. |
| — | 122. | — | 22. | <i>deleatur punctum posterius.</i> |
| — | 124. | — | 9. | dico <i>lege</i> dicimus |
| — | 125. | — | 18. | Cyrenaicum <i>lege</i> Cyrenaicam |
| — | 126. | — | 14. | constitunt <i>lege</i> constituunt. |
| — | 127. | — | 6. | inducunt — inducunt |
| — | — | — | 7. | attigemus — attingemus |

ADDENDA ET CORRIGENDA.

- 131. — 9. Ifyllos *lege* Pfyllos
- 132. — 21. *post.* addunt *deleatur punctum*
- 135. — 3. *post* disertis *adde* verbis
- — 27. *ante vocem* STRABONE *lege a*
- 137. — 12. fitae *lege* istae
- 140. — 15. vocatur *lege* vocantur
- 143. — 18. Κιβων *lege* Λιβων
- 164. 13. *lege* habitantibus, colligenti
- — 4. — Subscribere
- — 21. — Cercinna
- 170. -1. — Geographiae
- — — Herodoti opere
- 173. -7. — laudantur
- — 15. — Septentrionem





